



12

13 E

24

Ex Bibliotheca
majori Coll. Rom.
Societ. Jesu

12
15
2
25

72 72
6 6
4 15





METHODVS GENERALIS
COGNOSCENDI
PRÆDICENDI,
ET CVRANDI
MORBOS.
 eorumq; Symptomata.

*Ad veterum, maximèque Hippocratis
 & Galeni normam exacta.*

AD ILLVSTRISS. ET REVERIN.

CAR. DE COMITIBVS
 BARONEM ROMANVM EPISC.
 Anconitanum & Auenionen.
 VICELEGATVM.

Authore **IACOBO FONTANO**
Sammaximitano.



AVENIONE
 Ex Typog. **IACOBI BRAMERAY.**
 1691.



Hygias

Miguel



ST. LOUIS



W. J. ...

W. J. ...



ILLVSTRISS.

AC REVERENDISS.
DOMINO D. CAROLO DE
COMITIBVS, BARONI ROMANO,
Episcopo Anconitano, & Aue-
nionensi VICELEGATO.



*Aboribus prope
innumeris ars me-
dica fuit inuenta
primùm (Prole-
gate Illustrissime,
& Reuerendissime) ac deinde non
paucioribus ab antiquis sensim
decorata. A quorum monumen-
tis firmissimis recedere, illi temerè
sunt ausi, qui ambitioso, vel potiùs
pernicioso rerum nouarũ studio,*

†

2

omnia

omnia pro libidine inuertere, & peruertere conantur, ac si unius hominis deprauata sensa (quæ solet esse effrenata hæresiarcharum, & sectas novas instituentium audacia) multorum, ac pene infinitorum bene sentientium labores essent superatura. Horum temeraria ambitio miserabili, & abiectæ præceptionum futiliū contemptu iādiu fuit depressa. Præuorum namque dogmatum finis extremus solet esse neglectus, & profunda obliuio.

Illi verò qui antiquorum placitis toto pectore adhaeserunt, non omnes ab illis traditas methodos ad amussim obseruariūt: sine quibus tamen ars medica perfectio-

nem

nem suam servare nullo pacto potest. Atque ob eam rem, quasi insciji, pedetentim à splendore doctrinæ antiquorum recesserunt. Vnus Galenus methodi excellentia omnibus præluxit. Eum qui accuratè sectetur pauci existunt: præsertim in ea parte Medicinæ describenda, quæ ad praxim pertinet. Eius rei faciunt fidem multorum libri editi, non sine magna artis confusione: quam in libris nostris De demonstratone Medica, ex Aristotelis, & Galeni institutis expungere sum conatus.

In hoc verò documētis veræ artis Medicæ, ex Hippocrate, & Galeno desumptis, idem præstare enitar. In quo peragendo, cum in-

finitos obtrectatores, quibus nostra ætas scatet, mihi futuros prospiciam, sacram anchoram, & asylum mihi studiosè quærendum, è re mea duxi. In ea verò perquisitione occurrunt Illustrissima, & florentissima Comiteæ familia clarissimum nomen, tuæ eximie virtutes, & præclarè gesta, quæ invictissimo propugnaculo mihi cōtra obtrectantium conuitia esse possunt.

Præter enim multos, ac summos rei bellicæ præclaros viros Cōteæ familia, septuaginta quinque Cardinales Illustrissimos & undecim Pontifices Maximos extitisse omnibus clarum, & perspectum est. Hi tam fuere præstā-

tes

tes, ut octoginta sex familijs illustrandis facile satis esse possent. Cum ergo una familia omnium splendorem complectatur, meritò Illustrissima dici potest, & mere-
tur.

In te verò (Prolegate Illustrissime, & sapientissime) lucent illæ virtutes, quæ optimos rerum publicarum gubernatores exornare solent, prudentia, æquitas, sapientia, & erga ciues summa charitas. Eas expertæ sunt, quas etiam suspiciunt, venerantur, & miris efferunt laudibus, illæ respublicæ, quibus honorificentissimè præfuiſti : Viterbi nimirum sub summo Pontifice F. M. GREGORIO XIII: Perusiæ, Vm-
bria,

K

bria, Camerina, ac tandem Ferraria, qua te nuntio extraordinariè misso à summo Pontifice, ad Cæsaream maiestatem, eam libertatem, & pacem obtinuit, qua his tēporibus felicissimè fruitur. Huius verò Auenionensis ciuitatis, & totius Venaissini Comitatus incole, quibus nunc præes, magnis tuis iam beneficijs deuincti idem cum superioribus ingenuè profitentur. Hæc omnia præclara cui non possent esse propugnaculo?

Bene ergo mihi prospexi, licet audacter nimis: quòd nullis meis in te obsequijs hos fauores promeruerim. Fateor: obsequi tamen tibi cum mihi summa sit voluntas, illos

los

los libenter erogabis : ut in po-
sterum magis ac magis tibi de-
uinciar, & obsequar. Cui, ob tam
grande in me collatum benefi-
cium, & Christianæ reipublicæ fe-
licitatem, nestoreos annos exopto.
V A L E.



A D



AD EVNDEM

ILLVSTRISS. VICELEGATVM.

P. Guirandus Alofianus

I VRIS P.

SI te laudemus
magna quòd natus in vrbe,
Laus ea non hominis,
sed magis vrbis erit.
Si te laudemus,
clara quòd stirpe creatus,
Laus ea non te te,
sed mage tanget Avos.
Si te laudemus,
titulis quòd maximus extes,
Laus ea fortunæ est,
non erit illa tua.
Si te laudemus,
quòd sis virtute coruscans.
Virtus sola tua est,
laus ea sola tua.
Hanc admirari,
sed non laudare valemus:
Est siquidem virtus
laus sua sola sibi.
Ingenio & genio
quantus sis dicere: certè
Nullius (vt reor) est
ingenij aut genij.




DE D.

IACOBO FONTANO.

Idem Guirandus.

SI cupias verè præsentem noscere morbum,
Fontanus Doctor, seu mage ductor erit.
Euentus varios si vis prænoscere morbi,
Intrepidè loquitur, nec secus ex Tripode.
Denique si cupias morbum curare: decenter,
Et placidè morbus viribus orbis erit.
Quid mirum? in rebus, quæ spectant semper ad artem,
Non est mendicæ, verus at est Medicus.
Nam si docta velis prisca documenta Sophia,
Fontanum dicis? dicis Aristotelem.
Humani quaris structuram corporis? illi
Interiora, sicut exteriora, patent.
Si placet herbarum tandem miranda potestas,
Fontanum dices esse Dioscoridem.
Vis mores? illi quod sunt, tot sunt & amores:
Priscus honos, prisca vt dogmata, prisca fides.
Hic (vt doctrina) morum candore Galenum
Aequat, & hunc superat religione pia.
Sed cur ipse Culex Aquilam sub tollere tento?
Et Formica grauem cur Elephanta rehat?
Maximus est meritis, minimus sum laude poësis:
Eest nimis Hippocrates, sum nimis Harpocrates.

IN



IN LIBROS
METHODI MEDENDI
IACOBI FONTANI MEDICI
Auenionen. eruditissimi.

*Alziarij Bochani Podimossönenfis
Medicine candidati.*

SÆpius impuros Medicinæ Gallia fontes
Viderat, impuras vnde bibebat aquas.
Vel si fortè aliquos latices spectaret amænos,
His erat immensus labra rigare labos.
Námq; vel in medijs scopulis, salebrísque fluebāt,
Vnde fluens amnis triste terebat iter.
Sed tunc illimis, nitida crysta'linus vnda
Fons, Fontane; via commodiore fluit.
Tendit iter placidum in valles, camposque iacètes,
Et crepitans leni murmure currit aqua.
Hunc nulli silices fraugunt, nec saxa morantur,
Nec labyrinthæis flexibus egreditur.
Præterea æstiuo nunquam consumitur æstu,
Sed similis semper labitar vnda sibi.
Hunc potum propera, propera, mea Gallia, fontem:
Atque huius laticis pocula crebra cape.

AD



AD D. FONTANVM
MEDICVM DE SVA
METHODO.

Autores prisca congestos agmine morbos
Confuso causas ordine signa docent:
Deuia sectantes, quorum vestigia multi
Curarunt caco languida membra modo.
A te spes primò certa est allata salutis:
Pellendi morbos rectior orta via.
Ordinis hac ratio reliquis prastantior vna
Singula disponens qua iacuere diu.
Sic Ariadna suum deduxit Thesea fortem
Per cacos aditus, monstra domanda docens.
Tu iuuenes artis ducis per limina caca:
Cælestis methodi munere cuncta locans.

*Stephanus Molineus
Medicus.*

Ad eundem de eadem.

Quanto præcellit corpus mens cœlica: tanto
Scripta tuum veterum lāguida vincit opus.
Corpus formarunt, mentem, Fontane, dedisti:
Quî? medicis Methodus mēs erit ista libris.

*ANTONIUS BRONODVS
Medicine candidatus.*



INDEX CAPITVM HVIVS METHODII.

LIBRI I.

De cognitione.

| | |
|--|----------------|
| Q <i>Vid methodus, & quam species methodi sit Medico sequenda</i> | <i>pag. 1.</i> |
| <i>De specie morbi dignoscenda</i> | <i>5.</i> |
| <i>De causa morbi</i> | <i>10.</i> |
| <i>De loco affecto</i> | <i>12.</i> |
| <i>De magnitudine morbi</i> | <i>16.</i> |
| <i>De more morbi</i> | <i>19.</i> |
| <i>De motu morbi</i> | <i>21.</i> |
| <i>De morborum temporibus cognoscendis</i> | <i>23.</i> |

LIBRI II.

De prædictione.

| | |
|--|------------|
| <i>De necessitate, definitione, divisione, utilitate, possibilitate & impossibilitate prædictionis</i> | <i>19.</i> |
| <i>Prædictio futurorum morborum in genere, ducta ex temporū anni constitutione</i> | <i>36.</i> |
| <i>De prædictione in agrotis, sumpta ex comparatione naturæ & morbi</i> | <i>46.</i> |
| <i>De prognosticis ad facultatem naturalem pertinentibus</i> | <i>57.</i> |
| <i>De excrementis in vniuersum.</i> | <i>61.</i> |
| <i>De vrinis</i> | <i>66.</i> |
| <i>De alui deiectionibus</i> | <i>73.</i> |
| <i>De vomitu</i> | <i>79.</i> |
| <i>De sputis ex pectore ductis</i> | <i>80.</i> |
| <i>De sputo ortū ducente ex cerebro, de muco & sordibus aurium</i> | <i>83.</i> |
| <i>De sudoribus</i> | <i>85.</i> |
| <i>De sanguinis stillicidio</i> | <i>86.</i> |
| <i>De sanguinis profusio</i> | <i>88.</i> |
| <i>De singultu & sternutatione</i> | <i>91.</i> |
| <i>De prædictione ad vitalem facultatem pertinente</i> | <i>92.</i> |
| <i>De prædictione ad facultatem animalem pertinente</i> | <i>99.</i> |

| | |
|---|------|
| <i>De longitudine, & breuitate morborum</i> | 108. |
| <i>An ager sit moriturus, an euasurus</i> | 110. |
| <i>Quo tempore sit periturus ager</i> | 111. |
| <i>De terminis morborum</i> | 114. |
| <i>De tempore crifeos</i> | 119. |
| <i>De modo crifeos</i> | 121. |
| <i>De futuris recidiuis</i> | 128. |

LIB. III.

De curatione.

PARTIS PRIMÆ.

| | |
|---|------|
| <i>De indicatione in genere</i> | 131. |
| <i>De curatione per victus rationem</i> | 143. |
| <i>De pituita</i> | 162. |
| <i>De vino</i> | 164. |
| <i>De melicrato siue hydromelite</i> | 166. |
| <i>De aqua</i> | 172. |

PARTIS SECVNDÆ.

| | |
|--|------|
| <i>De reuulsione & deriuatione in genere</i> | 173. |
| <i>De curatione per sanguinis missionem</i> | 177. |
| <i>De affectionibus egentibus phlebotomia</i> | 186. |
| <i>De quantitate sanguinis detrahendi</i> | 188. |
| <i>Quæ vena secanda sit: de quantitate sectionis, & quo tempore vena secanda sit</i> | 191. |
| <i>De indiçijs quæ sumuntur, sanguine detracto</i> | 195. |

PARTIS TERTIÆ.

De curatione per medicamenta.

| | |
|---|------|
| <i>De purgationis definitione, diuisione, qui sint purgandi, & quibus purgatio non conuenit</i> | 197. |
| <i>Quo modo, qua parte, quando, quibusue medicamentis sit purgandum</i> | 203. |
| <i>De quantitate purgationis</i> | 218. |
| <i>De remedijs multitudinem</i> | 219. |
| <i>De remedijs extraordinarijs</i> | 222. |
| <i>De regulis generalibus methodi medendi</i> | 227. |

Exercitationes III.

| | |
|--|------|
| <i>De Phrenitide</i> | 241. |
| <i>De Pleuritide, seu dolore lateris</i> | 264. |
| <i>De Hydropē</i> | 297. |

AD LECTOREM.

EN tibi (lector candide) nostra methodus, verum specimen cæterorum, quæ domi parata sunt in vniuersam artem medicam Libuit experiri, quid doctorum, simul & proborum ferant palata. Hæc si placeant, placebunt reliqua, propediem luce donanda. Sin minus: hæc tibi, illa verò iam tineis sunt dicata.

Et hac de re te admonitum volo, quædam, inter aut describendum, aut excudendum irrepsisse, quæ sic legas rogo, atque obtestor. Pag. 4. 6. in, in 6. Epid. Ibid. aph. 22. p. 62. *suppres-* *suppressio.* p. 68. vehementi rerum, *renum,* p. 72. *lege substantia partis solida.* p. 153. l. 3. p. 192. dele, *Nam si aperiantur vena,* &c. p. 238. in tit. De rebus, De moribus Medicor. Ibid. in m. *intentum interitum.* p. 259. in f. dele, *videat num sit dicendum antecedens.* p. 301. in m. non si existat, *non mirum si.* p. 321. *alleuiatio.* Cætera credo parum mouere.



LIBER PRIMVS
DE METHODO GENERALI
MORBORVM COGNOSCENDORVM,
& eorum quæ in morbis cōtingunt.

Quid methodus & quænam species methodi sit Medico sequenda.

CAPVT. I.



Methodus versatur in vniuersalibus: exercitatio verò in specialibus, aut particularibus. Methodus consistit in multis rebus; nam quæ methodo disponuntur ad se mutuò referuntur. At vnius, quatenus vnum est, nulla relatio fingi potest. Oportet præterea illa multa, diuersa esse: nam in rebus methodo digestis, sunt diuersi gradus, per relationem ad aliquod primum. Res illæ variæ collocan-

A tur

2 METHODVS DIGNOSCENDI

tur aut confusè, aut distinctè; confusa collocatio dicitur, cùm res suo loco nō ponuntur, id est, vt ratio postulat; cuius munus est ordinis normam dictare. Sequitur ergo, vt ordo, & collocatio distincta pēdeat ex regulis à ratione ductis; quibus perscribitur qua sede vnum quodque sit collocandum. Ratio illa, & norma ordinis, vocatur methodus. Verùm ordo consistit in relatione prioris, & posterioris: prius autem, & posterius dicuntur comparatione facta ad aliquod primum. Oportet ergo vt illæ res, quæ ordine collocantur, ad vnum quid primum referantur; cuius ratione, alia priora, alia posteriora dicantur. Omnisque regula methodi nascitur ex comparatione eorum, quæ ad ipsum primum referuntur, cum ipso primo.

Erit ergo methodus, Institutio ordinis, in multis rebus diuersis, ad vnum aliquod primum pertinentibus, & relatis, quæ eundem gradum non seruāt. Methodus verò medica curatiua, erit Ordinis ratio, & institutio in multis indicatis, ad eundē scopum Medico propositum

positum pertinentibus, quæ diuersum in eo gradum, & locum obtinent. Hoc confirmatur Gal. sententia 2. lib. meth. med. cap. 7. Scribit enim: *Quisquis con- dere medendi methodum ad vnguem parat, huic à primis indicationibus est auspicandū: atque hinc ad eas, quæ deinceps sunt, transf- eundum; rursusq; ab ijs ad proximas, & ita pergenti non prius desistēdum, quàm sit finis compos.*

Ex quo perspicuum est, Medicum in medendo vti methodo resolutionis, quod confirmat Gal. cap. 10. lib. II. metho. *Quod vltimum in ipsa resolutiua me- thodo inuentum, id primum omnium in cu- ratione est peragendum*, ordine resolutionis. Primò namque Medicus sibi pro- ponit finem, siue scopū: deinde, regre- diendo, querit remedia ad ipsum sco- pum acquirendum; idq; per indicatio- nes, à quibus indicata nascūtur, vt indi- cationes ab indicantib⁹, quæ dum me- thodo, & ordine disponuntur à Medi- co, is dicitur methodicè mederi. Pro- ponatur itaq; iuuenis aliquis robustus, laborans febre ardente: multa ad illum

4 METHODVS DIGNOSCENDI

sanandum sunt necessaria, quæ per indicationes sunt constituenda; nempe humorum præparatio, purgatio, sanguinis detractio, clysteris exhibitio, cucurbitularum applicatio, & alia multa. Qui huic ægroto voluerit methodicè mederi, oportet vt in illis remedijs ordinem constituat, per methodi regulas, quæ docent, quo modo indicata debeant disponi: vt regula est Gal. cōmen. 6. in Epid. Cū purgationis, ait, & venæ sectionis simul aderit necessitas; quòd à sanguinis missione sit auspicandum nemo dubitat: ni aliqua fuerit in stomacho particularis cacochymia. Norma alia est methodi, ex Hipp. i. Aph. libri primi. *Concocta medicari oportet, non cruda, nisi humores turgeant*: quocirca priùs humores præparandi Medico: deinde purgandi, nisi turgeant. Reliqua sunt eadem ratione disponenda, per methodi regulas: quas describemus in fine partis primæ huius operis.

Verùm neque indicationes capere possumus, neque proinde methodum instituere, citra cognitionem eorum, à quibus

MORBOS.

quibus indicationes potissimū trahuntur: quare de illis primò est dicendum. hæc sunt ex Gal. 1. de crisi. & constit. art. *Morbi species, eius causa, pars affecta, morbi magnitudo, mos morbi, & motus;* quibus annectere possumus tempus morbi.

DE SPECIE MORBI DIGNOSCENDA.

De specie morbi dignoscenda.

CAP. II.

A Morbi cognitione, methodi statuendum esse principium scribit Gal. lib. 2. ca. 7. metho. qui morbus nullo modo potest intelligi, neque curari, nisi ex intellectione affectus, qui secundum naturam est, ex cap. 4. eiusdem lib. Eius cognitio est utilis ad prædicendū, & ad curandum. nam multi morbi specie sua, sunt exitiales, ut pestis, apoplexia. Alij salutare, ut Ephimera febris. Præterea ex morbi specie aliquando eius causa dignoscitur: ut, Tertianæ nascitur ex bile: Quartanæ ex succo melancholico. Gal. primo cap. lib. 2. de crisi. docet, quo pacto quis, vel primo etiam

A 3 die,

6 METHODVS DIGNOSCENDI

die, speciem morbi dignoscat, his verbis, *Morbis aut est simplex, aut mixtus ex pluribus. Simples possunt cognosci facile primo die; habent enim propria indicia, & signa. Ille verò qui mixtus est, non ab omnibus per initia intelligitur, neque absurdum est, ad duplicis morbi cognitionem, duobus esse diebus opus, sicuti si triplex fuerit, tribus. At verò unam simplicem ignorare dispositionem, absurdum est maxime, ac turpe. Oportet ergo se se exercere in simplicibus dignoscendis.*

Primum autem præceptum, quod in hoc exercitio nos manu ducit, trahitur ex cap. 2. lib. 2. cris. dum ait, *morbos simplices dignosci ex suis causis, & symptomatis proprijs, aut inseparabilibus, quæ illos comitari solent.* Hoc docet febrium exquisitarum tertianarum exemplo, & reliquorum simplicium: verum brevitatis causa, cui studemus, vnico & singulari erimus contenti exemplo. *Causæ, inquit cap. 3. eiusdem libri, generantes tertianam, quæ ex bile pendent, sunt, æstas calida sicca, quæ suam naturalem temperiem seruat; regio calida sicca; temperamentum calidum siccum: victus calidus siccus, qui consistit in*
labo-

laboribus, vigilijs, curis, tristicijs, cibisque paucioribus, & biliosis. Ex his autem nascitur multa bilis, ex quibus tamen non licet necessariò argumentari ad febrem tertianam: sed tantùm ex bile pendere necessariò, si omnes illæ causæ, aut potiores simul concurrant. Biliosa autem, aut est continua, aut adurens, aut tertiana exquisita. His positis oportet illa distinguere suis symptomatis. Invasio tertianæ ab acutissimis, & ardentissimis nullo modo separatur; differt tamen, quòd in tertiana exquisita bilis feratur per totum corpus, adque idcirco vehemens fiat rigor, bilisq; superueniat vomitus, urinæ biliosæ, & sudores. In cõtinuis autem biliosis, & ardentibus humor, vna cum sanguine, in vasis continetur; & idcirco illa non contingunt symptomata. Præterea tertiana ad in febricitationem peruenit. In prima invasione sunt pulsus parui, & obscuri: qui tamen non longè recedunt à pulsus sanorum. Dum increscit febris, pulsus habent æqualitatem, & liberam celeritatem, quæ statim ad magnitudinem,

8 METHODVS DIGNOSCENDI

atque vehementiam excitatur, ijsq; frequentiam respondentem. Hæc febris sitim inuehit, hominem exurit, paulò post in vigore consistit, calor quaquaversum extenditur. In declinatione excitatur calor vaporosus calid⁹, vt in balneis: tum verò corpus æqualiter sudat, talisq; est pulsus, qualis in ijs, qui exercitantur, & balneantur; velox nimirū, & vehementer magnus, ac frequēs; definitq; ad infebricitationem; & vniuersum accessionis tempus, cum longissima est, vltra 12. horas, non extenditur; & 7. circuitibus terminatur, ex Hipp. 59. apho. lib. 4. quæ omnia non reperiuntur in biliosa continua, & ardente. In reliquis simplicibus morbis eadem methòdo est progrediendum.

Mixti autem morbi cognoscuntur, ex Simplicium cognitione, vt exemplis multis docet Gal. cap. 7. & 9. lib. 2. de cris. Verùm compositio, aut est humorum, vt in febribus humoralibus comixtis: aut fit ex affectione, & loco affecto. Quocirca, inquit Gal. initio. cap. x. lib. 2. de cris. *Earum febrium quæ ex locis inflam-*

inflammatis accidunt, iam forma composita est: quadam enim loci indicia præ se ferunt, quadam autem causa generantis: vt in pleuritide, locus affectus est membrana costas succingens, quæ cum inflammata est necessario dolorem parit: quia nervosa est. Et quia illa membrana coniungitur cum instrumentis respirationis, necessario æger laborabit difficultate respirationis, & quod cordi proxima sit, excitabit febrem: sicuti quia pulmone proxima est, facile suum illi communicabit affectum; cum præsertim adeo rarum, ac molle sit membrum, vt omnem substantiam humidam facile possit admittere. Tussiet igitur statim homo. Atque hæc ad partem affectam attinent.

Inflammationis autem naturam significant sputa: nam spumosa pituitosam materiam ostendunt, flaua biliosam, nigra melancholicam, rubicunda sanguineam. Ergo in complicatis affectibus ex affectione, & parte affecta oportet cognitionem ducere ex accidentibus, & symptomatis affectæ partis, &

A 5. affectus

10 METHODVS DIGNOSCENDI
affectus ipsius. Cæterum de cognitione
affectuum ita scribit Gal. cap. i. lib. 2. Se-
cundum locos. *Nec verò affectionem in-
uenire promptum est, sed hoc exercitato ho-
mine indiget, qui tum per rationis exercitiū,
tum per multam & assiduam affectionis a-
grorū inspectionem, eam cognoscat. proprie-
tates enim aliqua quidem omnino dici non
possunt, quadam verò agrè circa agrotantia
corpora ostendi possunt, utpote quæ tantum
iis qui eas sæpe viderunt cognita existant.*



De causa morbi.

CAP. III.

CAusæ morbi dignotio conducit ad
remedij inuentionem: nam causæ
contrarium debet parari remedium: tū
ad victus qualitatem designandā; nam
victus qualitas causæ morbi debet ad-
uersari. Querimus autem cognitionem
causæ antecedentis morbi, & coniūctæ;
hæ namque indicant. Primitiua verò
nullam indicationem suggerit. Est ta-
men Medico signum, ad antecedentes
causas,

causas, & coniunctas dignoscendas. Intelligendum itaque est, in causis morborum dignoscendis, nos progredi duplici via, ex causis ad effectus, & ab effectis ad causas. Primitivæ sunt causæ antecedentium, & coniunctarum in quibusdam. Antecedentes autem aliarum antecedentium, & coniunctarum. Sunt. n. illarum plures gradus: Medico verò sunt signa, quadam consequitione, & ratiocinio, vi illius theorematis: Causæ efficientes, in subiectis aptis, effectus sibi similes pariunt. In solatus in eo qui biliosis scatet humoribus, capitis dolorem parit, & febrem: in pituitoso non item: ergo ab anni tempore ducetur argumentum causæ morbificæ. *Mutationes temporū*, inquit Hipp. 3. Aph. lib. 3. *pariunt morbos*: qualis namque aër, talis spiritus, & humores in corporibus dispositis. A regione, ab anni tempore, à victus ratione, similia trahentur argumenta, ex quibus non tantum præsentis cognoscuntur morbi, sed etiam futuri prævidentur in subiectis aptis: ut videre est apud Hipp. 3. Aph.

Cau-

12 METHODVS DIGNOSCENDI

.. Causæ antecedentes, ex Auic. lib. 1. fen. 2. doct. 2. sunt, humores, tempera-
 menta, compositiones: quare harum si-
 gna sunt inuestiganda. Cognoscuntur
 autem potissimum, ex effectis, ex qui-
 bus progredimur ad causas anteceden-
 tes remotas, ab ijs ad immediatas, &
 coniunctas, eodem artificio quò in su-
 perioribus dictum est: exemplo sit, pi-
 lorum in hypochondrijs prouentus,
 latitudo venarum, caloris in corpore
 incrementum naturale, temperiem ca-
 lidam significant, præsertim iecoris: ab
 ea ad bilem inde natam argumentabi-
 mur, ab hac ad febrem tertianā, si pu-
 tredo nata sit extra vasa.

XXXXXXXXXXXXXXXXXXXXXXXXXXXXXXXXXXXX

.. *De loco affecto.*

CAP. IV.

PRO locorum differentia curatio va-
 riat, inquit Gal. cap. 1. lib. 1. loc. af-
 fec. Et lib. de instr. voc. dissectione scri-
 bit, *Locus localiter opitulari nos docet, ne il-
 lis particulis, tanquam affecti, frustra mo-
 lestiam*

*lestiam inferamus: neue affectu tanquam
sanis opiulemur.* Locorum affectorum
cognitio facit etiam ad magnitudinem
morbi detegendam: nam, ut videbimus,
morbi magnitudo cognoscitur, ex par-
tis obsessæ præstantia.

Ex substantia rei excretæ trahitur
argumentum partis affectæ: ut bron-
chium tussî excretum, tracheam arte-
riam, aut pulmones malè affici de-
monstrat.

Magnitudo substantiæ excretæ de-
notat etiam locum affectû, ut magnum
bronchium ostēdit tracheam arteriam
lædi: paruum autem pulmones: ut ra-
mētum crassum significat aliquod cras-
sorum intestinorum lædi, ita tenue ali-
quod tenuium.

Ex his quæ cōtinentur in aliqua par-
te, aut secundum naturam, ut vrina in
vesica, aut præter naturam, ut lapis in
renibus, & vesica, locus affectus de-
monstratur ex suppositione: quia gene-
rentur in talibus partibus.

Modus quo res excernitur patefacit
locum affectum, ut cum sanguis exit
salien-

faliendo, ex arteria manare certum est: neque tantum ex modo exitus conijci- tur sanguinis arterialis, sed ex colore, & consistentia: nam flauior est, & tenuior.

Adnata significant etiam locum affectum: vt fungus in capitis vulneribus duræ membranæ læsionem ostendit.

Ex accidentibus proprijs venimus in cognitionem loci affecti: vt aduncitas vnguium phthysicos confirmatæ signum est, proinde pulmonum affectorum.

Læsiō actionis locum affectum demonstrat: nam cum actio corporis à parte, tanquam ab instrumento, pendeat, necesse est actione læsa, instrumentum, per quod exercebatur, lædi: vt si homo non videat, aut deprauatè, aut imminutè, in vicio est oculus.


Locus affectus perspicitur etiam ex specie doloris. Pungēs dolor significat neruum, aut membranam affici: grauās visceris alicuius affectum denotat: pulsatorius, siue contundens partis sensibilibis propè arteriam, læsionem.

Ex situ ducitur argumentum partis labo-

laborantis; vt si dolor sentiat in dextro hypochondrio, probabile est, iecur malè affici, non necessariò tamen: quocirca ex vno horum signorum non licet semper colligere partem affectam; sed oportet multa alia signa congerere ad probationem. Nam licet dolor sit in hypochondrio dextro, vel tumor, non tamen sequitur lædi iecur: quia in illa parte sūt iecur, ren dexter, pars coli intestini, & musculi abdominis.

Diligenter verò distinguendum est, num pars affecta laboret primario affectu: an per consensum: hoc namque maximè facit ad applicationem remedij; vt si vertigo contingat propter affectum ventriculum, non erunt applicanda remedia tantùm cerebro, licet vertigo affectus sit cerebri; sed magis ventriculo. Quocirca primo loco aff. Gal. ridet Medicos, qui applicabant remedia manui, cum principium affectionis ex ceruice penderet. Distinguitur autē pars affecta primariò, & per se, ab ea quæ fit per consensum; quòd pars primariò affecta habeat propria signa sui affectus;

fectus; & affectus sit perennis ferè; neque alteri affectui succedit. Quæ autè sit per cōsensum, non habet propria signa; intermissionem patitur; & succedit alteri morbo. Nonnunquam contingit, plures morbos in corpore reperiri, quorum tamen vnus ab alio non pendet, qui diligenter sunt distinguendi.



De magnitudine morbi.

CAP. V.

MOrbi magnitudo cognoscenda. est, ad curationem, & ad prædictionem. Ad curandum quidem, quia magnitudo morbi magnitudinem remedij indicat. Nam ex Hipp. 1. aph. 6. *extremis morbis extrema remedia adhibenda sunt.* Ad prædicendum, quia magni morbi periculo non vocant.

Magnitudo morbi duplex est, vna cōparatè spectata, altera simpliciter. Nam morb⁹ mediocris suis symptomatibus, cū viribus debilibus, magnus dici potest. Simpliciter autem magnus dicitur, cum,

cum, nulla facta comparatione cum viribus, magnus censetur. Dicitur autē magnus ex Gal. 4. lib. meth. ca. 6. tribus rationibus: *symptomatum magnitudine; partis obsessæ præstantia, & malignitate, siue chachæthia*. Magnitudo symptomatum consistit in multitudine eorum; vehementia, & duratione: quo enim plura sunt, vehemētiora, & diuturniora symptomata, eo maiora existimātur. Pars præstans duobus modis dicitur: aut ratione vitæ, aut publici officij: ut ventriculus, pulmo, renes, vesica.

At Gal. 7. meth. cap. 12 scribit *affectus magnitudinē spectari ex lesa actionis præstantia, ex propria affectus essentia, & ex facultate lesam actionem gubernante; quæ videntur à superioribus dissentire*. Ea tamen posse conciliari mihi videntur, ut dicamus, ex partis obsessæ præstantia, sequi læsam esse actionem præstantem. Præstans enim pars habet actionem nobile: chachæthia verò semper nocet facultati nostrum corpus gubernanti. Symptomata magna ostendunt magnam affectus essentiam, ex recessu

18 METHODVS COGNOSCENDI

ab statu naturali: nam propria essentia affectus, cum sit præter naturam, est recessus à naturali statu. Consentunt ergo magnitudo symptomatum, & propria affectus essentia.

Omnia verò signa specifica siue pathognomonica propria, & inseparabilia, omnia item epigenomena, siue propria, siue communia, possunt magnitudinem significare. Omnia etiam maligna magnitudinē ostendunt. Omnis namque morbus malignus est magnus: non contra.

Cognoscitur præterea morbi magnitudo ex causæ magnitudine, quæ magna dicitur mole, & copia, aut qualitate maligna.

Cognoscitur sæpe ex indispositione subiecti ad recipiendam causæ efficiētis actionem: quo. n. subiectum minùs est dispositum, ad causæ efficientis vim recipiendam; eo cū receperit, maiorem causam adesse necesse est: & cōtra, quo maior est dispositio, eo minorem. Quocirca scribit Hipp. Aph. 34. lib. 2. *Minus perniciosè laborāt hi, quorum temperatura,*
vel

vel etati, vel consuetudini, vel tempori, familiaris est morbus, quàm quibus horum nulli affinis.



De more morbi.

C A P. V I.

MOS attribuitur morbis improprie: in hominibus autem, quibus proprie accommodatur, est proclivitas ad agendum comparata. Is, ratione finis, bonus, aut malus dicitur. In morbis similitudine quadam appellatur bonus, vel malignus, ducta ab hominibus malignis similitudine, qui specie recti decipiunt. Apparent enim boni: re vera autem mali sunt. Quare Gal. lib. de definit. med. scribit, *Malignus est morbus, qui facultate magnus est, difficilisq;: specie tamen apparet perexiguus; nec statuta ad iudicandum habet tempora.*

Maligni morbi sunt aut specie tota, aut symptomatibus quibusdam. Specie pestis est maligna. Pleuritis, si quando maligna dicatur, talis est symptomati-

bus; quòd scilicet maligniora habeat symptomata, quã morbi species ferat: & clam ob malignitatem labefactetur facultates nostri corporis.

Mos morbi cognoscendus est, ad curationem, & ad prædictionē: nam maligni morbi alexiterijs sunt oppugnandum maligni morbi pleni sunt periculo, quod est prædicendum. Cognoscitur autem ex symptomatis epigenomenis supernascentibus, & ex propria morbi specie: ut à Galeno scribitur, cap. 3. libri 1. & cap. 4. libri 3. criseon. Quapropter non semper mos in morbis principio cognosci potest: nisi specie tota sit malignus, qui plurimum in principio malignitatis suę edit indicia. Maligna vero symptomata appellantur, quæ perniciem præcipuis nostri corporis facultatibus afferunt, quæ maxime elucet in pestiferis morbis. Et quia critica symptomata nonnūquam mentiuntur signa malignitatis, ne decipiantur Medici, ita distinguenda sūt: nam omnia quæ maligna apparent ante signa coctionis edita, morbi pravi ratione

ratione fiunt: at post coctionē, pendent
à conflictu naturæ, & morbi: nihilque
maligni habent, præter speciem, & ap-
parentiam.

XXXXXXXXXXXXXXXXXXXXXXXXXXXX

De motu morbi.


C A P. VII.

Motus morbi cognitus facit ad
prædicendum: nam celeres mor-
bi citò finiuntur: tardi, tardè: tum ad
victus rationem: quia, vt scribit Gal. ca.
3. lib. 1. *cris. generosi Medici, atque arte Hyp-
pocratica digni officium est, futurum statum
præcognoscere: cum omnem victus rationem,
ad ipsum aspiciendo, decernat.* Adde quòd
in acutis morbis non est eadem victus
ratio præscribenda, quæ in longis. Pro-
dest etiam ad tempus medicationis, nã
ex Hipp. Aph. 10. lib. 4. *Medicari in valde
acutis eadem die oportet, si materia turgeat:
tardare enim in talibus, malum: in longis
autem morbis expectanda materiæ
coctio.*

Cognitio verò motus morbi pender ex

B 3

cogni-



22 METHODVS COGNOSCENDI
cognitione symptomatum subito, aut
tardè nascentium. Morbus enim, qui
parit symptomata magna subito, celer
est: qui verò tardè, longus.

A causa morbi dignoscitur motus
morbi: nam biliosi morbi, vt plurimùm
celeres existunt: pituitosi & melancho-
lici, tardi & longi.

Præterea ab accessionum tempori-
bus, & à temporibus morbi ipsius: nam
principium breue, aut tardum, reliquo-
rum temporum breuitatem, celeritatē,
aut tarditatem ostendit.

Quartò ex signis coctionis & crudi-
tatis: nam coctiones, ex Hypocrate, li.
1. epidem. const. 2. *celeritatem criseos de-
monstrant*: vt cruditates longè post morbi
principium apparentes, tarditatem.

Natura partis affectę motum decla-
rat affectionis: nam in osse, & partibus
duris longi, in carne breuiiores procreā-
tur morbi.

Ex quantitate excretorum, & modo:
nam in quibus pauca, & paulatim ex-
ernuntur, in his tarditas est expectāda:
cū verò multa, & confestim, celeritas.

A viri-

A viribus etiam comparatis cum
materiæ quantitate: nam robustæ vires
cum paucâ materia, celerem fore ostē-
dunt morbum: debiles cum multa,
longum, & tardum.

DE MORBORUM TEMPORIBUS

*De morborum temporibus
cognoscendis.*

CAP. VIII.

IN primis, intelligere oportet nomen
principij apud Medicos æquivocum
esse: nonnunquam enim capitur pro
primo morbi insultu: aliquando pro
primis 4 diebus, in morbis qui progrē-
diuntur ulterius. Propriè, & medico
more, sumitur pro eo tempore omni, in
quo materia morbifica cruda est. Hoc
posito, inquit Gal. cap. 4. lib. 1. criseon.
*adnimadvertendum est, principij cuiusque
morbi non esse eandem latitudinem: nam ut
morbi alij alijs sūt diuturniores, ita & prin-
cipia alia alijs sunt longiora.* Dignocitur
autem ex morbi specie: nam morbus
comitialis, articularis, coxendicum, &

24 METHODVS COGNOSCENDI

renum passiones sunt longi temporis.

Ex anni temporibus, hoc modo, *æstate quartana magna ex parte breues: autũnales longa, & præsertim quæ ad hyemem attingunt.* Quare principium æstate in quartana febre breuius, hyeme verò longius: & in alijs temporibus similem seruabit proportionem. Ex circuituum incremento: oportet enim accessiones inuicem conferre, si citiùs fiant, vel nō: nam si hæc omnia coniunxeris ad exquisitam dignotionem propriùs accedes. Verum principia dignoscuntur propriè ex cruditatibus: nam quandiu sūt cruda excrementa, morbus est in principio: quod probatur ex Aph. 22. lib. 1. *Concocta medicari, & mouere oportet. non cruda: neque in principijs nisi turgent.* Tū de vict. ra. in mor. acu. Hippocrat. scribit, Cruda non esse mouenda, talia autem sunt in principio morbi. Perfecti autem principij manifestum, & firmū signum est concoctio incipiens manifesta.

Quæritur autem num in morborum principio apparere possint signa coctionis?

ctionis? Gal. cap. 3. lib. 2. de crisib. scribit,
 Inter omnes tertianas, ea simplissima
 est, quæ cum omnia exquisitæ tertianæ
 signa habuerit, in vrinis etiam subsidē-
 tiam albam, leuem, & æqualem, statim
 primo die habuerit. Huic loco fauet
 Hipp. in prog. *vrina optima est, si candi-
 dum fuerit eius sedimentum, leue, & æquale
 per omne tempus, donec morbus indicetur.*
 Verùm Gal. eodem lib. & primo, sæpe
 scribit, etiam in principio morborum,
 omnia esse cruda. Cardan. in cōtr. res-
 pondet, morbos quosdam ita esse bre-
 ues, vt illico ad statum perueniant: &
 sic coctionis signa nō initio morbi, sed
 statim tamen apparebunt: quia morbus
 non excedit secundam accessionem:
 quare fit, vt tertiana aliqua sit, quæ vri-
 nas initio statim habeat coctas. Princi-
 pium itaque si pro prima die capiatur,
 coctionis signa admittit, tum etiam tē-
 pore quolibet breui. Si autem pro initio
 morbi, nequaquam. Nos breuius pos-
 sumus respondere & distinctiùs, prin-
 cipiū ibi sumi pro primo insultu mor-
 bi, non pro tempore cruditatis, quòd

nullum est in talibus febribus, ob viriū
 robur, & materiæ benignitatem : quo-
 circa intra viginti quatuor horas, pote-
 runt apparere signa aliqua coctionis,
 etiam in tertiana exquisitissima, quæ, vt
 inquit Gal. ibidem, ad tertium vsque
 circuitū durat. Ad Hipp. verò, cū in-
 quit, *urina optima est si candidum fuerit
 sedimentum, leue & aequale per omne tem-
 pus à quo incipit*, subintelligēdum, vsque
 ad statum. In morbis etiam, qui nō pē-
 dent ex putredine, nihil vetat apparere
 signa coctionis in initio, vt in Epheme-
 ra: nihil enim de nouo coquendum est.
 In acutis autem continuis nulla potest
 esse materiæ morbificæ coctio in prin-
 cipio perfecta, & optima. Perfectam di-
 cimus, quia in coac. cap. de vrin. Urinā
 aliquando de repēte cocta est, quæ ma-
 la iudicatur; non est enim perfecta, ne-
 que laudabilis talis coctio; quia nec
 rotius materiæ morbificæ est, sed aut
 partis alimentī, aut partis morbificæ
 materiæ, eiusque exiguæ. An verò sic
 diu principium duraturū necne opor-
 tet conijcere ex natura morbi. Nā qui-
 dam

dam morbi sunt sua natura breues vt tertiana simplex, & exquisita: alij longi, vt quartana, præsertim si hyemem attigerit. Ex anni tēpore, nam calidiore breuiiores, frigidiore generantur longiores vt plurimū. Ex ætate laborantis. nam in iuuenibus fiūt vt plurimū breues: in senibus longi. Ex regione similiter, ex victus ratione, ex temperamēto, ex signis coctionis necessariò: oportet enim considerare quantum distēt præsentia cruditatis signa ab alijs, quæ indicant manifestam coctionem, & qualisnam sit motus morbi. Nā si sit velox siquidem integra cruditatis signa in primis quatuor diebus permaneāt, longum erit morbi illius principium: si verò cruditas mediocriter in ipso apparuerit, longum quidem hoc erit sed nō æquè ac primum. Si autem parua fuerint cruditatis signa, breue principium erit. Ex 1. lib. de crisib. cap. 19. Ex principij duratione conijcitur duratio incrementi & status.

Incrementum autem cognoscitur non tantum ex anticipatione accessio-
num

28 METHODVS DIGNOS. MORBOS.

num in febribus, sed etiam ex earum longitudine, tum ex magnitudine, & more: nam malignitas ut plurimum in incremento elucescit. Anticipatio enim sola non est sufficiens signum incrementi, quod sæpe morbi proprietatem sequatur potius, quàm eius incrementum. cum & quartani (inquit Gal. cap. 3. lib. 1. de crisib. & tertiani quidam paroxysmi usque ad integram solutionem anticipare visi fuerint. Verùm in his accessionibus plusquam oportet, & proportio exigit, anticipare vel subsequi, incrementi indicium est.

Status autem cognoscitur ex accessionum æqualitate, & symptomatum paritate.

In declinatione accessiones breviores efficiuntur, & symptomata decrescunt. Scribit enim Hipp. Aph. 30. lib. 2. *in principio, & sine morborum, omnia sunt mitiora, in statu autem deteriora.*

L I-



LIBER SECVNDVS.

DE NECESSITATE, DEFINITIONE,
 diuisione, vtilitate, possibilitate,
 & impossibilitate
 prædictionis.

CAPVT. I.

MEdici officium est, non tantum
 morbos curare: verum etiam fu-
 ruros in morbis euentus præ-
 dicere. Operæ precium ergo duximus,
 quædam de Prognosci enarrare. Nam
 ex mortis ineuitabilis præfagio iudica-
 mus manus ægro non esse admouendas.
 Verum si aliqua salutis spes eluceat, in-
 dicationem sumimus iuuandi naturam
 accommodatis remedijs. Quod expref-
 sit Hipp. in principio pognosticorum,
 cum inquit, *Curationes autem optimè mo-
 lietur Medicus præuidens futura, ex præse-
 ntibus affectionibus.* Præterea ex Gal. 3. lib.
 methodi. capite 1. *Primum artis opus est,*
 ut

ut intelligas sperarene id quò cedis debeat, an secus. Eius rei duplex est cognitio, inquit, nec potest addi tertia. Altera per experientiam, cui longo usu est opus. Altera per ipsius rei naturam: à quibus procedens, non solum quò sanari non potest prauidebis, sed etiam quò potest recipere sanitatem, atque de inueniendis remedijs cogitabis.

Prædictio est, doctrina siue Medicinæ significatiuæ pars, qua futuros morbos, & illorum euētus prædicimus per signa. Præuidentur autem morbus, salus, mors, crises, symptomata, morborū translationes, & alia multa. Prædictio triplex institui potest: vna generalis, altera specialis; tertia particularis. Hoc loco generalem meditamur ex Hipp. & Gal. Specialis explicabitur in specialibus exercitationibus. Particularis autē, ad exercitationes particulares pertinet, quas vulgò concilia appellant.

Prædictio Medico partim est possibilis, partim impossibilis; difficilis semper, & utilis. Possibilis est, perito Medico, qui frequenter imò cōtinuè libros, qui ad artem prædicēdi spectant, euoluit;

uit; ægrosque frequenter inuisit, summa cum diligentia obseruans, quæ circa illos contingunt. Præterea, qui memoria tenet signa totius historię morbi; atq; illa aptè conferre nouit. Ex quibus simul collatis, iudicio perspicaci, quod futurum est prædicere potest. Oportet insuper, vt humor, qui est causa morbi, sit fixus. Nam humores inquieti, & mutabiles, Medici iudicium peruertunt, & incertum efficiunt. Hęc demonstrando possibilitatem, prædictionis quoque difficultatem ostendunt. Quod impulit Hippocratem Apho. 19. lib. 2. vt pronuntiaret: *Acutorum morborum non omnino sunt certæ prædictiones salutis, & mortis*, ob materiæ feritatem, & varietatem: feritas aliquando latet, varietas Medicos decipit. Decursu enim morbi, quidam inouentur humores, qui antea latitabant. Morus inordinari aliquando fiunt ad partes nobiles inopinatò.

2. Incertitudinem etiam prognosis declarat; quòd multi absque signis coactionis, morbo liberantur. Gal. lib. de

præ-

præcognit. ex pul. historiam adolescentis recenset, qui cum crudis urinis morbo liberatus fuit. Et in Epid. lib. i. Meto cum signis lætalib. sanguinis profluvio, sanitati fuit restitutus. Infinita exempla similia conspiciuntur à Medicis practicis. Propterea ratione difficultatis, cautè, & sapièter est prædicendum, observandumque, quod pulchrè à Gal. describitur, lib. i. de dieb. decret. *Contingunt, inquit, quedam peccata ab agris, quedam à Medicis: alia ab adstantibus, & rebus externis. Quocirca nos meritò, cum quispiam de aliquo agro euentum iubet prædicere, cum distinctione id facimus, & dicimus: Hic morbus soluetur tali die, si ager victus ratione à nobis constituta, non ab alio Medico regatur. Deinde si nihil ipse peccet, & faciat quæ imperantur omnia. Postremò, si nihil magni erroris extrinsecus commissum fuerit: ut adiut combustio, timor, aut aliquid aliud.*

Humorum miscella difficultatem in prædicendo parit. Vnicum enim humorem peccare ferè impossibile est. Iis namque mixtis in vna massa fieri vix potest, ut vnus affectus non trahat alios
in

inconfortium labis. Adde quòd proportio est diuerſa, non tantùm quantitate: multa enim pituita! exiguè bili permiſſeri poteſt, ſed etiam propter mixtionis modum; quoniam aliquãdo perfectiùs, aut imperfectiùs miſcentur. Et cum varij peccent humores, calor naturalis varios producit effectus diuerſo tempore. Quis ergo in tali miſcella, & diuerſitate, poterit prædicere criſim, aut diem illius, cùm diuerſa ſit humorũ inclinatio ad excretionem, & diuerſa coctionis tempus.

Adde quòd materia aliquãdo in varijs locis ſtabuletur, tũc per varias partes fiet excretio. Præterea ſi quid certitudinis ſit in ſalute prædicenda, id haberi debet ex coctionis ſignis. Coctiones enim ex Hipp. lib. i. epidem. ſecuritatem iudicij ſignificant: tamen nonnunquam apparētibus coctionis ſignis, nihil certi prædici poteſt. Nam licet coctio appareat perfecta, forſan concocta non poterũt expelli: quòd vię per quas excretio fieri debet non pateant, nec commodę ſint. Portione quadam ma-

C teriæ


terix cocta, alia cruda adhuc remanet: at expulsionem, & coctionem natura eodem tempore par esse non potest.

Tempora etiam non seruantia suam tempestiuitatem incertam prognosim reddunt. Ex Aph. 8. lib. 3. producant enim varios morbos, inquit Hipp. & difficillimi iudicij. Prognosis ergo multis nominibus incerta, & difficilis censeretur debet.

Aliquorum verò est omnino impossibilis, ut fortuitorum, quòd ea tantum præuideri possunt, quæ à morbo, & à natura pendent, quæ fortuita non sunt.

Prædictio cum possibilis est, semper utilis Medico censetur, multis de causis, ex Hipp. in principio prog. cum scribit, *Nam prædicens coram agris presentia, præterita, & futura, egrotantes sibi persuadebunt, Medicum eorum morbos cognoscere: quam ob causam, sese ultrò eius manibus committent. Tum quia ex presentibus præuidens futura, melius curabit egros. Adde quòd si quid sit diuinum in morbis, prædicēs admirabilis habebitur. Postremò prædicens mortem futuram, omni crimine vacabit. Ea his.*

his ergo omnibus facile colligitur, aliquando possibilem esse prædictionem, semper tamen utilem, & difficile. Quare non est temerè effandum, ne ars nobilis, neue artifices infamentur: quantū enim existimationis, & laudis parit prædictio certa; tantū incerta, & falsa vituperij comparat. Quanto namque excellentior est ars, tantō maiore ignominiam ignaris artificibus conciliat. Hipp. lib. prædictorū scribit, Qui prædictionis successum cōsecutus est apud prudentem ægrum admirationi erit, qui verò errauerit, præterquam quod odio grauabitur, is infamiam effugere non potest. Cum autem prædictio sit, aut futurorum morborum, aut eorum, quæ contingunt in morbis, morborum prædictio duplex est: vna vniuersalis, quatenus conijcimus ex causis generalibus, qui morbi sint futuri, in vnoquoque anno secundum eius constitutionem: & in locis diuersis, secundum eorum dispositionem: aut particularis in vnoquoque homine. Nos primo loco agemus de prædictione vniuersali mor-



*Prædictio futurorum morborum in ge-
nere, ducta ex temporum anni
constitutione.*

CAP. II.

PRædictio futurorum morborum in genere deducitur ex causis procatarteticis, ventis, pluuijs, anni tempestatum dispositionibus, quarum regulæ, & apho. describuntur lib. 3. Aph. & lib. de aë. aquis & loc. Inter quas prima, & præcipua hæc habenda est. Si ad vim causæ efficientis accedat subiecti præparatio, effectus faciliè inde sequetur: atque ideo Gal. initio com. in librum de Morbis vulgaribus scribit. *Morbi præparatione vniuscuiusque tempestatis fiunt, similitudinem habentes cum natura succi exuberantis. In quo nimirum consistit præparatio morbi futuri, vi tempestatis: vt autem faciliùs id exequatur Medicus, quotidianas debet per aduersaria obseruare temporum cōstitutiones. Deinde exatè*

Etè perpendere quænam dispositio vicerit: num fuerit magis Austrina, quàm Aquilonia; atque ex eo quod superauerit, in patiente apto, prædicet futuros morbos. Inquit enim Hipp. ad finem v. Aph. lib. 3. *quando hæc tempestas præualuerit, talia in morbis expectare oportet.* & aph. 7. si annus magna ex parte talis esse pergat, tales ferè morbos expectare oportet: Hipp. 1. aphorismo lib. 3. generalem propositionem quæ vim causæ efficientis continet, cæterisque fundamento futuram describit. *Mutationes temporum potissimum pariunt morbos, & in ipsis temporibus magne mutationes, aut frigoris, aut caloris, cæterorumq; ad proportionem his respondētium.* Quod scilicet magna vis sit in aere, immutandi corporis habitum, humores, & spiritus; qualis namque aër, talis spiritus, & humores. Quare morbi nascentur in corporibus, secundum diuersam aëris dispositionē, quæ pendet ex anni temporum constitutione. Atque vt Hipp. significaret, tempestates non posse suos effectus producere in omni corpore, verum in patiente

te dispositionem requiri, ad vim causæ efficientis recipiendam, secundo Aph. eiusdem lib.2. scribit. *Naturarum quædã ad æstatem, alia ad hyemen bene, vel malè se habent*: nempe in quibus est præparatio ad causarum efficientium vim recipiendam: nam si præparatio non adsit, non recipiunt: vt biliosus æstate facile febrit: pituitosus verò difficile: præparatio verò accidit subiecto à loco in quo homines degunt, ab ætate, à temperamento, vitæ instituto & victus ratione ex Gale. comment. in 1. lib. epide. sent. 1.

His positis principijs, sequuntur conclusiones, aph. 4. *In temporibus cum eodem die modò calor, modò frigus viget: autumnales morbos expectare oportet*: non tempore anni, sed specie, & more. Specie quidè, vt quartana febris, & erratica. More autem maligni, & acutissimi, perniciosi, & iudicatu difficiles. Nam ex 9. Aph. lib. 3. *Autumno vt plurimum morbi acutissimi, & perniciosissimi*, propter varietatem humorum prauorum in corpore dominantium.

Quando

Quando æstas est veri similis, sudores in febribus copiosos expectare oportet, aph. 6. Causa siquidem vniuoca, similes sibi producit effectus: ver autem est calidū, & humidum. Si æstas fuerit calida, & humida multæ humiditates in corpore procreabuntur tenues, ob calorem adiunctum, ex quo sequitur sudores in febribus futuros. Nam sudores ob humorum tenuium copiam præsertim gignuntur:

Magnis siccitatibus febres acutæ fiunt: quòd si annus magna ex parte talis fuerit, qualem temporis statum fecerit, tales ferè morbos expectare oportet, aph. 7. Fiunt autem acutæ febres præsertim in biliosis. Speciali autem propositioni adiunxit generalem, ad demonstrandum: qualis enim fuerit constitutio anni, tales morbos expectare oportet; quòd scilicet causa sibi similes producat effectus, in subiectis dispositis. Cum ergò extiterit sicca dispositio anni, siccus gignet humores, & calidos: ex quibus febres acutæ solent nasci.

Certis temporibus, & suam tempestiui-

tatem seruantibus, certi, & tempestiui morbi sunt, id est, non maligni: incertis autem, & alienis, incertæ quoque ægrotationes sunt, & ad iudicandum difficiles: ob diuersitatem humorum apho. 8. Pertinet hic Aph. ad crîsim prædicendam, & innititur generali axiomati iam dicto. Quocirca Medicus in tempestatibus inconstantibus, certam non debet constituere prognosim.

Autumno in vniuersum morbi acutissimi, & perniciosissimi, ver autem saluberrimum, & minime exitiosum, aph. 9. Pertinet hic Aph. ad prædictionem hoc pacto, cum Autumno morbi sint accutissimi, & perniciosissimi: quod dissipatio magna caloris innati facta sit, ab æstiuo calore externo præcedente: tum quod duplex cacochymia fuerit collecta, bilis retorrida, ab æstiuo incêdio: & cruditatis, ob dietæ vitium, nempe fructuû horariorum comestorum copiam. Accedit motus prauorum humorum intrò, ob Autumni frigus, & pororû clausiõnem. His adiungenda est inæqualitas tempestatis, ex quibus maligni nascuntur

cuntur morbi: quocirca ex illis prædicemus periculum, & mortem: pertinebitque hic Aph. ad prædictionem; & propterea Medicus in illa tempestate, dubiam instituet prognosim, atque potius in malam, quàm in bonam partem. Vere autem ob contrarias rationes, contrà.

Autumnus tabidis malus, aph. 10. ob intemperiem siccam, morbo fauētem, ob humorum prauorum intrò retractionē. Praui autem sūt à cacochymia duplici, superiùs descripta; tum propter distillationem è capite in partes inferiores. Autumnus namque distillationibus est oportunus, quòd frigiditate comprimat cerebrum, & comprimendo exprimat humores in pulmones; vnde recrudesceat vlcus pulmonum, augeturque damnis ægotus; quocirca tabidis malus est.

Inter anni tempora, si hyems iusto siccior & Aquilonia fuerit; ver autem pluuium, & Austrinum, febres acutas fieri æstate est necesse, & lippitudines, & difficultates intestinorum, præsertim mulieribus, & viris na-

tura humidioribus, aph. II. Hæc postrema pars Aph: confirmat ea, quæ diximus de necessitate præparationis subiecti; ad recipiendam vim causæ efficientis. Cæterum hyems sicca, & frigida aluos astringit: unde fit suppressio excrementorum, præsertim in humidis naturis, verum autem calidum, & humidum succedens hyemi, putredinis materiam parat: quæ cum excrementis retentis mixta, febres acutas potest producere, æstate præsertim futura: quod scilicet calore æstatis accendantur humores, & commoueantur. Lippitudines autem fiunt à pituita falsa in oculos prolabente, è cerebro, in quo pituita facta est falsa: aut à putredine, aut commistione cum bilioso humore; dysenterix verò ab eadem pituita falsa corrodeute intestina; atque eo modo excitante dysenteriam.

Si verò hyems anstrina admodum, & pluuiosa fuerit: verum autem siccum, & Aquilonium, mulieres quibus partus vere imminet, ex quacunque occasione abortiunt: aut si pariunt, imbecilles, & morbosos edent: ita ut ipsi

ipsi statim intereant, vel tenues, & valetudinarij uiuant. Cateris verò dysenteria, & ophthalmia sicca fiunt, senioribus autem Catarrhi breui tempore perniciem allaturi.

aph. 12. Nam matre, & fœtu debilibus; à tempestate Austrina, quæ vires corporis enervat, ex Hipp. 5. Apho. libro. 3. Accedit frigidum insuetum vernæ tēpestatis, quod facilè penetrat ad intima vsque corporis, & ad fœtum: propter raritatem corporis Austrina constitutione contractam. Præterea Austro flante, magna copia pituitæ collecta est: quæ imbibita tunicis, ligamentisq; vteri, ea laxat, & dissoluit vt non facilè retineatur fœtus, vere superueniente. Debilitas fœtus editi, & valetudo easdem causas agnoscunt: dysentericæ à falsa pituita in corpore congesta. Lippitudines ab eadem causa pendēt. Catarrhi senibus sūt funesti; nam ex apho. 40. li b. 2 distillationes, & grauedines, in valde senibus, coctionem non admittunt: propter debilitatem caloris: tum quia si pituita falsa profluxerit in pulmones, citò interimuntur ægri: propter par-

partium respiratōni dicatarum in illis debilitatem:

Aestate verò sicca, & Aquilonia, & Autumno pluuioso admodum, & Austrino, vehementes capitis dolores, & tusses, & rauitates, atque grauedines, nonnullis etiam tabes expectanda. aph. 13. Cephalalgia contingunt copia materiae austrina constitutione collectæ, quæ cerebrum distendit. Tusses, & rauedines fiunt expressione humoris, à cerebro in partes inferiores. Tabes verò illis qui ad phthisim proni sunt, nempe qui sunt collo oblongo, stricto pectore; quibus humeri in modum alarum prominent qui *πτερυγώδεις* appellantur.

Aquilonio verò, & sicco Autumno, hominibus natura humidis commoditas parabitur, alijs ophthalmia sicca, & febres partim acutæ, partim longæ quosdam etiam melancholiae malè habebunt. aph. 14. quia in temperatæ naturæ modico gaudent usu contrariorum, ac similem intemperiem grauius ferunt, quàm temperatæ naturæ cōtrariam. Cateris autem Calidis, & siccis naturis, lippitudines ad-


runt;

runt, denegato exitu bilioso humori, quod crassus sit, & membrana à siccitate, & frigiditate dēsata. Acutæ febres fiunt, quia bilis pars humidissima, atq; aquosa exsiccatur, crassissima relinquitur, & acrior fit. Longæ contingunt febres, à melancholico succo, aut à bile crassiore facta, & mutata in atram bilem per adustionem, à qua etiam melancholia morbus producitur.

Ex tempestatibus anni in uniuersum siccitates imbris assiduis sunt salubriores, & minus letales. aph. 15. Salubres sunt siccitates excrementorum priuatione, aut saltem imminutione, nec non putredinis, perspirationis largitate. Siccitates autem intelligimus moderatas; quia omne nimium naturæ inimicum est; ex Hipp. in Aph. 51. lib. 2. Imbrium verò copia insalubris censetur ex contrarijs causis.

Tamen per imbres non fiunt omnia morborum genera, neque siccitates suis carent morbis. Quos adscripsit Hipp. dum inquit aph. 16. *morbi per assiduos imbres magna ex parte fiunt, febres longæ, alui fluxus,*

xus, putredines, comitiales morbi, apoplexia, & angina. Per siccitates autem, morbi tabifici, ophthalmia, articulorum dolores, stillicidia vrina, & dysenteria: quorum omniũ demonstratio ex superioribus facilis est.



De prædictione in agrotis, sumpta ex comparatione naturæ, & morbi.

CAP. III.

IN hac prædictione duplex potest obseruari progressus; vnus à conclusionē ad principia: alter à principijs ad cōclusionem. Hipp. conclusiones descripsit, connectens signa cum euentis. In illo enim Aph. prognost. *nares acuta, collapsa tempora &c.* signa sunt, nares acutæ, oculi concaui, collapsa tempora: euentus autem, lethale, consequēs causam horum signorum. In demonstratione probatur euentus de signis per causam. Facies enim Hippocratica est lethalis, quia est effectus extincti caloris natiui, vel significat illa facies caloris natiui extinctionem, quæ lethalis est.

Alter

Alter progressus est à principijs ad cōclusiones, in quo euitatur repetitio inutilis principiorum, reuocando multas cōclusiones ad vnum commune principium, quo probari possunt. Hæc progredi via nobis est institutum. Quam ob causam in limine huius explicationis, quædam axiomata præmittimus, ad probandas futuras conclusiones.

Tota ratio huius prædictionis, auctore Gal. 3. progn. consistit in comparatione naturæ, & morbi. Eam comparationem luculenter descripsit. libro de const. art. inquit, *Aduertat autem Medicus ceu sibi mutuo contrarijs, nempe morbo, & naturæ: primò namque ex fortioris cognitione, vel seruatum iri, vel perditum hominem prauidebit: deinde alterius excessus, certum tempus designabit: nec mirari oportet, si vtriusque viribus perspectis, id est naturæ, & morbi, victorem deprehendas. Vidimus enim gymnastas, ex primis luctantium insultibus, non solum vter sit superaturus predicere, verum etiam præter victoriam, sæpe quòd & aduersarium celerrimè sit prostaturus: itaque Medicus tum sanitatem, tum mortem*

mortem præfagiet. Idque non ex alijs quibusdam exercitationibus, sed acurata roboris morbi, & naturæ cognitione. Caterum ex his ipsis etiam, alterius terminos reperiēs, Quippe citò morbus, si facultas fuerit robusta, soluetur: si autem imbecillis illa, morbus autem validior, mors accelerabitur. Verum excessus magnitudo tempus termini indicabit. Hos ergo scopos animaduertens Medicus de exitu poterit prædicere. Quocirca robur naturæ, ex proprijs facultum functionibus cognoscendum est; & præcipuè ex ea, quæ pulsus edit: quoniam eius opifex vitalis facultas existit. Magnitudo autem morbi apparet ex ipsis symptomatis præcipuè. Naturæ ergo supra morbum victoria salutem pollicetur: morbi autem supra naturam, periculum, aut mortem. Naturæ verò nomine intelligimus complexum facultatum omnium, corpus nostrum gubernantium: quæ quò plures in vitio sunt, eo res ægri peiore sunt loco; quo verò pauciores, meliori. Damna vitalis facultatis magis exitialia cēsentur, quàm reliquarum: secundum illa numerātur, quæ

quæ ad naturalem facultatem spectât. Animalis facultatis vitia postremum locum obtinent ad vitæ necessitatem; nisi quòd motu deperdito, respiratio aboletur, cuius usu, ne momento quidem tēporis, vita nostra carere potest.

Omniū verò facultatum tanta est, & tam arcta connexio, ut vna extincta, ceteræ pereant.

In damnis verò, facultatum gradus sunt varij obseruandi. Nam quo ea, quæ sunt in nostro corpore, aut ab eo excluduntur, longiùs à naturali statu recedunt, eo maiorem perniciem denotât: quo verò minùs, minorem. Atque quoties ad calamitosam vim morbi accedit naturæ, & facultatū infirmitas, tunc in angusto spes est. Quæ contra vitia facultatum remedio sūt, bona existimari debent; *ut somnus delirium sedans, bonus censetur.* ex apho. 2. li 2.

Neque temerè ex vno, aut altero signo est prædicendum, ex Gal. comm. 1. in primum prorhe. cum oporteat ad bene præfagiendum, omnia bona signa cum malis conferre; eorumq; vires di-

D ligen-

ligerter perpendere. Malorum siquidē maior est vis, & efficacia ad perniciem: quam bonorum ad salutem. Nam vt æger euadat, omnes facultates vtcunq; integras esse oportet: vnus tamen laesio insignis, non ratò satis est ad interficiendum ægrum. Præterea Gal li. i. de Cris. cap. 13. scribit, *Nullum signum ita fidele est, vt perfectè ostendat singula ex futuris temporibus. Concursum autem, quos syndromas appellant, qui experientia sola iudicari possunt, infiniti sunt. Quocirca, inquit, neq; quisquam eos obseruare, neq; memoria tenere potest.* Idcirco necessarium est, signi cuiusq; naturam ad amussim contemplari: si quis velit optimè præcognoscere. Neque enim quæ plura sunt, illa omnino paucioribus sunt potentiora. Quod intellexit Hipp. 3. progn. prognost. 9. cum inquit, *Signa adiscntem, omnia iudicare; vires eorum inuicem comparando.* Quare quò Hipp. distingueret vim signorum, scribit perniciosum, graue, grauius, magis graue; sic prauum, prauius, prauissimum: mortiferum & malum simpliciter.

Sim-

Sunt ergo signorum multi gradus. Pluris enim esse debet vnum prauum signum morbi alicuius, aut partis affectæ proprium, quàm plura bona communia; vt in pleuritide, si facultates omnes bene habeant: tamen expurgatio non est bonæ materiæ, sed putris, & fœdi odoris, pleuritis illa salutaris non est censenda. Deinde, inquit Gal. ibidē. *consideranda sunt, quenam semper mala: & quæ perpetuò bona, & quæ natura in totius morbi temporibus permutentur. Cum aliquando bona fiant, aliquando mala: & non nunquam fida, alias verò infida.* De quib⁹ ita scribit com. in lib. 3. prog. *Sola illa signa simul, & iudicia certa nominantur, ex quibus licet certò conijcere aliquid de salute, & interitu agri. Quæ comprehendens vno capite, dicet aliquis, esse signa virium nostrū corpus gubernātium: quo pacto robore valeant, aut deficiant, in quibus scilicet crudittis, & coctionis signa continentur. Ex accidentibus autem decretorijs, nullam talem habet naturam: sed indicant fore iudicationem, siue crisin, aut per excretionem, aut per abscessum. Sed vtrum bona crisis futura sit,*

an mala: per hæc signa nequaquam colligere licet.

Ex quibus promptum est elicere, apud Hipp. alia esse signa necessaria, alia incerta, & varia. Critica signa incerta sunt, ad salutem prædicendam, aut mortem. Futurorum ergo prædictio tantò certior erit, quantò plura fuerint, quæ vel mortem, vel salutem pollicentur. Bonis signis nec malis acquiescendum, sine ratione apparentibus. *Quæ enim quiescunt, sine causa*, ex Hippo. apho. 27. lib. 2. *fida non sunt.* Sine causa autem apparent, & quiescunt, quæ sine vlla excretionem, vi naturæ, aut medicamenti contingunt: aut si accidant die non critico, sine vllis antegressis signis, quæ futuram excretionem significauerint: tū si excretio ad quam quiescunt, morbo, & eius causæ qualitate, & quantitate nō respondeant. Hæc namque omnia contingunt naturæ debilitate, quæ funesta est. Gal. ad historiam Hermocratis 3. epidem scribit. *Quanto perniciosioribus prægressis signis melius habere videantur ægri, tanto peius habent: & in Coacis, Quæ pra-*

prauis cum signis mitescunt, aut cum salutaribus nihil concedunt, contumacia sunt. Mala etiā signa, quæ præter rationē eueniūt, non sunt valde formidanda, ex Hipp. aph. 27. lib. 2. Plurima enim talia stabilia non sunt: neque multum durare, & permanere consueverunt. Illa autem sunt, quæ apparent iam editis coctionis signis. Non enim talia pendent à causa morbifica, at potiùs ex pugna naturæ, & morbi. Vt si 4. die ostendātur signa coctionis salutaris, omnia, & bene vtcumque habeat æger quinto, & sexto die, septimò autē incipiat delirare, difficulter respirare, febricitareque vehementiùs, quia hæc fiunt sine ratione, nullum metum Medico prudenti incurere debent: sed tantum opinionem conflictus futuri, quo morbus superabitur: ob hanc causam. Auic. lib. de cris. exclamando hæc effert: Quot, & quanta signa horrenda conspeximus, ut carum pulsuum intermissiones, supressionem sudoris: quibus tamen laudabilis crisis successit? Cum enim superiora apparebant terrifica, natura intermiserat suas operationes, incumbens tota

materiæ coctioni, quæ perfecta refumit illas, materiamque morbificam expellit. Fit autem illa intermissio longo satis tempore rei magnæ causâ, corpori humano valde conducibilis: persæpe enim dum anima in aliquam operationem exactiùs, & attentius incumbit, reliquas debiliores edere solet, Tunc Medico diligenter aduertendum est, num operationum animalis, & vitalis intermissio ad extinctionem illarum sit prolapsus, aut roboris naturæ ad aliquam operationem meliorem retractio: hoc dignoscitur ex præcedentibus signis coctionis, aut cruditatis. Fit ergo ut licet natura antea coxerit, tamen quò expellat robustius tota ferè sepulta manet aliquo tempore, sine vlla periculi suspicione. Si hæc contingant in cruditate, mortis proximæ præfagia existunt.

Firmiora signa existimantur, tum lethalia, tum salutaria, quæ vel diebus indicibus, vel iudicatorijs eduntur.

Quæcunque apparent, & sunt diebus criticis, maximeque septimo, firmiora sunt ad salutem, vel ad interitiũ, quàm

quàm quæ in alium morbi diem incidunt. Eorum tamen, quæ sunt in diebus decretorijs, iudiciũ p̃edet ex hoc axomate; decretoria signa non discernentia vel lethalia sunt, si æger deterius habeat; nam quæ conferre debent, & non conferunt; mala existimari debet: aut difficilis iudicij, si tantum nihil iuuent, nec noceant multum.

Quæ sunt morborum critica statim apparentia, mala: significant enim naturæ oppressiõnem à causis morbificis, quæ mala est, tum ex Hipp. communi edicto, apho, 30. lib. 2. *In principio, & fine morborum omnia mitiora.*

Symptomata à causis externis, aut à consuetudine nata nihil conferunt ad præsagium, vt stridere dentibus, quibus est consuetum, malum non est. Cum Hipp. scribat in prognost. *Stridere dentibus, quibus non est consuetum; malum.* Nihil naturæ grauius; quàm frequens rigendi, & calescendi viciscitudo, quòd natura nunc victrix; nunc victa maneat & in concertatione debilitetur.

Morbi qui aliorum successione euē-

niunt, primigenijs sunt periculosiores; quia natura iam debilitata secundos insultus vix sustinere potest. Vnde dicitur, Morbus acutus acuto succedens, mortalis.

Omnis motus morbifici humoris à parte ignobili ad nobilem, est funestus: & contra, si à partibus internis, & nobilioribus ad superficiem corporis fiat, laudabilis.

In acutissimis morbis aut cita mors venit, aut victoria læta. *Minus periculose laborant ij, quorum natura, vel atati, vel consuetudini familiaris morbus est, quàm quorum nulli affinis cognatusq; existit, ex apho. 34. lib. 2. quòd causa significetur minus violenta, & magna: parvæ verò causæ paruos morbos procreant: quare nec periculosos. Quales autem sint illi morbi, descripsimus in causis morborum.*

Affectiones omnes dolorificæ quæ repentè occultantur in febre, absq; manifesta excretionem, aut abcessu merastasin humorum in viscera nobilia significant: nisi adsit excusatio mortificationis

tionis partis antea dolentis, aut delirij.

Omnis affectio breuioribus interuallis repetens, sine causa euidente, magnitudinē & malignitatē illius ostēdit.

██

De prognosticis ad facultatem naturalem pertinentibus.

CAP. IV.

Interitus caloris natiui funestus est; quia facultatis naturalis interitum affert. Quocirca facies Hypocratica initio morbi acuti nata, non à ventris profluuiio, fame, aut vigilijs natis ex solitudine aut mœrore, non verò ab intēperie cerebri, & praua euaporatione nam ab ijs causis productæ solent esse pessimæ. Profluuium etiam ventris debet intelligi dyarrhœa fugax, aut hypercatharsis: nam si fuerit à debili intestinorū retentrice, propter exolutionē, pessimum censetur: sed à colliquatione, & natiui caloris dissipatione, lethalis est, ex prognost. Deprehenditur autem illa facies, oculorū cauitate, tem-

D 5 porum

porum collapsione, narium acutiæ, auricularum frigidityte, contractione, & euerfione, cutis frontis durityte, & aridityte: colore faciei pallido, virescēte, nigro, liuido, plumbeo; quæ omnia caloris innati intermōrtui sunt effectus. *Ut valent oculi, sic & totum corpus*, ex 6. Epidem. Ergo diligenter spectandi sunt: nā ex colore, caractere, & mole cuiusque partis, siue consistētia, comparatur notitia habitus, temperamenti, & operationum dominantium in illa. Ea verò maximè apparent in oculis, quòd cæteris nitore, & puritate anteponuntur. Sunt enim gemmarum, & lapidū prætiosiorum manifestiores maculæ, quàm silicum obscuriorum. Quare, inquit Hipp. in Coacis, *Oculorum nitor; eorumq; alba substantia ex liuidis & nigris nitentia, salutare*: quia œconōmiæ naturalis virtutem faciunt aspectabilem: ita si ab illa puritate immutentur; ostendunt infirmitatem facultatum nōstrum corpus gubernantium, & naturalis œconōmiæ impuritatem. Ergo, inquit Hip. Si puri citò reddātur post fœdationem
à mor-

à morbo pendentem, ea puritas nata ex principij, id est, cerebri virtute, & meatuum libertate, citam crisin ostendit: sin seriùs, tardiozem. Vt enim excrementorum coctio celeritatem, & securitatem crisis denuntiat: ita personæ ipsius qualitates naturaliter constitutæ, vel in toto corpore, vel in quibusdam partibus affectis morbo, au per consensum afflicti, cum pristino statui fuerint restitutæ, & ad se redierint, ex lōgo aduersæ valetudinis interuallo. Non enim minora sunt argumenta futurarum criseon in qualitate corporis, quàm in coctione excrementorum morbificorum: vt ratio ostendit in morbis siccis cum humescere cœperint. Sin autem seriùs, tardiozem: cōtrariorū namque contraria sunt consequentia.

Illachrymatio sponte nata, sine vllō voluntatis imperio, neque à catarrho in oculos perlabente, sed à debili facultate retentrice, quæ humorem alibilem finit elabi. Item oculi diminutio aut liuiditas, aut nigredo extinctionem caloris natiui indicant, ex i. prognost.

Vlcus

Vlcus siccum, liuidum, præsertim in morbis acutis, mortiferum, eadem ratione existimatur ex prognost.


Si totum hypochondrium fuerit inflammatum, dolens, tensum, & inæquale, malum: potissimum si talis affectio nascatur à tumore aliquo partium internarum, & maximè iecoris. ex prognost. Pessimum autem erit, si vtrumq; hypochondrium tale fuerit. In altera autem parte existens, præsertim in sinistra, minùs periculosum. Non potest enim talis tumor nasci citra magnum damnum facultatis naturalis, quæ præcipuum locum occupat in illis partibus: damna verò facultatis naturalis in secundo gradu pernicipiei habentur.

Manuum, & pedum frigiditas cum calore ventris, & costarum in morbo acuto, aegro existente iuvene, malum, ex prognost. & apho. i. l. 7. Signatur enim magnum incendium partium internarum, quo calor natiuus dissipatur.

Optimum censetur, si corpus omne æqualiter molle, & calidum fuerit: Ostenditur enim caloris natiui robur, sese per om-

ne corpus æqualiter propagnantis.

Omnis morbus frigidus succedens morbo calido, præsertim in parte principe, lethalis est: vt carus phrenitidi; hydrops inflammationi iecoris. Significatur namque caloris natiui interitus; qui funestus est.



De excrementis in vniuersum.

C A P. V.

Naturalis facultatis potestas in excrementis potissimū elucet. Quapropter ab excrementis multa trahuntur prognostica, ad facultatem naturalem pertinentia. Excrementa quātumuis mala in qualitate, & quantitate, bonis ægri rebus expelluntur: si die critico, præcedentibus signis coctionis; & cum ægri adiumento extrudantur: signum namque est, corpus à facultate expultrice robusta excrementis purgari, quod bonum est.

In excrementis iusta moderatio esse debet, quæ vel omnino soluat morbum, vel leuiorem reddat: largior siquidem

dem excretio vires resoluit: parciore debilitatem naturæ ostendit: quæ si fuerit pauca, & frequens (præterquam quòd denotat naturæ debilitatem) insuper ostendit eius inanem conatum, nihil omnino iuuans, sed potius tendens ad ægri perniciem. Omnis enim suprescorruptæ, & malignæ materiæ, mala est.

In excrementis contemplanda sunt coctio, cruditas, & prauitas. Coctio in epidemijs salutis securitatem, & iudicij celeritatem ostendit: nisi quid præter rationem coctum sit. Tale enim in morbo acuto prauum censetur ab Hipp. in coacis prænotionibus.

Nihil ineunte morbo, salutariter potest excerni, malaque est cuiusque humoris à corpore euacuatio, quæ sit ante coctionis signa. Quocirca, *morbis quibus suis incipientibus, si atra bilis supra, infræ exierit, perniciosum*, ex Aph. 22, lib. 4. Illud præter rationem dicitur, cum eius nulla sunt antegressa signa coctionis, quod peculiari exemplo expressit Hipp. cap. de Vrinis, inquit enim, *Vrina quæ de repente cognitur praua est.*

Cruda

Cruda excrementa longitudinem morbi significant, si perseverauerint longo tempore. Arguunt enim naturæ debilitatem: nam debilis natura nō potest coquere materiam, nisi longo tempore. Ceterum coctio, ut certam ostendat salutem, & iudicij celeritatem, oportet ut sit vera continua, & vniuersalis. Vera quidem, quia non rarò falluntur Medici opinantes veram esse coctionem in vrinis, ex crudo humore in fundo eorum subsidente, quasi verum sit sedimentum. Continua etiam debet esse coctio, ut fida sit: fit enim aliquando cum non ex toto humor à natura superatur, ut manè apareat cocta, vespere autē delitescat coctio. Quare Hip. scribit in Prognostic. urinam coctam debere perseverare vsque ad crisin. At Gal. cap 4. lib. 3. de Crisib. præfagiuit ex coctione primi diei, morbi terminum. Verum hoc esse potest, si intelligamus in fine primi diei, & in simplici affectu. Neque etiam coctio continua certa est. Nam vbi expultrix facultas alterius est generis à coquente, ut in peripneumonia,

nia, & pleuritide, & alijs morbis pectoralibus, in quibus coctio est naturalis, expulsio animalis, pæssæpe fit vt coctio valida sit, expulsio autem infirma. Vnde ægri, cocta materia, moriuntur: quod non possint præ debilitate motricis facultatis animalis, concocta expellere. Debet autem esse vniuersalis, & totius materiæ morbificæ: frustra namque in parte quapiam coctio suscipitur, morbo in reliquo corpore incocto existente.

Praua excrementa simpliciter periculum denotant. Si verò extremum gradum malignitatis sint assequuta, mortem protendunt, ex Gal. lib. i. Cris.

Omnes excretiones, quæ morbos non iudicant, aut non minuunt, malæ sūt: quia aut partium resolutionem indicant, vnde manant; aut naturæ infirmitatem, quæ infesta abigere conatur, nec potest: aut humoris copiam, ac feritatem ante tempus, naturam ad excretionem irritantis.

Omnis naturæ motus in excrementis, priusquam morbus sit maturus, inutilis

utilis censetur : fatiusque est, naturam non moliri excretionem, quàm frustrà eam tentare.

Omnia excrementa morbis superuenientia, quæ dolorificū malum foràs exire testantur, proptereaque in bonis ducenda, meliora existimantur, cum citò apparent. Ostendunt namque naturæ robur; & per consequens minùs bona, cùm serò exeunt, contrariorum lege. Inde sequitur, vt quæ malum minùs foras exire, sed intus perennitatem habere denuntiant, eo peiora censeantur, quo eitiùs illa prodeunt. Significatur enim natura oppressa malignis causis, à quibus cogitur excernere, non sine sui labefactione.

Omnis sincera excretio mala; quòd naturæ miscentis imbecillitatem ostendat.

Excretiones plurium, & variorum colorum malæ sunt, peioresque quo illi colores prauiores erunt: vt æruginosi, porracei, virides, nigri.

Omnis pinguis & oleosa, mala: quòd significet colliquationē ab adustione,

E

pro-

proindeque caloris natiui dissipationē.

In omnibus morbis ex humore ortis, malum est nihil excerni: quòd significetur naturæ debilitas.

Omnis excretio, vel abscessus, qui vbi moueri ceperit, statim desinit, multo deterior est, quàm si nullo modo appareret. Significat enim naturę infirmitatem, quæ incepisse potuit, perficere non valet.

Nulla excretio, quantumuis critica, potest videri salutaris, cum virium infirmitate.

XXXXXXXXXXXXXXXXXXXXXXXXXXXX

DE VRINIS.

CAP. VI.

VRina optima est, vt inquit Hipp. in Prognosticis, si candidum habuerit sedimentum, leue, & aequale, omni tempore, donec morbus indicetur: hæc enim significant urinam esse perfectè coctam. Coctio autem, ex theoremate superiori securitatem salutis, & celeritatem criseos demonstrat. Si verò intermiserit, atque interdum

terdum mingatur sine sedimento, & aliquando habeat sedimentum album, leue, & aequale, morbum diuturnum, & minùs securum ostendit: quòd illa successio coctio- nis, & cruditatis significet naturam cù morbo paribus viribus pugnare.

Hippocrates in Coacis prænotioni- bus scribit. *Vrina bonum sedimentum ha- bens, quod derepente euanescit, laborem, mu- tationemq; significat, ob eandem causam.*

Si urina fuerit subrubra, & sedimentum subrubrum, ac leue, diuturnior hæc quidem est, quàm prior, valde tamen salubris. Salu- bris quidem, quia humor peccans mi- tis est, quippe sanguineus; neque solet prauitate sua, ac malignitate magna afferre pericula: diuturnior verò erit, quòd incoctus humor egeat temporis diuturnitate, vt coquatur.

Qui in vrinis celeriter sedimentum habent, celeriter iudicantur, ex eisdem coac. præn. Celeriter autem intelli- gitur, intra paucos dies: nam *urina dere- pente cocta mala iudicata fuit.*

Subsidètia in vrinis, speciem farinae cras- sioris referentes, mala sunt: significant

nim sanguinem affari: ad quam affationem sequitur caloris natiui dissipatio. Iis autem peiores sunt squammosæ; ex prognosticis: denotant enim partes solidas exuri, & colliquari; vnde sequitur caloris natiui dissipatio.

Tenues verò, & albæ valdè malæ: quia cum, ex Galeno 1. de crisib. cap. 12. nascantur per admixtionem flatuosi spiritus, & excrementi humorum semicocti, cōcoctricis infirmitatem ostendūt: proindeque coloris natiui debilitatem.

Hipp. in Coacis prænorio. cap. de vrinis, *Vrina quæ alba funditur, atque pellucida, mali est hominis.* atq; potissimum hæc in phreniticis. Verùm intelligēdū, non de vrina alba, & tenui quæ post signa coctionis apparere potest ad tempus, speciem crisis denotans: quæ neq; proficiscitur à nimio aquæ potu, aut à vehemēti rerū attractrice, ob inexpugnabilē sitim renū: sed quæ successit fugaci, vel citæ coctioni, vel quæ ad morbum exactū, nullo modo à se mutata, mediō expressa est, & quæ à renib⁹ ducta è venis est, vi attractrice bene se habēte

Iis

Iis verò peiores sunt furfuracea: ex prognost. siquidem ab adustione, & colliquatione humorum nascantur. Nam si à scabie vesicæ ortû ducant; vesicæ tantum affectionem patefaciunt. Signum autem colliquationis est febris vehemens, & ardens: causa namque est signum Medico.

Nebula verò alba bona, quia coctæ. Ut autem tales sint, crassitiem aliquâ habeant est necesse: non tamen tantam, ut pondere subsideant.

Nigræ malæ, quia aut extremam frigiditatem significant qua calor extinguitur natiuus (ex sententia quorundam, quæ falsa est: quòd in corpore viventis nulla possit esse tanta frigiditas, ut ex ea fiat vrina nigra) aut intensam caliditatem, qua dissipatur calor natiuus,

Quandiu vrina erit ruffa; & tenuis, crudum signat esse morbum, ex quo colligere licet, longum fore: quòd si diuturnior sit, & vrina talis persisterit, periculum est, ne ager non possit sufficere, donec vrina coquatur: quòd in dies calor nati-

70. METHODVS PRÆDIC.
uus debilitetur.

Ex urinis magis exitiosæ sunt fatidæ, quòd magnam putredinem in humoribus cõceptam significant, in qua calor natiuus dissipatur: nisi sit excusatio ulceris earum partium, per quas urina solet expurgari, & in quibus ipsa generatur.

Aquosæ malæ sunt urinae, ob debilitatẽ coctricis facultatis, quam significant.

Nigræ à colore adurente, malæ censentur. Si autem tales extiterint ex admixtione humoris nigri, & melancholici criticè repurgati, bonæ censentur: Symptomaticæ autem nigrae non sunt bonæ: Cæterùm, nigra mala eo peior cẽsetur, quo crassior est: quia significat maiorem adustionem, ex qua sequitur maior dissipatio caloris innati.

Viris & mulieribus urina nigra pessimæ sunt, pueris verò aquosæ, quòd in illis significant magnum caloris natiui à natura sua recessum, quam ob rem dissipatur: in his autem extremam caloris natiui debilitatem: nam cum pueri plurimum habeât caloris innati ex primo
aph.

aph. 14. & ideo optimè coquant, coctio-
que omnis fiat incrassando, naturaliter
vrinæ puerorum debent esse crassæ. A-
quosa autem tenuis est: quare mala in
pueris: in adultis autem debet esse te-
nuis utcunque, ex contraria ratione. Si
verò in ætate prouectis sit nigra, & cras-
sa, pessima est: significat enim non tan-
tùm adductionē, sed vehemētem assa-
tionem, qua tenuior pars vrinæ dissipa-
tur, & crassior remanet. Si verò tales v-
rinæ contingant ex suppressione me-
struorum, nihil mali portendunt. Est
namque expurgatio illius materiæ cor-
ruptæ, ex Gal. in hist. mulieris in 3. epid.
scripta.

*Pingues vrinae similes telis aranearum,
damnanda sunt,* ex prognost. significant
enim colliquationē pinguedinis, pro-
indeque calorē natiui dissipationem.

*Nec te decipiat si vesica agrotans aliquā
talem reddiderit urinam: non enim morbum
totius corporis ostendit, sed vesicae solius:*
quod adiecit Hipp. ad cautionem; ne-
que tantùm de vesica intelligendum,
sed etiam de renibus, & alijs partibus,

quæ urinæ generandæ, & deducendæ sunt dicatæ. Nam fœtida vrina potest significare vlcus renum, sine vlla putredine in humoribus existente. Cæterum oleosa à pingui non distinguitur causa, sed gradu causæ, & materiæ: quòd scilicet maior sit adustio in oleosa. Materia autem illius est fusio alimenti proximi, aut substantia partis proximæ solidæ.

Auicen. cap. 89. libro de crisibus scribit secundum sapientis opinionem, Cum oleosa nigræ succedit, bona censetur: deterior autem est in principio morbi.

Pueri lac sugentes, si plurimum mingāt, non diu viuunt: ex Hipp. lib. de dentitione: multa namque mictio attractionem renum validam arguit, quæ ab excedente calore nascitur. Quam ob causam facillè dissipantur, & liquefcunt carnes teneræ: ac proinde viuere non possunt.

XXXXXXXXXXXXXXXXXXXXXXXXXXXX

DE ALVI
deiectionibus.

CAP. VII.

Optima deiectio (inquit Hippoc. in Prog. & Coacis) *mollis est, constans: tempore per valetudinem consueto excernitur: quantitate ingestis respondet, certa proportionem. Sic enim exeunte, imus venter bene habebit, bonaque existimabitur. Deinde addit colorem, & odorem, cum inquit, Subruffa admodum, & graueolens esto.* Subruffa fit, ex admixtione flauæ bilis in chyli fellis residentis, effusæ in intestina, quæ ostendit eum meatum obstructione carere. Mediocris autem graueolentia naturæ coctionem declarat, sine magna putredine: proindeque naturalis facultatis robur. Nam quæ grauiter olent putredinem ostendunt: quæ nihil olent, coëctricis facultatis debilitatem.

E 5

Si

Si deiectionis fuerit liquida, opus est distinctione ex causa: nam aut fit quòd chylus non feratur ad jecur. Non fertur autem, aut quia non attrahitur à jecore, præ debilitate attractricis illius, aut quoniam venæ meseraicæ sunt obstructæ: ut in fluxu chyloso & cæliaca: aut à confluentibus humoribus à iecore, & liene: aut ab alia parte in vētrem. Chylosa deiectionis mala est, propter privationem nutritionis: peior autem illa, quæ à læsa attractrice iecoris proficitur: quæ verò ex cōfluentibus humoribus à liene, iecore, & alijs partibus, siquidem fuerit critica, bona: symptomatica verò mala. Quæ distinguuntur hoc pacto, quòd scilicet critica, & laudabilis deiectionis non strideat, nec crebro, & pauca deiciantur; nec multa, & frequenter: sed multa, & raro, ex prognost. & coacis. Symptomatica contra. Quare cum ostendat stridens deiectionis flatum commixtum cum fetibus, debilitatem coctricis denotat: sæpe concitatur, & idcirco vigilias excitat, & debilitatem, eoque magis, si
 12 multa

multa fuerit. Dissipatur enim calor natiuus vigilijs, & deiectione multa. Sæpe symptomatica deiectio mala in laudabilem mutatur: parte enim oneris leuata natura, quod reliquum est melius coquit. Quare si deiectio in principio liquida extiterit, incrassetur autẽ, morbo eũte ad iudicationem, bona est: ex prognost. & coacis: significatur enim victoria naturæ supra morbum. Signũ autem illius transmutationis est virium robur.

Vtile est lumbricos externi teretes cum deiectione, ubi ad crisin peruenerit morbus: nam si exeant cum deiectione, crisi instante, naturæ robur significatur. Si verò per os, aut per anum expellantur sine deiectione aut sine fæcibus ostenditur eorum copia, aut malignitas materiæ, quam vermes fugiunt; quæ omnia sunt mala. Nam vermium copia putredinis quantitatem ostendit, vt etiam malignitas, quæ oppugnant calorem natium.

Deiectio aquosa, quæ à debilitate coëtricis pendet, diuturnitatem morbi
signi-

significat: si candida fuerit, per priuationem bilis: aut crocea, ex syncera bile; aut spumans à flatu, & feruore: aut rubra, à mixtione bilis rubræ, aut sanguinis, mala est. Nam candida obstructionem meatus cholidochi crocea pura imbecillitatem naturę miscētis: spumea natiui caloris debilitatem significat: quæ omnia mala sunt.

Mala item deiectio est, si fuerit parua, glutinosa, alba, subcrocea, ac læuis. Glutinosa, & alba ostendunt prauam colliquationem: subcrocea, & læuis, magnā colliquationem pinguedinis firmæ, ac vetustæ. Læuis autem efficitur, quia omnes illius partes alteratę sunt: læue namque redditur quicquid ex corpore excernitur, aut quod receperit æquale in omnibus partibus à calore naturali coctionē, aut propter vehementē consumptionem à calore: ita vt nulla pars materiæ alterationem effugerit. Vt igitur quicquid salubre est, id omne efficitur salubrius, quoties æquale fit: ita quicquid malum est, id omne deterius euadit, si læue, ac æquale extiterit.

Magis

Magis autem lethales sunt nigra atrabiliaria, ex prognost. præsertim incipiente morbo, ex aph. 22. l. 4. Morbis quibusvis incipientibus, si atrabilis supra infraue exierit, perniciosum. Item ex aph. 23. eiusdem lib. Quibus per morbos diuturnos, & acutos, aut vulnera, aut alium modum extenuatis, atra bilis, aut veluti sanguis niger subierit, postridie moriuntur.

Pingues, vel liuidæ, vel æruginosæ, vel fetidæ, malæ, ex prognost. & coac. Pingues colliquationem portendunt, quæ mala iudicata fuit: liuidæ, mortificationem caloris innati: æruginosæ malignitatem humoris: foetidæ putredinem: quæ omnes sunt malæ. Ac nigra, siquidem criticè exeant, bonæ esse possunt. Si verò symptomaticè, malæ: siue nascantur ex permixtione atrabilis, aut sanguinis corrupti extra vasa sua.

Variegatæ deiectiones diuturnum significant morbum: Quòd multis superandis natura par esse non possit,


possit, nisi longo tempore. Sunt tamen per sæpe lethales, præsertim si fuerint mali colores, quales sunt æruginosi, cruëti, porracei, nigri, & præcipue cum separatim excreti mali censeantur, quod significant prauas, easque varias affectiones, quibus exagitata natura perimitur.

Flatum sine crepitu, aut sonitu exire, sæper est optimum, ex prognost. & coac. quia eius parua copia indicatur. *Quoquo modo autem exierit cum sonitu, melius est, quàm reuolui*: excreta enim non amplius nocent. Adde quod significatur robur naturæ pellentis. Quæ verò retinentur nocent, si fuerint præter naturã.

Flatus cum sonitu emittitur, aut nobis ita iubentibus, vt solet videri in his, qui pedunt ad libitum: aut nobis delirantibus, cum scilicet coram maioribus nostris, aut coram ijs quibus cum nulla nobis intercedit familiaritas, quosque plurimi facimus, pedimus: aut nobis coactis propter doloris vehementiam, cuius violentiã verecundia superatur. Quare crepitus sponte ortus ci-

tra

tra voluntatis imperium, mentis alienationem, aut dolorem significat, tum etiam magis, si nobis inuitis illud contingat, ex prognost.



DE VOMITU.

CAP. VIII.

Vomitus nomine intelligimus hoc loco, omnia quæ motu præter naturam ventriculi, per os excluduntur; unde cõiicimus, robur aut debilitatem facultatis naturalis.

Vomitus autē utilissimus est, si quā maxime ex bile, & pituita flava fuerit cõmixtus, non admodum crassus nec multus, ex prognost. Synceriorēs excretionēs namq; deteriores: ibidem vt iam dictum fuit sæpissimè. Pituita verò, & bilis benigniores humores existimantur ex ijs, qui sunt præter naturam. Priuatio autem crassitici significat, neq; calorem, neque frigus valde dominari, & cùm paucus sit paruam redundantiam humorum denotat.

prænot. significat enim robur facultatis expultricis, & materiæ laudabilem consistentiam, quæ arguit naturæ vim. Quare difficilis, & tarda expectoratio mala est. Distinguendum tamen cuius rei vitio hæc contingat, & quo pacto. Nasci enim potest aut ex debilitate motricis facultatis musculorum respirationem efficientium, aut instrumentorum, quæ expectorationi præsumt lésione, aut materiæ sputi indispositione: nam tenuior sputi materia cludit expulsióem: viscida verò partibus hæret, nec excludi faciliè potest. Quæ facultatis imbecillitatem agnoscit, mala est. Item quæ instrumentorum vitio fit: minùs autem mala est ea, quæ depēdet ab indispositione materiæ, quòd faciliùs sit ei remedium afferre.

Praua (inquit Hipp. in coac. est expectoratio, si multò post dolorem fiat, idq; sputi non permisti, multamq; tußim inducentis. Mixtio autem triplex est, materiæ corruptæ cum vtili, quæ praua est: oritur enim excernentis facultatis debilitate. Secunda est materiæ vitiosæ, vel

F

mor-

morbificæ cum excremētitiā, quæ bona est, significans naturæ robur. Tertia constat ex varijs excrementis, quæ morbi longitudinem, & difficultatem demonstrat, vt in superioribus dictum est.

Sputum permixtum flauo, bonum est: quòd cum sit laudandum in omnibus morbis thoracis, potissimum tamen in pleuritide: Nam cum illa nascatur vt plurimum ex bile, aut sanguine, qui loco conclusus calido cōuertitur in bilem, sputum bile tinctum materiam morbificam e-
duci ostendit. Excretio autem materiæ morbificæ laudanda semper est.

Aeruginosa sputa, & nigra, viridia, lethalia: significant enim aut incendium, aut summam refrigerationem non positiuam, sed priuatiuam, hoc est, natiui caloris dissipationem.

Sputum candidum, glutinosum, rotundum, inutile: eo quòd fiat à pituita calore igneo adusta, vnde dissipatur calor natiuus.

*Sputum puri simile, laudatur, vt in pleuritidis statu. Glutinosum verò quod fit co-
ctionis*

coctionis vi, bonum est. Lentum autem, & viscidum, cum fiat sine coctione, perniciosum censetur: quòd dependeat à calore febrili, quo affatur pituita, & debilitatur calor natiuus. Talia sputa obstruunt meatus: quocirca tussim mouent, & expectorationem prohibent.

Sputum spumeum & viride, malum:
quia vtrumque significat caloris ex-
cessum, praesertim viride: nam spumo-
sum potest etiam nasci ex longa agi-
tatione.

Suppressio sputi ante morbi terminum, mala est: quia causam morbi intus relinquit: aut si quid excernatur quod dolorem non sedat, malum est: excretio namque sine doloris mitigatione, labor est inutilis, & sine fructu.

XXXXXXXXXXXXXXXXXXXXXXXXXXXX

*De sputo ortum ducente à cerebro,
De muco, & sordibus aurium.*

CAP. X.

TEnue sputū , & tenuis mucus cru-
ditatem ostendunt: proindeq; par-
F 2 tium,

tium, unde manāt, debilitatem : eorum
 incrassatio coctionē, & robur ostendit.
 Tamen crassus omnis non semper bo-
 nus, quia aliquando à calore præter na-
 turam fit, dissipata tenuiori sputi por-
 tione. Verùm quæ natura superante
 crassescunt facillè emunguntur, & spu-
 untur : quæ verò à calore præter natu-
 ram, difficilè.

Fœtidus mucus, malus est : quippe
 putredinis soboles. Acres muci, & falsi
 percipi nō possunt, nisi quis more pue-
 rorum suum mucum lingat : mali tamē
 sunt. Deprehenduntur verò partium
 nasi & adiacentium erosione.

Inspida sputa bona sunt, quia à miti
 pituita fiunt.

Mucus sponte fluens, malus : quòd
 retentricis imbecillitatem ostēdat, aut
 materiæ tenuitatem nimiam, quæ à na-
 tura subigi non potest.

Aurium sordes dulces, lethales, ex Hipp.
 6. Epid. quòd fiant ab extincto calore
 natiuo : fœtidæ autem malæ, quia nas-
 cuntur à putredine.

XXXXXXXXXXXXXXXXXXXXXXXXXXXX

DE SUDORIBUS.

CAP. XI.

S*udores febricitantibus boni, si inceperint die tertio 5. 7. 9. 11. 14. 17. 20. 27. 31. & 34: hi enim sudores morbos iudicant: nam eo tempore natura mouet: qui verò alijs diebus fiunt, nascuntur potius à morbi violentia, quàm ex naturæ dominatu. Neque tantum opus est, ut diebus criticis fiant, sed oportet eos toto corpore manare calidos, efficereque, ut æger facilius morbum ferat. At si nihil horum produxerint, inutiles sunt: demonstrant enim naturæ debilitatem.*

Pessimi verò sunt frigidi in vniuersum circa caput, collum, & faciem orti: nam significant extremam caloris innati debilitatem.

Frigidi sudores cum acuta febre mortem prænuntiant, ut inquit Hipp. in aph. cum leniore verò morbi longitudinem. Nam illi extinctionem caloris innati ostendunt: hi verò materiæ cruditatem, contuma-

F 3 ciam;

incipio incidit: quia illis temporibus bilis flaua redundet, atque aër ambiens calidus est, quibus sanguis ad fluendum aptissimus fit, quia rarefcit. Quocirca causa stillicidij consistit in naturæ infirmitate, & sanguinis crassitie; qui exurit à calore vehementiore. Item euanescente tenui parte sanguinis, crassior abit in atrabilem, quæ expulsionì reluctatur, propter crassitiem.

Quibus è naribus paucus sanguis stillat cum surditate, & torpore, hi difficile quid habent, vt scribit Hipp. in coacis. significature enim cerebri, proindeq; facultatis animalis oppressio.

Sanguis qui stillat crassus ab adustione, & niger die critico, aut indice, si cum prauis symptomatis connectatur, mortem in propinquo esse ostendit: est namque atrabilarius, quem natura nititur expellere, nec potest, cuius tandem malignitate euicta extinguitur.

Tertio, aut quarto die stillare sanguinem malum est: significat enim naturâ causis morbificis oppressam, tum illius à perturbatione alterationem, quòd mate-

riam laudabilem expellat, intus corrupta relicta.

In morbis autem longis stillicidia sanguinis lethalia, ex coacis, ob debilitatem naturæ expellentis.

XXXXXXXXXXXXXXXXXXXXXXXXXXXXXXXXXXXX

De sanguinis profluvio.

C A P. XIII.

S*I quis non è directo partis affecta sanguinem profuderit, malum. Vt si liene affecto, è nare dextra sanguis effundatur. Omnis enim laudabilis sanguinis fluxus pluribus rationibus debet fieri, è directo, lege naturæ, quæ per breuiora spatia solet suas excretiones moliri. Quidam tradunt causas plures huius effectus, nempe propter meatus oblongos, & rectos nostri corporis: secundò quòd natura solcat tantum explere per rectam viam: tertio quòd in venæ cauæ trunco sanguinis partes suos situs, & fluxus obseruent, vt in aqua fluente; aut quòd igneus calor in sanguine redundans, rectà in sublime deuehat humores,*

mores, nec obliquè ascendat. Hoc autem theorema quotidiana confirmatur experientia.

Quibus eruptio sanguinis multa fuerit ex quacunque parte fiat & quocūque modo, siue secta vena, aut vulnere inflicto, aut sponte natura, procedēte tempore, alius male afficietur, id est, excitabitur profluuiū ventris, ob debilitatem caloris innati à nimio sanguinis profluuiō natam, nisi vrina cocta fuerit, qua robur illius significatur.

Quibus è naribus larga, & violenta sanguinis eruptio vi supprimitur, interdum in spasmus seu conuulsionem incurrunt: si quidem materia transferatur in nervos: aut in apoplexiam, si impleuerit ventriculos cerebri: aut in suffocationem, si in thoracem perfundatur. Soluit autem vena secta humeralis, nēpe à directo nari respondens, ex qua sāguis prius effundebatur. Omnis namque sanguinis cōsueta euacuatio, quæ præter rationem supprimitur, id est, nec detracto sanguine, nec aliter copia euacuata, plethoricum aliquem morbum accersit.

A multa sanguinis fluxione singultus, aut conuulſio, malum: nam omnis conuulſio, aut ſingultus ab inanitione lethalis, ex Hipp. in aph. quia à priuatione ad habitum non datur reſſus.

Ex naribus erumpente ſanguine cum ſudore paulo, perfrigerationes maligna, ex coacis. ſignificatur namq; naturæ imbecillitas, & eius diſſolutio, vt in coacis cap. de dorſi, & lumborum affectibus ſcribitur, ab Hipp.

Qui ſtatutis temporibus ſanguinem profundunt, ſi loco, & tempore conſucto nō profunderint, epileptici moriuntur. Eſt autem intelligendum de larga narium hæmorrhagia vti ſupreſſa, quæ conuulſifica eſſe ſolet. Ex Aph. 20. li. 4.

Sanguinem ſuperne quidem ferri, qualiſcunq; ille ſit, malum: inferne verò niger ſi deſciatur, bonum, intelligendum non ſubitò, ſed ſenſim, euacuatum in mæcis, & melancholicis per hæmorrhoidas. Item ſi nigra excrementa ſint facta à cunctatione excretionis qua denigrantur.

Omnis excretio ſanguinis facta per partem principem periculosa eſt: vt in

verò significat coryzam, & humoris mordacitatem.

In omnibus pulmonis morbis grauedines, & sternutationes tū praire, tum subsequi malum, ex prognost.

XXXXXXXXXXXXXXXXXXXXXXXXXXXX

*De prædictione ad vitalem
facultatem pertinente.*

CAP. XV.

Pulsus vehemens semper bonus æstimandus est, licet nonnumquam facultatis ostēdat irritationem, conantis expellere quod noxium est, ut initio dolorum, & in conflictu critico. Bonus tamen semper existimandus. Nam demonstrat robur facultatis. Debilis enim facultas irritata nunquam vehementem pulsum excitabit. Huius contrarius languidus est mal⁹, quia facultatis debilitatem ostendit.

Pulsus celerrimus, & creberrimus mali sunt. Denotant enim caloris naturalis, & spirituum dissipationem.

Tardissimus etiam, & rarissimus pessimi sunt, ob ingētem refrigerationem
corpo-

corporis cordis; aut in eo cōtentarum, vel circumpositarum partium, quam ipsi pulsus patefaciunt.

Mollissimus, & durissimus pessimi habentur, quoniam denotant corporis arteriæ, aut alterius partis cum ea cōmunicantis affectiones extremas, & excedētes, à quib⁹ nō leue impēdet periculū.

Minimus quoq; malus est. Etenim debilitatē ostendit extremā & vsum valde imminutum. *In summa, omnes pulsus, qui longè à mediocritate recesserint naturali, boni non sunt, verùm alij alijs sunt peiores,* inquit Gal. de præfag. ex pulsibus.

Languidissimus, tardissimus, & rarissimus omnium pessimi sunt: ab illis minimus mollissimus, & durissimus: post ea creberrimus: at non celerrimus, & maximus: sed sunt hi modicè periculosi. Vnus verò inter extremos, optimus est vehementissimus, ob facultatis vitalis robur, quod demonstrat.

Pulsus intermittēs, & debilis, læthalis. Nā debilitas ipsa per se mala est, cui cū adiungitur intermissio, peior est: cū intermissio sit quidā defectus pulsus, & via

& via ad ἀσφυξίαν, id est, ad priuationē pulsus.

Intermittens, in quo duarum pulsationum tempore arteria quiescit, est lethalis. Galenim cap. 4. lib. 2. de prælag. ex pulsibus scribit. *Nescio, an cum tali pulsu superstes quisquam esse possit.* Nam intermissio illa non tantum facultatem opprimi, sed summè debilitari portendit. Summa verò debilitas facultatis vitalis, periculi plena est,

Intermittens, qui tempus vnus motus æquat, aut plus aliquantulum habet temporis, periculosus valde non est, præsertim in senibus, quod eorum facultates debiles, à paruis causis offendantur, firmæ verò tantum deiciantur à maximis. In pueris etiā minimè formidandus quia in illis facultas quæ pulsibus præsidet est imbecilla plurimum. Quocirca à paruis causis facile læditur. Sunt autem coëctrice firmiore. His addi potest facilitas perspiratus, non mediocre ad tollendos morbos auxilium. At in iuuenibus talis pulsus periculosus est, quod à magnis causis ortū ducat.

ducat. Verùm diligenter aduertere debemus, num sit naturalis: nam quod naturale est nullum periculũ portẽdit.

Pulsus intercurrents non rarò iudicatorius, siue criseos est prænuntius. Est namque veluti conatus naturæ ad pugnandum paratæ: differt quæ, ex Gal. ab intermittente: quòd in intercurrente decertet natura cum noxijs; in intermittente verò hoc piget illam facere.

Intermittens in vno pulsu, cum diuersus sit, varia de monstrat: si quidem vehementior sit secundus motus, aut celerior primo, melior est pulsus. debilius autem, & tardior, peior.

Inæqualitas in vno pulsu, inæqualitatũ omnium incõmodissima est. Nam easdem causas habet quas collectiua, sed deteriores. Ad hæc collectiua multos habet pulsus sine intermissione: hæc verò nullos: sed cum semel inceperit in intermissione semper perseverat: at malum quod caret intermissione peius est habendum, eo quod aliquando intermittit.

Pulsus vndosus ex se debilitatẽ ostendit

dit, si vehementiam aliquam habeat coniunctam, necnon altitudinem, sudoris est prænuntius, maximè si indicia appareât coctionis materiæ morbificæ. Vndosus enim solus per se significat mollem arteriam, & facultatem satis debilem, quæ simul, & semel omnes arteriæ partes mouere nequit. Mollis arteria fit ab humore in corpore redundante, quem copiosum esse oportet, cū mollis reddatur arteria: humor verò copiosus, est materia sudoris. Quare cum vndosus utcumque vehemēs est, & altus, robur facultatis satis magnum declarat, à qua potest expelli humor redundans. Quam ob causam sudor in tali pulsu sperandus est. Verùm quia materia sudoris, & vrinæ eadem est, satius est prædicere cum distinctione, aut sudorem, aut urinam: prout alterutrum signa apparuerint.

Vermiculosus pulsus maiore quàm vndosus debilitatem significat.

Fornicans verò vermiculante multò est deterior, propter maiorem debilitatem, quam denunciat. In febribus
autem

autem diuturnis est mortis prænuntius certus. Animaduertendum est tamen, vt doctè Strutius, libro de pulsibus scribit. Si illi pulsus, inquit, nascantur à causis facultatem subitò resoluētibus; quæ emendari possunt, non sunt formidandi tantoperè. *Quæ enim citò resoluntur corpora, citò etiam reficiuntur*, ex Hipp.in Aph.7.lib.2.

Myuri pulsus, seu vt barbari dicunt, caudamuris aut cauda foricina, vel decurtati omnes ostendunt facultatis debilitatem: sunt tamen diuersi; nam aut in vno pulsu, aut in diuersis pulsibus sese consequuntur. In vno pulsu præter debilitatem ostendunt etiam corporis gracilitatem: qui autem est in aceruo potest contingere sine gracilitate.

Decurtati pulsus in aceruo, id est, in pluribus pulsibus, aut sūt reciproci, aut deficientes. Reciproci minus periculum denuntiant: deficientes verò aut pauco quidem intermisso tempore recipiatur, qui minùs periculosi sunt, quàm cùm omnino deficiunt: tūc enim mors in propinquo est. Strutius tamen obser-

G uauit

uauit in Luca de Gorca Polono Magnate, pulsus priuationem 14. dierum.

Pulsus errans quātò est manifestior, tantò est deterior; quia ingentem tumorem testatur, qui longa eget coctione: & nisi æger fuerit robustus, succumbet.

Conuulsiuus pulsus alius alij præferendus: nam qui post plurimos sudores, aut vomitus aut alui deiectiones accidit, ægrè restituitur in pristinū statum, & malum significat propè insanabile. Qui verò nascitur repente, & statim in præcipio vel paulo post principiū non est adeo periculosus, modò à re venenata non oriatur, qui solet esse perniciosior.

Pulsus vibrans indicat naturā cum morbo pugnare, vnde futurum terminum in morbis speramus.

Pulsus tremulus syncopis in febribus acutis est, & mortis omē, ob extremam quam ostendit facultatis vitalis debilitatem.

Pulsus palpitans nullum creat periculum.

De



*De prædictione ad facultatem
animalem pertinente.*

C A P. XVI.

OMnis motus vitiosus, aut actio læsa quæ nascitur ab arbitrio, læsum ostendit cerebrum: motus quidem vt tremor, & conuulsio: actio verò, vt gesticulatio manuum, spectra falsa, frequens respiratio, & alia multa. Læsiõ autem cerebri denotat facultatem animalem, & temperiem cerebri in vicio esse.

Omnis immoderata motio, & quies earum partium quæ arbitrio mouetur, citra causam euidentem, delirium porrendit: fit enim sine ratione, cum causa nulla sit: vt si quis abigat hostes, cum nullus præsens sit.

Considerare etiam conuenit hunc in modum suspitiones oculorum per somnum: si quid enim cædida partis subappareat, commissis palpebris, nec alui fluor aut medicamentum in causa sit, aut ita dormire con-

siueuerit, exitiale admodum, significatur enim facultatis palpebras mouentis ad coniunctionem imbecillitas, aut conuulsio musculorum illas claudentium, quæ mala censentur.

Si retorta fiat palpebra, vel labrum, vel nasus, cum aliquo ex alijs prauis signis, oportet intelligere agrum morti esse proximum, quod equidē significatur conuulsione illarum partium à siccitate, quæ lethalis est, præsertim cum progreditur ab affectione partis principis, nempe cerebri, quod est neruorum principiū. Quare in Aph. 49. lib. 4. scribitur: *In febre non intermittente si labrum, vel oculus, vel nasus, vel supercilium peruertatur, vel non videat, vel non audiat, debili iam existente corpore, quicquid horum euenerit, in proximo mors est.* Nam si ad conuulsionē, quæ significat cerebri læsionem, accedat corporis reliqui debilitas, æger in maximo vitæ discrimine versatur.

Omnis conuulsio à siccitate lethalis est, nam à priuatione habitus denuò nō recuperatur: siccitas autem quæ conuulsionem parit, priuatio quædam est humo-

humoris alimentarij.

Cubantem oportet inueniri agrum à Medico super latus dextram, aut sinistram, manibus, cernice, aut cruribus parū inflexis, & vniuersum corpus molliter iacens: sic enim sanorum plurimi decumbunt. Optimi verò sunt decubitus sanorum similes: arguunt enim facultatis motricis robur, cuius proprium est corpus mouere, & in loco continere.

Difficilius autem est cubare in latus, quàm supinum. Supinum verò cubare manibus, cervice, & cruribus extensis, minus bonum est: nisi quis sic cubare consueuerit: significatur enim facultatis motricis debilitas.

Quod si procliuius ad pedes de lecto delabatur grauius est, propter facultatis motricis prostrationem.

Gravitas totius corporis, manuum, & pedum mala est. Si verò ad gravitatem linidi accedat digiti, & ungues, in propinquo mors est. Quo enim plures facultates in vitio sunt, eo res ægri peiore sunt loco. Atqui gravitas totius corporis significat motricis facultatis læsionem, proindeque

animalis facultatis. Liuiditas autem extremitatum, mortificationem caloris natiui, atque propterea naturalis facultatis læsionem magnam. Ergo in proximo mors est.

Si verò habeant manus, ceruicem, & crura inaequaliter dispersa, ac nuda, malum est: inquietationem namque significat, & anxietatem, quæ à maligno februm more, ut plurimū proficisci solet, qui est perniciosus.

Lethale est hiantem dormire: hoc enim ostendit animalis facultatis langorem, vel cerebri debilitatem, os comprimere non valentis: vel obstructionem nervorum tertiæ coniugationis. Si verò à consuetudine pendeat, illud non est malum.

Super ventrem cubare eum, qui non ita dormire consuevit, dum esset sanus, delirium significat, aut dolorē partiū, quæ circa vētrē sunt: siquidem ergo hoc fiat citra dolorem, & consuetudinem, significat mentis alienationem. Talis enim decubitus prudentem non decet: cogitur autem nonnunquam ita cubare ob dolorem, quòd

quod talis decubitus sit remedium dolori: aut si non doleat, decentiꝑ est oblitus, propter mentis alienationem. Rogandi ergo, num doleant, aut ita cubare consueuerint?

Velle autem residere vigente morbo, malum est in omni morbo acuto, & potissimum in peripneumonia. Est enim significatio aut delirij extra morbos pectorales (quandoquidem id non conuenit, minimeꝑ decet) aut inquietudinis, aut incendij interiorum partium, à quo respiratio difficilis nascitur. Omnia autem hæc mala censentur: quòd significent animalem facultatem plurimum læsam.

Stridere dentibus in febribus, quibus à puero consuetum non est, maniam aut mortem significat. Verum ex utrisque oportet predicere periculum futurũ. Quod si etiam dilirãti id accadat, valde lethale est. Stridet namque à læsione cerebri magna, nempe ab exsiccatione & incendio, à quo mania nascitur, & aliquãdo mors. Stridor verò dentium motus est conuulsiuus.

De manuum gesticulatione hoc nosse oportet: Quibuscunque in febribus acutis, vel peripneumonia, vel phrenitide, capitisq; doloribus, manus ante faciem feruntur, vel agri venantur festucas, & colligunt, id omne malum, & exitiale est. Nam illa fiunt imaginatione valde læsa, & perturbata, ob magnam læsionem cerebri, qua spiritus perturbantur magnopere. Partis autem principis magna læsio lethalis est, propter facultatem læsam in ea residentem.

Existimare oportet bonam respirationem valde magnam vim habere ad salutem in omnibus morbis acutis, signum enim est integræ facultatis motricis. Non est tamen certa prædictio ex respiratione captanda, nisi laborantis mentem, ac propositum distinxeris: ex Gal. lib. de difficultate respirationis: nam si ex composito, & prudenti, audacem responsionem malam dicat Hippocrates: non tamen audacium huminum, neque talem responsionem solum, sed neque desipientiam ipsam, magnum quidpiam indicare putes. Ita quoque res habet in respiratione: nam delicati, & molles

les in omni opere respirabunt inequaliter, etiam si nihil agant insigne. Laborum verò cupidi, & qui generoso sunt animo, nunquam, nisi deducta ad summam debilitatem virtute, respirationem producent inaequalem.

Respiratio frequens dolorem significat aut inflammationem in partibus, quæ supra septum transversum sunt: in dolore namque illarum partium non potest esse magna respiratio. Etenim cum magna respiratio faciat magnâ distentionem, hæc auget dolorem: quare si defectum magnitudinis velocitate cōpensaret, illud quidem commodum esset, at dolorifica est magna celeritas. Quocirca augetur crebritas qua compensatur defectus magnitudinis, & celeritatis. In inflammatione illarum partium eadem ferè est causa, si cum dolore sit cōiuncta. Ex doloris autem magnitudine, & inflammationis captratur præsagium periculi.

Frigidus respiratus, ex ore, & naso prodiens, valde lethalis est, quia significatur extinctio caloris natiui.

In coacis scribitur, *Lethalis est febrilis, & fuliginosus spiratus, verum minus quā frigidus*: demonstrat namque intus latere incendium, à quo calor natiuus dissipatur.

Desipientie cum risu minus molesta esse solent, quòd sanguinem dominari patefaciant: illæ verò quæ sunt cum studio, & ferocitate, malæ: propter atræ bilis exuperantiam, ex aph. 53. lib. 6.

Quæ paucò tempore feroces fiunt desipientie in ferinas euadunt. Insania vehemētes, lethales sunt, ex Coac. propter magnam, quam referunt, cerebri affectionem, tum quod efficiant ut ægri respiciant omnis generis præsidia, sine quibus vita seruari non potest.

Quæ deliria paulatim transeunt in temeritatem, firma sunt, atque cōuulsionem prænunciant, ex Coac. propter exsiccationem neruorum ab immoderata inflammatione, exhausto humido primigenio partium neruofarum.

In quo morbo somnus delirium sedat, bonum: aph. 2. lib. 2. quæ enim vitijs facultatum remedio sunt, bona existimari debent:

debent: in quo autem laborem affert, malum: aph. i. l. 2. quia quod speratur utile, si præterquàm quòd nihil prodest, etiam noceat, iure exitiale existimandum est.

In composito modestoq; homine ferox responsio, mala. prorrh. Gal. in comm. inquit; Cui enim propriè natura composita est, is non solum cum incòpositus desipit, perniciosam se habere affectionem demonstrat: verùm quoque cum ferocitate respondens prope ad phrenitidem accessit. Cui verò contrà, responsio in feroci natura composita, metus est ne incidat in cataphoram, aut lethargum.

Mente constare, & bene se habere ad illa quæ offeruntur, bonum: illud enim rationis constantis indicium est: ex aph. 33. lib. 2. hoc autem facultatis appetentis robur ostendit.

Si bonis oblatiis cibis ager offendatur, difficilis morbi indicium est: quòd significetur prostratam omnino esse facultatem appetitricem. Omnis autem facultatis prostratio cuiuscunq; sit, mala est.

Cum rigore non cognoscere familiares, malum est, ex lib. i. prorrh. sent. 64.

Malum

Malum quoque obliuio à perfrigeratione, cerebri calore prope extincto.

Faciei color bonus & mœstitia multa, malum: quòd mœstitia illa multa aduri sanguinem in cerebro significet, qui postquam in atrā bilem est cōuersus, ferina mouet deliria, quę mala sūt existimāda

Rigores multi torporem inferentes, maligni sunt : significant enim perfrigeratum esse corpus vniuersum vehemēter cuius intemperie cerebrum afficiatur: vnde illius facultates læduntur.



De longitudine, & breuitate morborum.

C A P. XVII.

OMnes morbi celeres breues solent esse: omnes autem tardi, longi suapte natura sunt: & quòd acutiores sunt morbi, eò breuiiores.

Sudores frigidi cum acuta quidem febre nati, mortem denuntiant: cum mitiore verò diuturnitatem morbi ostendunt, aphorif. 37. lib. 4.

Ibi

Vbi in vniuerso corpore magna mutationes fiunt, ut si totum corpus refrigeretur, & rursus calefiat vicissim, vel color alius ex alio fiat, morbi longitudinem significat, ex aph. 40. lib. 4. significatur enim oppressio ab humoribus crudis, aut corruptis, ad quos fit frequens caloris innati reciprocatio. Quare successio caloris, & frigoris fit in partibus exterioribus corporis, tum etiam coloris.

Aph. 28. lib. 2. scribitur. Corpora eorum qui non omnino leuiter febricitant sibi constare, nec minui, vel plusquam ratio postulat contabescere, aut liquefieri, malum: hoc enim virium imbecillitatem, illud morbi diurnitatem significat. Febris namq; quia est calor præter naturã dissipat humorem primigenium: vnde totius corporis extenuatio, ad quam sequitur debilitas, quòd calor natiuus vnâ cum humore dissoluatur. Cùm verò corpus non extenuatur ardore febrili, in causa est humorum crassities, atque tenacitas, ex quibus morbi longitudo solet oriri,

Auicenn. l. de crisibus scribit: Cũ signa critica antecedunt coctionem, viribus robustis perma-

permanentibus, neque adsunt mortis indicia, morbus futurus est longus; significatur namque copia humorum crudorum, qua stimulata natura cogitur perturbationem criticam, aut symptomaticam moliri ante tempus, quæ morbo finiendo accommodata non est. Quare cum superstes sit morbus, & vires validæ, prorogabitur.

Item cum crisis nec iuuat, nec multum nocet, si morbus talis remaneat qualis erat antea, morbi longitudo expectatur.

Paruæ euacuationes, quæ significant naturæ impulsionem debilem, & imperfectam, dummodo signa mala non adfuerint, morbi longitudinem demonstrant.

XXXXXXXXXXXXXXXXXXXXXXXXXXXX

*An ager sit moriturus,
an euasurus.*

CAP. XVIII.

HOc dignoscitur, inquit Galenus,
 1.3. de crisis, *ex magnitudine morbi, specie illius, more, virium robore, & via longi-*

longitudine, quæ qualitate motus dignoscitur. Magnus namq; morbus in ægro debili, qui longo tempore est duraturus, lethalis censetur: vt paruus in ægro robusto, qui celeriter sit finem habiturus, est salubris.

Quidam morbi sua specie sunt lethales: vt apoplexia, pestis: alij salutes, vt febris tertiana simplex, & ephemera. Mortis ergo in vniuersum signa erunt virium debilitas, cruditas, malignitas, & morbi magnitudo. Nam debilitas coniuncta cum cruditate longū ostendit morbum, Magnitudo autem illius significat naturam esse in itinere defecturam: debile enim corpus magnum pondus longo itinere ferre non potest. Malignitas verò clam naturam labeffectat. Salutis signa superioribus contraria, virium robur, coctio, morbi benignitas, & paruitas.

~~~~~

*Quo tempore sit periturus æger.*

#### CAP. XIX.

**E**X victoria morbi supra naturā non tantum mors præuidetur, sed etiam  
mortis

mortis tempus. Temporis nomine intelligimus vniuersalia morbi tempora principum scilicet, incrementum, statum, & declinationem: tum partes temporis, vt paroxysmorum partes, & diei. Ex quantitate ergo superationis (vt ita loquar) mortis tempus prædici potest: nam si multum excedat morbus naturam, in principio æger morietur: quod vt plurimum accidit in febribus inflammationum partium interiorum, cum subita sit nouæ materiæ ad inflammationem defluxio. Item in morbis malignis, vt in peste & in quib<sup>9</sup> natura debilis superatur nimia humorum copia, vt ignis paruus lignorum multitudine. Si paulò minùs, in incremento, quod solet sæpe accidere in principijs febriū pituitosarum. Pro principio intelligimus ex Auicenna, illud quod est paroxysmi, quod cum aduenit, perfrigeratio longa est, neq; recalescit æger, pulsus eius paruus est, & vermicularis, inciditque in carum. Si adhuc minùs, in statu, vti solet contingere, ex Auicenna, in febre ardente. In declinatione autem vniuersa



vniuersali nemo moritur , nisi ægri vitio, aut Medici , quia morbus à natura superatur , quando ad declinationem ventum est: nisi hoc contingat, ex Auicenna, in variolis, & morbillis. Aduertendum autem duplicem esse declinationem: vnā verā, alterā falsò creditā. Has distinguit potissimū pulsus. Nam in vera declinatione , quæ fit robore naturæ , vehementiores semper sunt pulsus, & magis ordinati, & æquales. In falsa verò debiliores, & magis inordinati, & inæquales.

In declinatione verò particulari, hoc est, paroxysmi, plurimi moriuntur, quòd calor innatus expandatur per vniuersum corpus, cor deferens. Quam ob causam plurimi illorū syncope extinguuntur , subitò, alij sensim. Et vno vt verbo dicam , omnis morbus mortiferus ægrum perimere solet eo tempore, in quo maius est illius robur, supra ægri vires.

=====

*De terminis morborum.*

## CAP. XX.

**F**iniuntur morbi crisi, aut solutione. Criseos futuræ signa petuntur ex morbi magnitudine, coniuncta cum celeritate, anni tempore, ætate, victus ratione, regione, viriūq; robore. Magni namq; morbi, & celeres, in quibus adest viriū robur, reliquis cōsentiētibus crisi sūt finem habituri, quod natura à magnis morbis grauiter molestetur: vnde ad excretionem incitatur. Celeres verò morbi vt plurimum nascūtur ex tenui materia, & calida apta ad expulsionem, nisi in pulmones delabatur: in cuius expectoratione, materiæ mediocris consistentia requiritur. Præterea vires robustæ nituntur expellere quod noxium est, quod expellunt, nisi aliquod impedimentum intercesserit. Quocirca cætera consentiant oportet, vt crisis subsequatur.

Perfectæ crisis signa existunt coctio  
in

in excrementis: significatio in die indice; morbi species salutaris: morbi bonus mos. Coctiones enim crisis securitatem ostendunt.

Præfens verò, & quæ fit crisis perfecta, & bona, iudicatur ex sequentibus signis. Adest in illa excretio materiæ morbificæ, ut si in morbis biliosis biliosa excernantur: in pituitosis, pituitosa. Si euacuatio fiat per locum conveniētem, nempe, è directo partis affectæ, aut per quem convenit, ut in morbis thoracis per expectorationem, neque per partem principem. Omnis namque talis, in eius partis, per quam fit, vel mediocri debilitate, periculo non vacat: si quantitate euacuatio respondeat materiæ excernendæ, quia nullum paucum criticum est, si morbi species fuerit accommodata: quam ob causam intelligendum est, quæ excretiones, quibusque morbis conveniant.

Febris ardens finitur utiliter, sanguinis effluxu, sudore multo, vomitu, excretionem biliosorum humorum per aluum.

Tertiana febris vomitu , excrementis alui biliosis, sudoribus toto corpore manantibus.

Phrenitis terminatur salutariter sudore multo, capitis præsertim.

Lethargus , & peripneumonia non amant sanguinis fluxû: inter ipsas pleuritis medium tenet locum, minùs enim quàm febris ardens, & phrenitis: magis autẽ quàm peripneumonia, & lethargus sanguinis fluxu soluitur.

Lienis , & hepatis inflammationes, solui possunt hæmorrhagia : tum omnes, quæ sunt sub hypocondrijs si è directo fiant: has etiã iuuat sudor bonus.

Hepatis inflammationes si in connexis partibus extiterint, finiuntur salutariter fluxu sanguinis, è nare dextra; bonis sudoribus, & vrinis copiosis potissimùm. Cauarum autem partium excrementis alui biliosis, sudoribus, & vomitibus.

Partes vrinariæ malè affectæ per vrinas expurgantur.

Sudores omnibus febribus conueniunt.

Febres

Febres quotidianæ solvuntur vomitibus, & excrementis alui pituitosis.

Quartanæ atræ bilis excretionē solvuntur.

Semitertianæ, pituitosis, & biliosis excrementis.

Capitis dolores finiuntur parotidibus, id est, tumoribus præter naturam, in emunctorijs cerebri natis. Quæ in superioribus morbis secus contingunt, crises malas, & imperfectas ostendunt.

Crisis præterita, si bona extiterit, hæc signa habet, Affectus præter naturam ablationem, omnium malorum symptomatum cessationem, facultatum omnium in statum meliorem restitutionem. Si aliquid horum defuerit, tantum ab optima crisi deficit, quanta est vis eius quod deficit.

Future crisis imperfectæ indicia sunt, ex Auicenn. cap. 2. lib. de crisi- bus, si adfuerint signa quæ crisin futuram ostendunt aliquo die: ut decimo quarto: & postea contingat illa crisis die undecimo: hæc crisis anticipatio significat illam fore imperfectam: quoniam omnis

H 3 bona

bona crisis debet fieri in die significato. Item crisis, quæ excitatur in incremento, imperfecta est.

Crisis imperfectæ ad salutem indicia perhibentur illa quæ ostendunt naturæ aliquam supra morbum victoriâ. Ad mortem verò ea quæ significant naturam à morbo superari.

Signa crisis permutationis scribit Auicenn. lib. de cris. Si vi morbi, & symptomatis critica moueantur signa specie, id est, similitudine, non re ipsa, ante coctionem morbigenæ materiæ, significatur crisis permutationis futura. Omnis verò crisis permutationis funesta æstimanda est, quæ fit extra diem criticum, nullis antegressis coctionis signis: nascitur namque à natura irritata materiæ malignitate, aut copia: quibus cogitur ante tempus in ægri perniciem expulsiorem moliri. Illa autem laudabilis censeri debet quæ fit ad partes externas, vel saltem ad illas quæ longè à principibus dissitæ sunt, idque post signa coctionis edita. Iudicatur enim satis firmum robur vitium, quo potuit coqui

mate-



**T**emporis nomine intelligere possumus, aut tempus vniuersale morbi, quo pacto omnis crisis perfecta sit in statu: aut diem in quo crisis fit: aut temporis differentiam, vt cum crisin citò aut tardè futuram dicimus.


Status futuri cognitio iam ante declarata est. Citò autem, aut tardè futuram crisin ex ijsdem cognoscimus signis, ex quibus citò, aut tardè futurum statum conijcimus.

Quo autem die crisis fiat, aut futura sit, ex motu morbi, & sequentibus perspicitur. Primò si febris fuerit synoch<sup>9</sup>, idest, continens, nullusq; acciderit error, spectanda est crisis quarto die. Si verò fuerit continua, oportet illius magnitudinem inspicere, & motu: nam si febris fuerit magna, & velociter moueatur, crisis fiet tertio die. si verò nō sit valde magna, neque moueatur celeriter, quinto die. Decimo verò quarto die, si hæc vndecimo die coniuncta reperiuntur, videlicet motus velocitas, febris satis magna, & manifestum coctionis indicium: quæ si nō aparuerint, lon-



longiùs progredietur morbus.

Quando nox præcedens est molesta, atq; post ipsam accessio citiùs inuaserit, cū quibusdam insolitis accidētibus, necesse est in eadē accessione crisin fieri. Ægri verò moriūtur in grauiori, & molestiori tempore ipsius accessionis.



## DE MODO CRISEOS.

### C A P. XXII.

**M**odus Crisis est diuersus : nā alia sine rigore inuadit : alia fit vomitu, alia sudoribus, & alijs pluribus modis. Rigoris futuri signa perhibentur, si præter rationem, idest, absque vlla occasione, aluus supprimatur, aut vrina, vel vtraque simul, tunc propè crisi existente rigorem spectare oportet. Nam ex Hipp. lib. 6. epid. *Ante rigorem vrinarum retentiones si ex commodis processerint consideranda, atq; si vëter percurreris* (nam si aluus flueret præriperetur purgatione alui, rigoris futuri causa). *Et si somni ad fuerint* (nēpe obserum in caput delatū)

H 5 *consi-*

*consideranda & species febris* (an sit ex ardentioribus) *vel fortè qua ex lassitudinibus contingit*, ijs verò rigor magis accidet, si exquisita sit febris incendens. Nā quod incendit biliosum est. Atqui biliosus humor cum violenter mouetur, & pungit partes sensibiles, rigorem excitat.

Signa futuri vomitus sunt oris ventriculi mordicatio vnà cum dolore capitis: vertigines obortæ à vaporibus: agitatio labri inferioris: magnus defluxus tenuis sputi.

Profluuij sanguinis per nares signa existunt fulgores aparentes in oculis, quoniam humor est rubicundus: obtusiones, quia humor in capite, & circa caput est multus, claudens meatus: precordiorum tensio sine dolore, propter sanguinem ascendentem ad eas partes: his adiungēda sunt ætas iuuenelis, verum tempus; tūm faciei saturatus rubor: & venarum intumescencia, quæ circa faciem, & potissimū circa oculos fit.

Excretionum alui signa potissimū  
per

per negationem colliguntur. Nam si non adfuerint signa vomitus, neq, sudoris, aut sanguinis effluxus vel vrinæ, ventris est fluxus expectandus. Tamen Aph. 73. lib. 4. signum colligitur positivum cùm inquit Hipp. *quibus hypochondria suspensa murmurant, lumborum dolore superueniente, his alui humectantur, nisi flatus erumpant, aut urinarum multitudo.*

Obesi vt plurimùm alui fluxu solent terminum morborû, quibus affliguntur, consequi, propter materiæ crassioris copiam.

Sudor futurus præuidetur, si signa vomitus non adfuerint: vrina, aluiusq; suppressa fuerint: magisq; si ægrotantes delirauerint, increscēte accessione, & partes corporis calidiores, rubicundioresq; extiterint, & vapor quidam calidus exierit è corpore, qui prius non aderat. Quòd si præterea pulsus fuerit vndosus, & altus, magis etiam sudores oportet expectare.

His modis criseos potest alius addi, qui fit per fluxum sanguinis dissentericum, vt adnimaduertimus sepe cum  
bonis

bonis ægri rebus, posse autem id fieri probatur: Nā sæpe excitatur crisis per fluxum sanguinis narium; sed commodius est id per intestina fieri, quàm per nares, duplici ratione; prima est, quia nimirum sanguis sit grauis, & Iecur fons sanguinis illis proximum: tamen frequentius est per nares in morbis biliosis, quòd leuitate bilis, sanguis feratur sursum. In melancholicis verò vti plurimum fit per intestina: hanc excretionem dysentericam indicauit Hipp. Aph. 47. lib. 4. cùm scribit, *excretionem liuidas, fætidas, & cruentas si bene exeant, bonas esse: contra verò, malas.* Idem in coacis quibus dolores hypochondrij, oris ventriculi, hepatis, & earum partium, quæ circa umbilicum sunt, excreto sanguine per aluum, seruantur: non excreto, pereunt, & eodem libro pulsationes capitis, & aurium soni, sanguinem è naribus profundunt, & mulieri menstrua deducunt, multo magis, si in spina ardor consequitur, fortasse, & dysenterica profluvia commouentur, & ego expertus sum in Domino d'Esparron, qui cum febre continua sexaginta dierum fuisset

set afflicto dysenterico fluxu critico ea liberatus est, & sanitati pristinae restitutus: tum in mercatore Massiliensi de hortis obseruavi, & in alijs quā plurimis: ex quibus sic colligimus: Si excretionē dysenterica in affectibus supradictis quidā seruetur, oportet illā excretionē criticā esse: nulla enim excretio symptomatica potest remedio esse.

Abcessus morbis superueniēs est modus criseos permutationis. Signa illius ex Gal. c. 11. l. 3. de crisib. sunt aut propria, aut cōmunia. Cōmunia quidē omniū sunt indicia: si salutariter habeat æger, neq; morbus soluitur, neq; vrina multa, multā habens subsidentiā, sed tenuis, & cruda appareat, propter priuationē subsidētiæ, aut hypostasēos: oportet enim ægrū salutariter se habere: nā ad materiæ expulsionem, seu permutationē op<sup>o</sup> est robore naturę: si autē morbo soluatur sēsīm, aut si vrina crassa multā habēs hypostasē excernatur, nullus abcessus expectādus est. Nā *vrina multa crassa, & alba, liberat ab abcessu*, ex Hipp. aph. 74. l. 4. propria verò à Gal. ratione  
loci

loci possunt diuidi in communia loci, & propria: commune illud est, ex Hipp. aph. 32. l. 4. *quibus conualescentibus, è morbis pars aliqua laborat, vel lassitudinem sentit, ibi abscessus fiunt, & futuri sunt.* Est namque signum materiæ iam incipientis delabi in illam partem. Propria verò loci hæc describuntur à Gal. cap. 1. lib. 3. cri. *ubi morbus non fuerit valde diuturnus, si subita respirationis difficultas agroto superuenerit, & mox quiescat, eamq; capitis grauitas, & dolor sequatur, & gravis somnus à repletionem cerebri, aut surditas, hinc in glandibus post aures necesse est abscessum fieri, si verò morbus iamdiu perseuerauerit, atq; nullum ex ijs signum adfuerit, sed in aliquo ex locis inferioribus vel grauitas, vel tēsisio, vel ardor, vel dolor appareat, hinc abscessus ad partes inferiores expectandus.* Requiritur in abscessu futuro ad partes superiores, ne morbus sit valde diuturnus, sed brevis, & acutus, quia tales fiunt ut plurimū à materia calida apta in sublimē efferri. In abscessibus partiū inferiorū requiritur morbi diuturnitas, hi namque magna ex parte solent nasci, ex mate-

ria

ria frigida, & crassa, magna ex parte quæ suapte natura deorsum tendere solet.

Permutatio nonnunquam fit in alia symptomata, quàm abscessus, ut in dolores partium, in conuulsiones, & alia multa. Conuulsionis futuræ signa describuntur ab Hipp. sent. 34. lib. 3. progn. *pueris conuulsiones accidunt, si febris acuta fuerit, nec aluus deiecerit, ac vigilant. paueant, lugeant, colorem mutant, viridem, aut liuidum, aut rubicundum trahant: hæc igitur nuperrimè editis pueris accidunt ad septimum vsque annum: prouectioribus autem,* ex Gal, in sententiam illius commentarij, *hæc signa indicabunt conuulsionem futuram quæ maximè per phrenitides difficiliores existunt: sed potissimum si partes in vultu peruertantur, aut dentes strideant præter consuetudinem: aut oculi crebrò moveantur, aut peruertantur: quibus Auic. addit dentium pruritus.*

Idem autor lib. de crisib. scribit *pregnantes sæpe per abortum crisim pati.* Verum abortus crisis dici non potest: nam in crisi, materia morbifica excernitur,

& ex-

& pellitur ad partem aliquam corporis. At fœtus, qui abortu expellitur non est materia morbifica: ergo crisis per illum abortum fieri non potest. Ad hæc fœtus illa expulsio non est critica, sed potius symptomatica.

Præter hos modos anno 1598. Autumno post febres duplices tertianas obseruavi in religioso quodam viro, & in quodam Coriario Aquisi fluxum materiæ pituitosæ per os, vt solet excitari in ijs qui hydrargiri litu solent curari: hunc fluxum antecesserunt dolores capitis, tumor partium illius, inflammatio partium oris inferiorum: tãdem subsequutus est fluxus materiæ albæ viscidæ corrodetis partes internas oris, superauit ille fluxus spatiũ quindecim dierum, & eo pacto curati fuerunt.



*De futuris recidiuis.*

CAP. XXIII.

**F**Vturæ recidiuæ signa sunt ea quæ materiam morbificam relictam esse  
in



in corpore, significât. *Nam quæ relinquuntur post morbos, ex Hip. recidivas facere solent*: Ciborum satis larga quantitas sumpta sine fructu ex aph. 8. lib. 2. *Si à morbo cibum assumens, inquit, corpus non proficiat, malum, quia expectatur recidiva futura.*

Materiæ autem præter naturam relictæ signa sunt, æstus, corporis pondus, ipsius inquietudo, & sitis.

Sunt, & alia futuræ recidivæ signa, nempe si nondū maturatæ materiæ fiat excretio, siue abcessus. Si diebus non criticis excretio, aut abcessus commoveatur. Præterea ex Gal. cap. 10. lib. primi de diebus decretorijs, *qui morbi cessant sine copiosa excretionem, aut abcessu insigni, in ijs recidiva metuenda est*, si oris flatus præter consuetudinem malè oleat.

Coniectura etiam capitur ex specie morbi. Sunt enim quædam febres natæ ex viscidis, & crassis humoribus, quæ solent reuerti. Quicumque morbus sine bonis signis subitò cessat, ferè semper reuertitur.

Autumnus recidiuis est accommo-

I

datus,

130 METHOD. PRÆDIC. IN MORB.  
datus, de quibus cum acciderint ita  
prædicendum est: Quælibet recidiva  
eò tutior est, quò leuiore fuerit subse-  
quuta causas, habueritq; mitiora sym-  
ptomata. Omniū autem tutissima est,  
quæ deprauatam victus cōsuetudinem  
agnoscit, & quò citiùs morbus reuertit-  
tur, & quò vires infirmiores sunt, eò  
ægri peiore sunt loco.





LIBER TERTIVS.

DE METHODO  
*curandi morbos.*

PARS PRIMA.

*De indicatione in genere.*

CAP. I.

**S**UPERIORA pertinebant ad ea cognoscenda, quæ in morbis reperiuntur: tum ad illa prædicenda, quæ in morbis contingunt. Nunc dicendum de curatione, quæ describi potest, Commoda remediorum administratio ad curandum. Hæc consistit in rebus non naturalibus administrandis aëre, potu, cibo, & cæteris eiusdem generis, Pharmacia, & Chirurgia. Commoda verò administratio dicitur, quæ fit per indicationes methodo dispositas: quæ methodus pendet ex quibus-

busdam regulis, secundum quas ordo in remedijs instituitur: de quibus postea agemus.

Indicata quæ deducuntur per indicationes ab indicantibus, sunt gradus ordinis, & methodi. Indicatio ex Gal. cap.7.lib.2.meth.medendi,dicitur Demonstratio, siue insinuatio rei agendæ. Indicatione verò inuenire, est ab ipsa rei natura ordiri, atq; ab ipso quod sequens est, citra experientiam inuenire per rationem,& indicationem. Indicantia verò sunt veluti loci,ex quibus eruntur argumenta. Indicata sunt intentiones siue scopi. Atq; vt locorum perhibentur axiomata quædam, ita indicantium sunt regulæ quædam generales:quales feruntur præcipuæ, Contrariorum contraria sunt remedia. & Naturalia similibus conseruanda sunt.

Scopi in medendo fines sunt peculiare ex cap.3.lib.3 method.medend. Generalis autem scopus est sanitatis restitutio,aut conseruatio: atque vt fines in vniuersum medijs quibusdam acquiruntur: ita Medicorum scopi & intentiones

tionones remedijs, quæ media quædam sunt, ad illos acquirendos, ex cap. 7. li. 2. Remedium verò appellatur quidquid commodè applicatur corpori ad sanandum, siue illud fuerit medicamentum, vel res non naturalis; aut operatio chirurgica.

Progrediuntur ergo hoc modo Medici, vt ab indicantibus per indicationes deducant scopos, fines, & intentiones. Quibus inuentis, & positis retrocedant ad media: vt morbus calidus indicat refrigerantia, diſtante norma: Contraria contrarijs curari. Quocirca remedia refrigerantia sunt quærenda. In quo! adnimaſuertendum eſt remedij genus, siue intentionem à præcipuè indicantibus trahi. Modum autem ipſius remedij, ab alijs quæ indicantia præcipuè comitatur. Conſiſtit autem is modus in eius quantitate, conſiſtentia, forma, exhibendi modo, & agendi. Intelligendum eſt itaque indicantia in vniuerſum eſſe res naturales, nō naturales, & præter naturam. Præterea præcipuè indicantia in illis dici, quæ indicant cō-

134 METHODVS CVRANDI  
triorum appositionem aut similiū.  
Cætera minùs præcipuè indicare dicū-  
tur, quæ à quibusdam coindicantia di-  
cuntur, qualia sunt morbi magnitudo,  
partis affectæ substantia, consistentia,  
sensus partis, & cætera id genus.

Scopo per indicationes constituto  
inveniuntur remedia pluribus modis:  
alia namq; sensu, vt glacies frigida iu-  
dicatur tactu: & alia omnia quæ actu  
talìa sunt, qualia esse dicuntur. Alia ra-  
tionis discursu, quæ talia potestate esse  
dicuntur, vt piper calidum, pyrhetrum,  
nux moscata: in quibus, ex qualitatibus  
sensu perceptis, colligimus eorum fa-  
cultatem, vt piper calidum potestate  
esse dicitur, quod sit acre: rhabbarbū  
quia amarum, & omnia amara sunt ca-  
lida: quæ talia sunt supra mediocrem  
gradum caloris. Aut nostra, vel maiorū  
experientia: qualia sunt quæ potestate  
occulta possunt operari, vt sene, rha-  
barbarum, turbith. His modis potest  
addi fortuna, vt ex illa historia potest  
intelligi, quæ legitur apud Gal. lib. quos  
quando, & quomodo, vel quibus pur-  
gare

gare oportet, de rustico illo, qui nactus erat herbam fugentem sanguinem, qua postea est abusus in trucidando inimico.

Præcipuæ indicationes ducuntur à morbi causa, & à partis affectæ natura; quorum illud per contraria abigi postulat: hoc verò per similia conservari exigit.

Symptoma, etsi res sit contra naturam, propriè tamen non indicat, quia quod per se curationem non postulat, propriè non indicat. At symptoma curatur ad curationem causæ morbi. Ergo non primò, & per se symptoma indicat, licet per accidens curationem ad se còvertat, cum scilicet magis vrget, id est quando maius periculum infert quàm causa morbi. Causa ergo morbi curationem per contrarium moliendâ esse significat, licet non rarò per accidens similia similibus curentur, vt Tetanus in iuvene carnoso, & bene habito, affusione aquæ frigidæ curatur.

Causæ procatarticæ non indicant, non tâtum in futuris morbis, sed etiam in præsentibus. Causa verò coniuncta

136 METHODVS CVRANDI.  
præcipuè indicat.

Alia præcipua indicatio sumitur à temperamento partis, vel totius corporis, quod indicat sui conseruationem per similia, etiam si temperamentū deflectat à naturali constitutione. Vitiosum namque temperamentum, tanquam rem consuetam, iubet conseruare Gal. lib. II. meth. medendi. Præter primariam indicationem potest etiam temperamentum modum remedij in quantitate demonstrare: temperies enim iuncta cum morbo, aut causa morbi, contrarietatis mensuram præfinire potest. Nam morbus calidus in temperamento frigido, non æquè remedia frigida postulat atque in temperamento calido: & ita in cæteris temperamentorum generibus obseruandum est. Notanda illa sententia Hipp. 6. epidemio. *Sūma curationis ex natura egrotantis à prima generatione notitia pendet.* Naturę nomine intelligit temperamentum.

Nunc dicamus de alijs quæ minùs præcipuè indicare, siue coindicare dicuntur, à quibus sumitur modus remedij.



dij. Annexa morbo sunt, morbi magnitudo, mos morbi, motus, & tempora. Magnitudo magnitudinem remedij indicat, quod intellexit Hipp. aph. 6. lib. 1. *extremis morbis extrema debentur remedia*. Malignitas indicat alexiteriam remedij qualitatem. Motus morbi indicat victum tenuem, aut plenum. Morbi tempora modum victus in quantitate, de quibus fusiùs sequenti cap.

Partem affectam comitantur conformatio, situs, præstantia, sensus, consistèntia illius. Conformatio indicat mensuram quantitatis remedij, & euacuandi modum: *partes namq̃ omnes, quæ neutra ex parte cavitates habet, quibus superfluum fluxionem excipiant, vehementer sunt exciccanda, etsi natura vehemèter fuerint sicca, quales sunt nervi, artuum præsertim. Quæ verò tã extra quã intra se nõnihil fluxionis excipere possunt, ut sunt omnia fere viscera, vehemèter siccantibus nõ egent, præsertim si fungosa eorũ caro sit, qualis est pulmonis, qui etiã infra se latas arterias habet, & extra se pectoris capacitatẽ. Quæ ergò rara sunt, ut*

*pulmo facile, nisi aliud impediatur, quæ verò  
dēsa, ut renes, & iecur, agrè foras humorem  
fundunt: atq; ubi coierint partis raritas, &  
vtrinq; spacia, quæ recipere possint humorem  
influentem, leuiter exsiccantibus vtendum.  
Vbi verò neutra parte sunt spatia, & par-  
tis dura densaque est substantia, ut in ner-  
uo, vehemēter exsiccantibus est opus, quod si  
alterutrum tantum est opus, mediocriter ex-  
siccandum. Ex quorum exemplo de cæ-  
teris est iudicandum.*

In euacuando formatio, siue figura  
partis coindicat siue indicat modum  
euacuationis, nam vētriculus vomitu,  
ob conformationem: intestina de-  
iectione: pulmo excretionē, caput e-  
munctionibus, apophegmatisms siue  
masticatoriis tantum euacuari postu-  
lat: atque eodem pacto de cæteris ceu-  
sendum.

Situs partis affectæ indicant vim &  
quantitatem remedij. Nam si pars sit  
superficialis, non est opus tanta calefa-  
ctione, quanta, dum profunda. Id enim  
quod per multa corporis intermedia mem-  
bra transiens, ad locum affectum peruentu-

*rum est, vires robustas habeat oportet: neq;* tantum id intelligendum, de remediis quæ extrinsecus applicantur, sed & de internis. Nam quæ ad pulmones mittuntur, nisi lambendo in illos decidant, maiore robore egent, quàm quæ ad iecur: quòd iter sit longius.

Situs partis consideratio maximè cōfert ad reuulsionem, & deriuationem. Nam reuulsio fit ad partem cōtrariam & longinquam, & consentientem recto tramite, nō mathematico, sed naturali nimirum secundum fibras, & filamenta venarum. Derivatio verò per proximā, & consentientem partem debet fieri. Indicat ergo situs partis qua parte sit euacuandum.

Partis etiam præstantia, aut nobilitas indicat remedij quantitatem. Nam si pars præstans, & ignobilis, eadem magnitudine morbi detineatur, etsi morbi eadem magnitudo, eandem remedij magnitudinem requirat in vtriusq;, ratione tamen præstantiæ partis affectæ ad vitæ conseruationem fabricatæ, mitiora semper sunt adhibenda remedia, quæ

quæ etiam corroborandi quadam facultate sint prædita. *Perpetuum namq; est in curatione partium principum, & earum quæ à communi munere officiales dicuntur, ut corroborantia vsurpentur medicamenta, vi astrictoria prædita.* Priuatis autē partibus, & ignobilibus, non est adhibenda tantâ corroboratio, quòd publico officio non seruiant.

A consistentia etiam partis ducitur indicatio. Nam si pars affecta sit maxime dura, medicamenta vehementiora possunt adhiberi. Molior verò mitiora medicamenta postulat.

Natura etiam partis peculiâris indicat. Ob id enim cū medicamentis miscemus ea, quæ à proprietate, & similitudine naturæ habet vim ducendi medicamentum ad locum affectû, qualia sunt cephalica, iecoralia, & alia.

Si pars est calida, & humida, quòd sit maxime obnoxia putredini, indicatur medicamentû putredini resistens.

Sensus acutus, aut hebes partis suam inuehit indicationem; Nam ex Gal. ad Glauc. & capite 7. lib. 4. merh. med. quæ  
infi-

infigniter sentiunt, acria medicamenta non ferunt, nec humores acres, ut stomachus, & oculi. Partes verò quæ hebetioris sunt sensus, mordicantia medicamenta ferunt faciliè.

A viribus ægri sumpta indicatio curationem non monstrat ex Gal. 9. meth. medendi cap. 13. *Cum ex numero curatricium non sit indicationū sed, ut sic dicā, vitalium. Nam neq; ut valemus, neque ut à morbo liberemur, ab illis quicquam primum desumimus, sed ut viuamus. Quamuis ex accidenti interdum virtutis robur ad affectus curationem cōducatur: atque adeò saepe est necessarium, ut quæ circa ægrum administrantur, omnia fermè eius unius causa fiant.* Indicant autem semper vires sui custodiam, sine qua vita permanere nō potest. Conseruātur verò similibus iuantibus, & corroborantibus.

Ab aëre ambiente desumitur indicatio: siquidem morbo fauceat, medicamēti cōtrarij maiore quantitatē exhibendā suadet: si cōtrarietur, minorem. Atq; præsertim in sanguine mittendo est habenda ratio aëris: Nā vrgēte calore,

lore, cum dissipentur vires, parua quantitate detrahendus est: frigore verò vigente, maiore. Nomine autem Aëris intelligimus ea omnia quę diuersis Aëris qualitatibus prædita sunt, nimirum locum habitationis, regionem, anni tēpus, cœli statum.

Aetas, & consuetudo, tum natura peculiaris, iudicant sui cōseruationem per similia, & reuocantur ad temperamentum: de consuetudine autem ita Hipp. part. 8. lib. 6. *epid. expēdendum qualis dum bene valemus consuetudo sit in viētū, tegumentis, laboribus, somno, venereis & mente*, quibus aliquid indulgēdum esse intelligi pot. est. ex aph. 17. lib. 1.

Contraindicantia sunt quę contraindicāt aut cōtrario modo, ex 13. meth. med. Vt morbus omnis, & eius causa sui remotionem & ablationem à corpore indicant. At si vires fuerint debiles, quę insignem euacuationem ferre non possunt, cōtra indicant. Vel si causa morbi indicet sui ablationem: & vires sui cōseruationem. Verum exemplum contraindicantium fingi potest  
hoc

hoc modo, Si iecur phlegmone laboret, fitque in statu phlegmone, certum est ei deberi discutientia medicamenta; Verū partis ipsius natura cū sit princeps, roborantibus indiget, quæ astringentia sunt. Atqui astringere, & resolvere contraria sunt. Ergo in hoc affectu erunt verè contraindicatoria.



*De curatione, per victus  
rationem.*

C A P. II.

**V**ictus ratio est, Commoda rerum non naturalium administratio ad sanitatem, conseruandam, aut ad morbum curandum. Quæ ratio victus licet videatur tantū cibi, & potus commodam exhibitionem significare, tamen à Medicis usurpatur pro administratione sex rerum non naturalium. Ea duplex est, vna sanorum, quæ vocatur ratio tuendæ sanitatis. Altera ægrorum, quæ dicitur curatio per res nō naturales procurata: quæ Pharmacix, & Chirurgix in

in multis præfertur. Nam Chirurgia nõ  
 vtimur nisi in summa necessitate: Phar-  
 macia verò nisi turgente materia, aut  
 cocta, ex Hipp. 1. apho. 22. At victus ra-  
 tione in omnibus vtendum est semper.  
 Præterea reliquæ partes, sine hac inuti-  
 les sunt. Hæc autem sola persæpe mor-  
 bos sanare potest. Ergo potior cæteris  
 his rationibus debet existimari. Res ve-  
 rò non naturales sunt, vt diximus suo  
 capite, aër, cibus, potus, somnus, vigi-  
 lia, motus, quies, animi pathemata, ina-  
 nitio, & repletio seu supressio excre-  
 mentorum. Et quoniam in earum rerû,  
 & medicamentorum administratione  
 sæpe mutationes fiunt, de mutatione in  
 illis facta, tanquàm de generali re, &  
 notatu digna, hoc loco nobis est agendû

Omnis mutatio repentina, vitanda.  
 Neque tantûm hoc cauendum, sed etiã  
 apprimè videndum, inquit Hipp. lib. de  
 humoribus, *ex quibus in qua mutationes  
 fiant.* Nam eodẽ lib. & 1. lib. aph. 3. *muta-  
 tiones potissimûm morbos pariunt, præci-  
 puè autem maxima, & in temporibus ma-  
 gna mutationes caloris, & frigoris.* At ar-  
 gumen-



gumentādo à contrarijs in l. de humoribus, subdit *quedā sensim progressum faciunt, atque huiusmodi tempora sunt securissima, sic etiam diata & frigus, & calor maximè progressu sensim factō.* Et ut confirmet exemplo naturalis progressus, subdit, *itemque etates ita commutantur, scilicet lēto gradu, nō violentia.* Et aph. 51. l. 2. *plurimum, & repēte vacuare, vel replere, vel calefacere, vel refrigerare, vel quouis alio modo corpus mouere, periculosū, quoniā omne nimium natura inimicum est: sed quod paulatim fit, tutum.* Ergo mutationes repentinæ, & magnę malę sūt, non tantū in sanis, sed etiam in ægris.

Quantū autem sit formidanda repentina mutatio in victus ratione quilibet cognoscere potest ex Philonis filii historia lib. i. epid. descripta: *Cui cum copiosa sanguinis ē naribus accidisset eruptio, qua sanari debuisset, ut alij seruati crant, quibus eo statu aliqua excretio contigisset, quia tamen intempestiuus cœnauit septimo die obiit.* Mutatio autem fit (ut ait Gal. in illo comm. de humoribus) in quatuor rebus, ut pote in *admotis, in eductis, in his*

K

que

*qua fiunt, & extrinsecus incidunt.* Quæ ad-  
mouentur, sunt potus, cibi, & medica-  
menta, quæ vorantur: itemque aër, quæ  
respiratione ducimus. Ea quæ fiūt sunt  
fictiones, deambulationes, gestationes,  
equitationes, & omnes motus. Quæ  
extrinsecus accidunt sunt balnea, vn-  
ctiones, & alia remedia extrinseca, vt  
cataplasmata, emplastra, fomenta, &  
cætera similia. Educuntur autem aut  
excrementa, aut corporis aliqua sub-  
stantia. In his omnibus mutatio repen-  
tina, & violenta pessima est.

In aëre considerantur substantia,  
qualitas, & consistentia. Tota aëris ad-  
ministratio in morbis, vt reliquarum  
rerum non naturalium, hac communi  
regula indicationum nititur, Contra-  
riorum contraria sunt remedia. Quare  
aër debet eligi contrarius morbo, vt si  
quis calido afficiatur morbo, quærendus  
est aër frigidus; qui si talis natura non  
extiterit, arte est præparandus, vt pote  
aqua, rosis, floribus, herbis frigidis, &  
alijs similibus. In affectu frigido est quæ-  
rendus aër calidus aut natura, aut arte,

vt-

vt-pote igne luculento, suffumigijs, & aromatibus.

Aër ratione substantiæ dicitur putridus, infectus, qui omnino fugiendus est. Aëris consistētia tenuis est, vel crassa. Eligendus est in consistentia, affectui contrarius: vt si affectus à crassis humoribus proficiatur, æger erit collocandus in tenui aëre. Si verò ex tenuibus, aër quodammodo crassus proderit.

Somnus semper humectat, aliquando calefacit, cum pituitosos humores coquendo, & in sanguinem laudabilem vertendo, auget insitum calorem. Refrigerat etiam extinguendo calorem febrilem, vt probari potest ex 2. aph. lib. 2, *ubi somnus deliriū sedat, bonum.* Quare si coquendi sunt humores, & ardor febrilis extinguendus, somnus est cōcilian-  
dus.

Gal. cō. in aph. 67. l. 4. scribit. *in febrib⁹ semper nocere somnum, nisi ratione concoctionis plus afferat utilitatis, quàm damni, quod ex motu ad interiora proficiscitur.* Vt febricitans debilis, cui dati sunt cibi, dormire debet. Nam maius emolumentum

tum ex coctione quæ fit per somnum, consequitur ad vires restaurandas, quàm sit detrimentum, quod sequitur ex fluxu humorum morbificorum ad partes internas. Maius autem bonum semper est anteponendum minori.

Dum inflammantur internæ partes somnus non est permittendus, quia in somno confluunt humores morbifici ad viscera, & ideo augentur inflammationes. Idque præcipuè est intelligendum cum fluxiones fiunt. Nam postquam fluxio facta est, somnus iuvat coctionem, & vires restaurat. Præterea quando materia venenosa, & maligna fertur ad partes internas somnus est prohibendus ut in peste. Ob eandem rationem in principio & ante principium accessionis somnus nocet. Qui verò somnus capitur in alijs accessionum temporibus, ut plurimum est utilis, & maximè in declinatione. Dùm verò somni nocent, minùs sunt exitiales in statu, & incremento, quàm in principio. Cum verò nocent in declinatione, sunt perniciosissimi: quia quo tempore aliquid censetur

setur vtile, si præterquam quod non iuat, etiam noceat, iure exitiale, & perniciosum existimari debet. Cognoscitur autem nocumentum, quando laborem affert: nam ex aph. 1. lib. 2. *Somnus qui laborem affert, malus atq; lethalis.*

Vigilię siccant, humorem dissipando, & spiritus. Nam vigilando actiones sensus, & partium corporis exercentur, quæ indigent spiritu, & calore, quorum fit continua dissipatio. Humores proinde diminuuntur, & siccantur: quin etiam corpus refrigerant, quia dissipant calorem innatum, & humorem radicalem eius pabulum.

Vigiliæ ijs omnibus conueniunt, quibus somnus nocet, vt pote laborantibus alicuius partis internæ inflammatione. Item ijs, qui incipiunt febrere.

*Vigilia, & somnus utraq; si modum excesserint, malum,* ex aph. 3. lib. 2.

Motus corporis mediocris calefacit, & siccatur attenuando humores, si excesserit refrigerat dissipando spiritus, & calorem.

Otium, & quies refrigerant, & hume-

stant. Nam per quietem generantur multi humores, & cumulantur excrementa, quæ suffocant calorem naturalem. Vnde sequitur refrigeratio, ex Gal. 4. apho. comment. 13. Quare in morbis frigidis, & humidis oportet corpora mouere: in calidis verò quiescendum, ne maior producat calor.

Animi mores varias produunt affectiones in nostro corpore: lætitia moderata spiritus recreat, calorem nativum augeat, & eundem ad superficiem corporis extimam reuocat. Quare cum est opus illis effectis, lætitia concilianda est: quibus autem concilietur ab oratoribus ediscendum est. Lætitia nocet in hæmorrhagia, prodest in animi deliquio ad spiritus excitandos. Immoderata lætitia nocet, quia spiritus dissipat, & foras euocat.

Mœstitia contrarios effectus producit. Metus intrò reuocat calorem, & spiritum, & sanguinem, qua de causa timētes palleſcunt. Quocirca metus fluxui sanguinis confert, reuocando spiritum, & sanguinem intrò.

Victus

Viētus ratio potissimū consistit in alimentis consuetis, vt carnibus, iusculis, ptisana, vino, & alijs. *Eius scopus* (inquit Gal. ad sent. 44. lib. I. de ratione viētus in morbis acutis) *est, tum in sanis, tū in aegris, facultatis vitalis custodia*, præcipuè nempe. Nam alimentorum substantia ; nutriendo ; corporis reparat vires omnes, & potissimū vitalem facultatem. Qualitates verò alimentorum variè corpus alterant.

Viētus ratio antiquorum ab ea , quajjs temporibus vtimur , valde diuersa est, ægrorum obsequio, substantia ciborum, qualitate, & imprudentia assistentium. Nam ægri hoc tempore Medicis malè obsecundant ; & muliercularum, siue assistentium omne studium est in ægro ingurgitando: putāt enim ægrum vim morbi non posse sufferre , nisi largè, & liberaliter nutriatur. Subinde obijcientes Medicis, non posse tam parua iusculorum copia ægros sustentari, quæ tamen illos ita onerant vt saltem morbos in longum producant tempus ; & non rarò illos ad exitium præcipitent.

Antiqui ægrotis præscribent hy-  
dromel, oxymel, ptisanā, cremorē ptis-  
anę. Nos autē imperamus iuscula cum  
carnibus, aut solis, aut adiunctis herbis,  
feminib⁹, radicibus instituto nostro ac-  
cōmodatis: aut hordeata, vel lac amig-  
dalarū, aut panatam, & alia huiusmodi.  
Quę vi&⁹ ratio forsā antiquę nō cedit.

Primò quòd iam constitutum sit,  
mutationes magnas periculosas esse.  
At magna est mutatio, è cibis solidis, &  
iusculis carniū, in melicratum, oxymel,  
& ptisanam. Deinde si ex Hipp. in aph.  
49.1.2. *Consuetudine exercitia facilius ferantur,*  
*certè cibi assueti minus molesti esse solent, na-*  
*turaque magis familiares.* Et idem Hipp.  
in lib. de internis affectionibus scribit,  
*qui sanitatis tempore parum edere consue-*  
*uerunt, is etiam per morbos dandus est ci-*  
*bis paucius.* Quare nobis satius est nu-  
trire ægros cibis consuetis, quàm non  
consuetis. Hydromel parum nutrit, in-  
cidit, attenuat: quare maximè conuenit  
in morbis, quibus est intentio attenuā-  
di, & incidendi, vt medicamentum po-  
tiùs, quàm vt alimentum.

Iusculum pulli est exigui nutrimen-



ti, cum quo possumus adiungere herbas, & radices scopo nostro fauentes. Idemque præstabimus consueto cibo, neq; ad nauseam prouocante cum maiore ægri vtilitate. Neq; sunt imitandi morosi Medici, qui ægrotis nihil porrigere studēt, quod sapiat palato, ōnemq; propè varietatē ciborū auersantur, Gal. prorsus aduersātes: qui etiam ægris iusculū album piscium exhibendum cēset cap. 30. li de alimentis. Fiebat autem ex optimis piscib<sup>9</sup> in aqua coctis primūm, deīde additis oleo, anetho, porro, & sale.

In cibis exhibendis spectamus substantiam, ciborum copiam, qualitatem, tēpus exhibēdi, & numerū exhibitionū quorū omniū vsus præscribitur ex ijs, quæ postea dicem<sup>9</sup>. Supponam<sup>9</sup> interea

Morbos omnes, aut esse longos, aut esse acutos: item victus rationē triplicem esse. Tenuē, plenam & mediam ex Gal. comment. in aphorif. 4. lib. 1. Tenuis tres gradus obtinet: est enim tenuis simpliciter, aut tenuior, aut tenuissima. Plena est quæ multūm nutrit: tenuis, quæ parūm: tenuissima quæ

K 5 om-

omnino nihil: media quæ mediocriter. Mera inedia est vteridum cùm purgamus, & vires sunt robustæ. Nam cibus impedit medicamento operationem. Item cùm dolor est sedandus, & quando morbus est acutissim<sup>9</sup>, præterquam in malignis morbis, in quibus sæpe cibus est exhibendus, quo malignitas causæ retundatur, & spiritus qui vehementer dissipantur possint reparari. Ad hæc quâdo omnibus salutaribus signis quarto die morbus est finem habiturus.

In accessionibus nihil est dandum, id est, secundum Hollerium, in principio accessionis: sed in incremento, & statu si fuerit necesse: huius autem propositi ratio est, ne naturæ reuocetur à pugna, quam cum morbo committit. Tum quia cibus, à materia morbifica corrumpetur, vnde morbus incrementum reciperet. Quare ante accessione aut exacerbationem dandus est cibus tantumque spatium est relinquendum, quantum sufficere videtur ad concoctionem, & distributionem cibi exhibiti: aut expectanda est accessionis declina-

clinatio, ne protrahatur accessio. Habenda tamen est ratio virium. Nam si oris ventriculi adfuerit debilitas, & biliosa eiusdem dispositio, aut habitudo corporis facile dissipabilis ob nimiam raritatem cutis, cum humorum tenuitate, & caliditate coniunctam, tunc temporis cibus poterit omni tempore accessionis exhiberi.

*Victus tenuis, & exquisitus in morbis quidem diuturnis, omnino est periculosus, ex aph. 4. lib. 1. quia æger integris viribus tunc cogetur largiore manu cibum capere, cum minimè est opus; minimeq; decet: nam ciborum largiore usu, natura reuocabitur à pugna quam cum morbo agreditur, neque potest duobus superandis par esse. Satiùs ergo est in morbis longis pleniore uti cibo. In acutis autem tenuis victus ratio non semper probatur, quòd indicatur ex viribus ægri, ex aph. 9. lib. 1. Nam si languidæ fuerint vires, & morbus acutus pleniori est victu utendum, si robustæ, tenuiori.*

Consuetudo ægri non est negligenda, &

da, & eius natura peculiaris, ex Hipp. & Galeno in aphorif. Sunt enim quidam eius naturæ, qui nisi largiùs nutriantur malè habent, quales sunt voraces, calidæ naturæ, & facilè dissipabilis. *In summa, melius est peccare plenius nutriendo, quàm parcius*, modo nō excedamùs ex ap. 5. l. 1. quia facilior est mutatio à labore ad quietē, quā à quiete ad laborem. Principio ergo egri largiùs sūt nutriēdi

Victus ratio in quantitate etiam, ex distantia & propinquitate status morbi constituitur. Nam si longiùs absit, plenior est victus ratio instituenda: si propinquior, tenuior, ex aph. 10. lib. 1. Hoc autem perspicitur ex celeritate, & tarditate motus, de qua dictū est, & legitur aph. 12. lib. 1. ex morbi specie, anni tempore, periodorū proportionis obseruatione, & ex signis epiphænomenis.

A tempore morbi ducitur indicatio quantitatis alimenti. Inquit enim Hip. initio lib. de victus ratione in morbis acutis, *inter initia neque multam, neq; crassam admodum dare oportet ptisanam, sed quantum ob cōsuetudinem, & ne multa va-*  
*forum*

*forum fiat inanitio ingerere conuenit, quod tamē videtur repugnare aph. 5. li. 1. cū scribit. Hipp. in tenui victu egri peccant. Gal. comm. in locum citatum Hipp. explicat illam sententiam, quod à multa & subita tum repletionē, tum euacuatione sit semper abstinēdum, vt constat ex aph. 50. lib. 2. Omne nimium natura inimicum: quod enim paulatim fit tutū est, tū alias cū maxime ubi ab altero ad alterum fit transitus. Atqui in exhibitione ptisanæ fit mutatio à solidis cibis ad insolidos. Ergo rationi consona est Hipp. sententia.*

Sorbtionis verò quantitatem hoc præfinit modo, *si morbus, inquit, fuerit siccior quàm quis existimet, id est (vt interpretatur. Gal. in comm. illius sententiæ) si nihil ex partibus male affectis excernatur, vt ex pectore per sputum: ex iecore, & partibus ventris imi per secesum, & per vrinas: ex capite per mucū, & saliuam: non oportet multum dare, sed ante sorbtionem nimirum ptisanam, vel mulsā, vel vinū. & quod magis congruat propinare conuenit.* Explicat autē exēplo speciali, propositionē vniuersalē suo more,  
hoc

hoc modo. Si os *madefiat*, & *quæ à pulmo-*  
*ne expuuntur sint, qualia esse oportet*, id est  
*cocta, est necesse augere quantitatem sor-*  
*bitionis*, ut in *summa dicatur*: nam *quæ ci-*  
*tius, & magis madescunt celeritatis indica-*  
*tionem significant*: *quæ verò tardius, & mi-*  
*nus, tardiore*, quæ videntur contraria  
 illis quæ iam explicata sunt, ut scilicet  
 cum status breui futurus est, utamur te-  
 tenuiori victus ratione; verum id qui-  
 quidem est, cum natura existit robusta  
 ad exequenda ea, quæ salutaria sunt  
 præstanda. Verum in morbo proposito  
 cum multa excerni debeant, opus est  
 robore naturæ, quod augetur exhibi-  
 tione maiore alimentorum, habita ra-  
 tione virium. Adde quòd ptisana expe-  
 ctoratū promoueat. Ergo in siccis mor-  
 bis, in quibus tantis viribus non est  
 opus, cum nihil exernatur, proindeque  
 minor sit labor, non est opus tanta quā-  
 titate alimenti: item quòd in omni ex-  
 cretione quædam fiat virium deiectionis,  
 quæ est reparanda alimento copiosio-  
 re: ex quibus sequitur ut quantò copio-  
 sior fuerit expurgatio tantò plus ad iu-  
 dica-

dicationem vsque dare oporteat.

Ab ætate sumitur etiam indicatio, ex Hipp.apho. 13. lib. 1. *Nam senes crudi facilius ieiunium ferunt, id est, tenuem victus rationem, quam decrepiti, secundum eos, qui ætatem degunt confiscentem; minùs adolescentuli; omnium verò minimè pueri, propter abundantiam caloris innati, atque inter illos, qui acriori ingenio sunt præditi.*

Ab anni tempore sumitur alia indicatio: *Nam hyeme, & vere, quia ventres sunt calidiores, plenior est utendum cibo, quàm æstate, & autumno.* ex aph. 14. lib. 1. At Auicennas fen. 1. lib. 4. scribit, ægro-  
tantes hyeme iure, ac meritò parciore cibo alendos esse, tùm quia minor sit eo tempore spirituum dissolutio, stipatis poris ob aërem frigidum; tùm etiam quia pituita tunc temporis redundat plurima, quæ vicem suppleat cibi. Quò hæc loca cõcilientur ex Rorarij sententia dicendum est, Auicennam non intelligere de quãtitate cibi sumpta simpliciter, sed minùs dandum esse, quòd scilicet pauca fiat dissolutio. Nam cum  
mul-

160 METHODVS CVRANDI  
multum corpora dissoluuntur æstate,  
sæpe, & parum exhibendum est: hyeme  
verò rarò, & multum.

Qualitas cibi, & consistentia perun-  
tur morbo contraria, siue illæ qualita-  
tes fuerint primæ, siue secundæ: ob id  
Hipp. scribit aph. 16. lib. 1. *Febricitantibus*  
*viçtum humidum conuenire*, qui sit frigi-  
dus potestate.

De numero autem exhibitionum ita  
sensendum est ex Montano comm. in  
aph. 17. li. 1. qui iurè Gal. decreta immu-  
tauit: vt cuique legenti faciliè innotef-  
cet. Cum penuria humorû est in cor-  
pore, sine vlllo morbo, si vires fuerint  
debiles tunc parum, & sæpe alimētum  
porrigemus: parum quidem ne suffo-  
centur vires: sæpe verò vt corpus refi-  
ciatur. Si verò sit penuria humorû cum  
affectu præter naturam, duæ simul iun-  
guntur debilitates, nimirum vna ab in-  
digentia, altera ab affectu contra natu-  
ram, tunc dandum sæpius & parum.

Sin autem adfuerit excessus hu-  
morum, distinguendum est: aut enim  
excedunt humores boni, aut prauī: si-  
quidem



quidem boni fuerint, affectus ille plethora appellatur, in hac parum, & raro exhibebimus, ne scilicet plethora augeatur, accrescatque metus suffocationis, aut ruptionis alicuius vasis, ex aph. 3. lib. 1. In copia prauorum humorum victu tenui opus est. Nam ex 2. lib. aph. 9. *impura corpora quanto magis nutries, tanto magis. lades.* Parum ergo dabimus ne cacochymiam augeamus: sæpe tamen, ne debiles vires extinguantur: cū cacochymia enim nunquam virium robur coniungitur. Prauorum autem humorum excessus varius est: illi namque humores, aut crudi sunt, & phlegmatici: aut adusti. Crudi, aut concoqui possunt, & verti in alimentum: aut non possunt. Si quidem verti possint exiguo est vtendum alimento: parum ergo, & raro exhibendum. Nam (vt inquit Gal. lib. 4. de sanitate tuenda) *cum humores crudi in corpore fuerint multi, non multum nutrire oportet.* Si verò humores crudi prauī sunt, ita vt extinguant calorem, sæpe, & parum, quòd adsit penuria bonorum humorum, & prauorum copia,

L

qua-

quare sæpe dandum : parum autem ne augeatur cacochymia, Si autem fuerint crassi, illis quoque sæpe, & parum dabimus. Nam est debilis calor naturalis, & adest penuria bonorum humorum. Ceterum cum rectè comparata omnia esse externa deceat, ex Hipp. I. aph. lib. I. notanda illius sententia, 6. epidemion descripta, *hæc sunt (inquit) in quibus aegris gratificandum est. ut scilicet cibus & potus purè conficiantur, grata etiam sint qua viderint, & mollia qua attingunt. Reliqua non admodum ledant & facile reparabilia sint veluti frigida exhibitio, ubi ea opus fuerit, & alia.*



## DE PTISANA.

## CAP. III.

**Q**Voniam in victus ratione præscribenda sermo fit frequens de ptisana, vino, melicrato, oxymelite & aqua, de ijs hoc loco paucis est nobis agendum. Ptisana quæ fit ex hordeo decocto, & decorticato quousque in

in speciem cuiusdam chyli transmutatur: cui si addatur paululum aceti, quo gustui redatur grata, & sub tempus eam vorandi tenuis salis tantillum, erit tota ptisana. Antiqui parabant eo modo ptisanam.

Nostris verò temporibus coquunt cremorem ptisanę cum iusculis carnium, quę debēt eligi instituto accommodatę: si namq; quęratur refrigeratio, vnā cum prohibitione dissipationis, vt in hecticis, eligantur carnes animalium recentium, pullorum, agnorum, & similium: aut partes animalium tendinosę, & neruosę, vt pedes, possunt admisceri alia scopo accommodata. Quā ob causam Gal ad Glauc. addit piper, dum rationem docet curandi tertianam notham. Mellis permixtio non displicet illi, si visceri humores educendi sint ex pulmonibus, aut ex alijs partibus pectoralibus: hęc vt superior poterit dici tota ptisana, nostra multò commodior est propter consuetudinem. Cremor ptisanę est substantia quędam tenuior. Tota ptisana quę crassior existit, post-

quam hordeum coctum est. Cremor ille percolatur per linteum, aut cū expressione, aut sine expressione.

Ptisana verò effectus sunt ex Hipp. lib. de rat. vict. in morbis acutis. *Ptisana* (inquit) *omnibus condimentis frumentaceis rectè præfertur in morbis acutis. Nam lentor est lavis, continuus, & incundus, lubricus, & mediocriter humidus & sitim extinguens, & si quid elui oporteat facile abluat, neque astringentem habens, neq; turbationem malam, neq; intumescit in alao, intumuit enim in coctione, quantum intumescere potuit, ex his facile possumus conijcere quibus affectibus conueniat.*



## DE VINO.

### C A P. IV.

**H**ipp. lib. proxime citato scribit, *vinum dulce minus grauat caput, quam vinosum, & minus mentem ferit, quia illius vapores minus sunt calidi minoriq; copia efferuntur, magis verò deiectiones iuuat, quam alterum quod minus promoueat*

moueat urinas, facit autem viscera mirum iecur & lienem magna. Propterea quòd dulcia rapiantur citò ab illis, & diu propter familiaritatem cunctentur in illis, ex quo deducit Hipp. *picrocholis non esse conueniens, quia siticulosum est in talibus*, namque dulcia facilè conuertuntur in bilem, *verum, & flatuosum est superioribus intestinis*. Cum enim crudum rapiatur moreturque in hypochondrijs, in illis partibus generat flatum. *Minus verò urinas mouet, quàm vinosum album*, nam dulce album producit similes effectus superioribus descriptis, *sputum autem magis educit, quod dulce est, quàm alterum*. Dulcia namque pectoralia sunt, *at quibus siticulosum est, ut picrocholis, ijs minus educit quàm vinosum*, quia conuertitur in bilem, & calorem pectoris auget, quo exciccantur sputa, & difficiliùs educuntur.

*Album verò vinosum ad vesicam magis penetrat, quàm album dulce, & diureticum existens, & præterfluere aptum, semper confert, in talibus morbis.*

*Fuluo vino, & nigro austero uti in his*

L 3 *etiam*

*etiam morbis possumus, si capitis grauitas non adfuerit, neque mentis alienatio, neque sputum sursum efferatur, quia retinet, neque urina suprimatur, quia cohibet illam: sed si deiectiones humidiores, & ramentosa exiuerint, ad austerum vinum facienda mutatio: quia enim astringit, sistit. In diarrhœa ergo, & fluxu ventris oportet mutationem facere ex albo, si prius fuerit exhibitum, ad austerum.*

*Hoc insuper intelligere oportet, aquosum  
vinum supernas partes omnes, & eas quæ  
circa vesicam sunt minus ledere: Verum  
quod meracius est, partibus quæ circa  
intestina sunt magis prodest. Meracius  
enim partibus frigidis confert: intesti-  
na verò talia sunt. Lege de vini qualita-  
te, & quantitate multa præclara apud  
Gal. lib. 7. method. med. cap. 6.*

8333333333333333333333

*De melicrato siue hydromelite,  
aut aqua mulsa.*

## CAP. V.

Hippo. loco citato proximè scribit  
*melicratum epotum per totum mor-*  
*bum*

*bum in acutis morbis, omnino quidem bilio-  
sis, & magna viscera habentibus, minus vi-  
tile esse, quàm alijs, qui huiusmodi non sunt  
quòd scilicet mel in biliosis conuertat-  
tur facilè in bilem: tum etiam in his,  
qui inflammatione viscerum laborant  
proindeq; magna illa habent. Siticulo-  
sum autem minus est, quàm vinum dulce.  
Mollit enim pulmonem, sputum edacit, me-  
diocriter attenuando, tuſſin lenit: habet  
enim deterforium quiddam, quod su-  
pra mediocritatem facit sputum visci-  
dum: deterforium namque generat visci-  
dum: detergendo etenim coaceruat  
partes sputi & crassius facit sputum, vt  
Gal. scribit. Ciet autem urinas abundè mul-  
sa, penetratione, & incisione, nisi ex vis-  
ceribus aliquid prohibuerit, cum sci-  
licet laborant inflammatione, cuius vi  
in bilem vertatur, prouocat biliosa excre-  
menta; habet namque vim purgandi à  
melle.*

*Mulsa aquosa sputum educit ma-  
gis, pulmonemque mollit: meracior  
verò spumosa excrementa, & biliosa.*

*Coctum verò melicratum, aspectu  
L. 4 qui-*

quidem valde pulcrius,quàm crudum: lucidum enim,ac tenue fit. Neque tamen aliquam ei virtutem,quæ crudum melicratum antecellat, attribuire possum: neque enim iucundius est crudo si cōtingat mel bonum esse: debilius quidem nō nihil est crudo, & stercoris habens minùs, quorum nullo, vt emendetur indiget melicratum. Ferè verò vtendum est hoc cocto, si mel sit prauum, aut sordidum, aut nigrum, & non boni odoris. Auferre enim potest coctio prauitatis magnam partem.

Præparatio eius diuersa legitur apud autores: præparatio Medicis consueta est, vt misceatur mel cum aqua copiosa & bulliendo expumetur, quoad expumare desinat. Oribasius admiscet lb̄ i. mellis, cum lb̄ 8. aquæ, quæ dilutior appellari potest, si verò mellis plus apponatur meracior erit. Possunt addi multa alia instituto accommodata.

DE OXYMELITE.

DE OXYMELITE.

CAP. VI.

**O**Xymel constat melle, aqua, & aceto. Triplex verò dicitur pro di-



uersa horum trium proportionē : mediocriter accipit duplum mellis, dimidiū aceti & aquæ quadruplum: dilutū verò aceti minùs quàm dimidium & aquæ tantundem : meracum denique plus aceti quàm dimidium cum eadem aquæ quātitate quadrupla. Diuiditur etiam in simplex, & compositū. Illud ex illis tribus tantū perficitur, compositū ex pluribus, vt scylliticū, helleboratū & multa alia. Gal. in cōm. Hip. de vict. rat. in morb. acut. præfert oxymel coctū crudo. Nam aceti vis coctura imminuitur. Loquitur verò Hip. de simplici: hoc modo, *Oxymel sputum educit, & facilem reddit respirationē.* Hęc præstat incidēdo aceti vi, & extergendo mellis facultate: leniendo autē dilatandi vi præditū est, præsertim dilutum.

*Has verò utēdi habet opportunitates. Quod valde acre est, nihil mediocriter molitur, id est, perpetuò aliquid magnum, aut malum, aut bonū præstat, præsertim in his sputis quæ non faciliè educuntur. Nam si quæ retinentur sputa educeret, gutturq; lubricaret, & dilataret pulmonē, cersè molliret*

*& leniret, quæ si contingerent, maximè prodeſſet. Sed interdum contra accidit; cū fuerit valde acre, ut ſputum non educat, ſed viſcidum reddat, adferatq; detrimentum. Viſcidum autem nō poteſt efficere, niſi diſſipatione partis tenuioris propter acrimoniam, quæ exaſperat guttur. Potiſſimum autem ita afficiuntur, qui maximè pernicioſe habentes, neque tuſſire & quæ in-  
tus continentur excreare poſſunt, crudo nimirum exiſtente morbo: Cum hæc ita habuerint, vires hominis perpende: Nam ſi de eo ſpem conceperis, dabis: cum autem dare volueris, nempe ſi ſputa fuerint craſſa, & viſcida, roburque validum, per quam tepidum, & paulatim, & non aſſatim dabis, iuuanda coctionis gratia, tūm emolliēdi. Nam humida calida emolliunt.*

*Quod autem parum acre eſt, os quidem faucēſque humectat, quod aqua, & mel habeant vim humectandi, & emolliēdi, ea verò ducuntur in partes profundas, ab aceto: & ideo, ſputum educit, ſi-  
rimque ſedat. Qua de cauſa hypochondrius, viſceribusque eſt beneuolus, mellisque no-  
xas pellit, nempe quod in melle bilioſum eſt caſtigat,*

*castigat, flatum præterea discutit, secando, & urinas mouet, aperiendo, & penetrando. Sed partem internam intestini reddit humidiorē, ob collectos humores, & eò trāsmissos, facitque ramenta, ob vim extensoriam, tum quod promoueat excrementa.*

Aciditas autem illius biliosis magis prodest, quàm melācholicis. Nam melancholici, & atrabilarij humores fermentantur ab aceto sumpto: at melancholici hypochondriaci, & lienosi fortè aceti acerrimi iuuantur; & lienosis medicamentis semper Medici admiscunt acētum; neque sanè solūm prodest, ut quod penetrare faciat, ut quidam sunt arbitrati, sed etiā quod per se illis affectionibus conferat. Iuuat verò, quia siccando resoluit, & refrigerando, & roborando, nec tamen penetrat vsque ad atram bilem, ut eam fermentare possit cum extrinsecus applicatur. *Mulieribus autem longè magis eduersatur acetum quàm viris. Vteri enim dolorem efficit, quod offendat partes neruosas, penetratione, & refrigeratione. Vterus autem est mēbrano-*

DE AQUA.

DE AQUA.

CAP. VII.

**H**ipp. loco iam dicto ita scribit, de  
aqua *quod autem ad* aquam atti-  
nēt præterquam quod in acutis bibitur  
morbis, nullum sanè aliud habeo quod  
illi concedam officium. Neq; enim in  
perineumoniis tussim sedat, neq; sputū  
educit, imò cæteris, si quis aquæ potio-  
ne prorsus vtatur, magis obest. Verū si  
inter oxymel, & mulsam parum aquæ  
forbeatur, sputū educit ob transmuta-  
tionē qualitatis potionū: quandā enim  
inundationē parit, aliequi sitim non se-  
dat, sed irritat. In biliosis naturis est bi-  
liosa, hypochōdrio mala, atq; etiā pessi-  
ma, biliosissimaq; & vires maximè labe-  
factat, vbi in vacuitatem venerit: adde  
quod lienē auget, & iecur, vbi inflāmata  
sunt, fluctuatq; & innatat, tardè liquide  
meat, quòd frigida sit, & incoctibilis,  
nec aluum commouet, nec vrinas pro-  
uocat,

uocat, atque ex eo quoque, quòd stercoris suapte natura expers sit: aluum namque non subducit: eam. verò, si pedibus frigentibus aliquis biberit, idest, incipiente febre, multò magis nocebit.

Aqua autem cocta facilius permeat, meliorque omnino censenda, ex Gal. in comment. loci citati.



## LIBRI TERTII.

## P A R S S E C U N D A.

*De reuulsione, & deriuatione  
in genere.*

## CAPVT I.

**C**Um humores fluunt in aliquâ partē, illi sunt à cursu suo retrahendi, ne scilicet tumorē præter naturā in ea parte generent, aut nimia copia calorem partis suffocent. Eam retractionem antispassim Medici, idest reuulsionē, vocant: hac vtūtur Medici imitatione naturæ ex Gal. cōment. in lib Hipp. de humoribus quæ solet plurimos morbos sanare per retractionē: eo spectāt plurimi aph. Hip. vt 21. l. 6. *Infans si varices vel hæmor-*

174 METHODVS CVRANDI  
hæmorrhoides superueniant, infanici fit  
solutio. Lipientibus alui profluuium  
biliosum remedio est, aph. 17. eiusdem  
& alij multi his similes. Retractionem  
Medici ope factam definiūt, Tractum  
humoris arte factum è contrario quàm  
antefluebat, & ferebatur.

Retractio autem duplex est. Vna di-  
citur reuulsio, altera verò derinatio, illa  
retrahit in contrariam partem. hæc ve-  
rò in proximam, Contrariam partem  
appellamus termino oppositam, vt ex-  
plicatur in physicis. Contrariæ autem  
partes sunt non tantum longè distan-  
tes à se inuicem, & extremæ: sed omnes  
quæ sunt inter duo extrema contraria  
comparatæ, aut cum extremis, aut cum  
medijs oppositis: nam contraria sunt  
extrema, extremis alicuius corporis, &  
extrema medijs: & intermedia inter-  
medijs. Ergo in reuulsione efficienda  
non est trahendum ex parte affecta, sed  
ex parte commodè distante, id quæ imi-  
tatione naturæ quæ è directo partis af-  
fectæ solet suas excretiones moliri.  
quod Hipp. sæpe scripsit, & eius imita-  
tor

tor Galenus præsertim lib. de dissectione venarum, cum inquit. *Sed & reuulsio, è directo facta evidens auxilium celeriter ostendit, & è conuerso nequaquam.* Non requiri autem in reuulsione semper maximam distantiam probatur ex eodem Gal. loco citato. Adfert enim ad probationem contrarietatis obseruandæ, & situs in reuulsione, *Si è nare dextra* (inquit) *sanguis profluxerit, aptè, & celeriter sistit cucurbitula dextro hypochondrio apposita: sicuti si è sinistra, sinistro.* At crus dextrum est distantius: ergo in reuulsione non est necessarium trahere ad longinquissimam partem,

Definiendum verò quandònam reuulsio debeat fieri ex valde distante parte: quando verò ex mediocriter separata. Quæ fit per remotissimam partem totam humorum molem in se conuertere potest, sed imbeciliùs atq; tardiùs trahit remotiorem humorem, vt si excitetur confluxus humorum in caput, & fiat diuersio ex crure, aut ex tibia, tardiùs, & imbeciliùs id efficietur. Si verò ex brachio, celeriùs, & cum maiore

iore

iore vtilitate: nam omne agens validius exerit suas vires in propinquiora, quàm in ea quæ magis distant. Ex quo sequitur vt in acutis morbis in quibus celeri est opus retractione, trahendum potius sit ex mediocriter distantibus, quàm ex remotissimis. In lōgis morbis forsitan contra, vt in quartana, cum ex saluatella detrahitur sanguis, cū ad lienem fiat defluxus humorum.

Fluenti materiæ, secundum Galenū magis est necessaria reuulsio; in ea quæ fluxa est, deriuatio.

Fit autem retractio multis modis, & instrumentis: sanguinis detractione, cucurbitulis, frictionibus, motu, vinctulis, & alijs dolorem commouentibus, vt pyroticis, cauterijs, vesicatorijs, purgatione per aluum, per vomitum, per vrinas, per fluxum menstrualem, per hæmorrhoides, per sudores.



XXXXXXXXXXXXXXXXXXXXXXXXXXXXXXXXXXXX

*De curatione per sanguinis  
missionem.*

CAPVT. II.

**S**anguinis missio maximi momenti debet existimari, præsertim cum in sanguine, tanquam in thesauro, vita sit reposita; tantum enim habemus caloris, quantum & sanguinis: vita autem nostra non potest consistere sine calore: quare maxima est adhibenda cautio in sanguine mittendo. Medicus hoc remedium exercet imitatione naturæ, quæ solet vitiosum sanguinem reijcere per hæmorrhoidas, per nares, & per uterum. Equus aquaticus cuspide cannarum immissa, sibi detrahit sanguinem. Præterea experientia quotidiana docet sanguinis missione dolores vehementes sedari, febres extinguï, suffocationis pericula deuitari promptissimè. Quocirca qui hoc remedium contemnit rationi, & experientiæ reluctatur.

Sanguinis missio est Euacuatio vni-

M uersa-

178: METHODVS CVRANDI  
uerſalis, per venæ ſectionem facta ad  
varios ſcopos, aut enim euacuamus ſā-  
guinē qualitate, aut quantitate pec-  
cantem: aut deriuamus, aut reuellimus:  
qui ſunt ſcopi præcipui in ſanguine  
mittendo, ex lib 9. Gal. method. medēd.  
cap. II. Alij ſunt minùs præcipui, refrige-  
ratio, obſtructionum liberatio, doloris  
ſedatio, & alij multi qui ſequuntur per  
accidens ad euacuationem.

In ſanguine detrahendo duo quæri  
ſolēt. Primum an poſſit detrahi ſanguis.  
Secundū an debeat: fruſtra enim quæ-  
ritur ſecundum, niſi primum fuerit cō-  
ſtitutum, nulliusque momenti cenſetur  
primum niſi adfuerit ſecundum: nam  
in ſanis, & beneualeſcentibus fruſtra con-  
ſtituimus poſſe detrahi ſanguinē, quia  
non debet.

Indicatio eius, quòd poſſit emitti ſan-  
guis, ſumitur ex viribus ægrotantium,  
quibus annectitur ætas, ex Gal. com-  
ment. I. in lib. de humorib. & I. methodi  
medendi paſſim. Requiritur vires in  
ſāguinis miſſione, quia vires detractio-  
ne ſanguinis minuuntur. Quare niſi  
fuerint

fuerint robustæ vires, ægri trucidantur. Præterea ætas considerata est ex Gal. lib. 4. de ratione victus in acutis, comment. 16. & lib. 8. methodi mēdendi c. 4. Nam puerulis non est detrahendus sanguis, quia plurimo egeant sanguine ad nutritionem, & incrementum: tum quoniam spiritus illorum facile dissipentur ob raritatem corporis. Senibus etiam detrahi non debet ob virium inopiam, & debilitatem, sanguinisque penuriam. Tamen adnīmaduertenda est hoc loco Celsi sententia cap. de sanguinis missione: *nostra ars (inquit) metitur vires, non ætatem: nam sunt multi crudi senes robustiores alijs ætate florentibus.* Medici, ignorantum & eorum qui vires metiri nesciunt causa, præfiniunt tempus ad sanguinis missionem aptum à 4. anno ad 60. vsque: docti tamen norunt detrahi posse sanguinem 50. & 60. anno, & ultra 60. de quo disputauimus fusiùs in libro de morbillis, & variolis.

Habenda est etiam ratio temperamenti, regionis, habitus corporis &c. ex lib. 9. metho. med. cap. ultimo. Nam

septentrionalibus turò detrahitur 3. & 4 anno. quia abundant sanguine. Meridionalibus verò non tam citò est detrahendus.

Reliqua quæstio est, an debeat mit-  
ti sanguis. Authores quamplurimi in-  
dicationem sumpserunt à magnitudi-  
ne morbi. Hipp. enim in lib. de vict. ra-  
tione in morbis acutis, totius negotij,  
idest, missionis sanguinis, indicationes  
esse sumendas scripsit à viribus, ætate,  
& morbi magnitudine: quorum illa  
posse indicât: hæc verò debere insinuât.  
At multi sunt magni morbi, vt apople-  
xia ab humore pituitoso, qui nō indicât  
mitti debere sanguinem. Quare de ijs  
paulo exactiùs est agendū. Primò mor-  
bi magnitudo, & virium robur non in-  
dicât sanguinis missionē: nam quorum  
nō est vna natura, ea vnū, & idem simul  
indicare nō possunt. Atqui horum vna  
non est natura. Deinde æquè indicant  
sanguinis missionem, ac purgationem  
ex Gal. 4. meth. medend. cap. 6. Profectò  
magnitudo morbi magnitudinem re-  
medij indicat per se, *Extremis namque  
morbis,*

*morbis, conueniunt extrema remedia*, non dixit Hippoc. in hoc apho. in extremis morbis optimam esse sanguinis missionem, aut purgationem. Ergo magnitudo primò, & per se indicat remedij magnitudinem tantum, neque in magno morbo semper (vt diximus) est sanguis detrahendus, neque in paruis morbis semper à sanguine mittendo abstinemus, vt cum reuellendum est aut deriuandum. Neque etiam vires indicant sanguinis missionem, sed potiùs sui cōseruationem, ex Gal. cap. 13. lib. 9. & lib. 11. cap. 3. methodi medendi, quæ est indicatio vitalis, & conseruatiua, non autem curatiua. Galenus hoc probat de optima secta ad Trasibulum, *quia nimirum in sanis indicarent remedium, quod absurdum est*: & lib. de curatione per sanguinis missionem, *duo sunt precipui scopi in sanguine mittendo, idest, præcipuè indicantia, magnitudo morbi, & virium robur: illa seu indicans: hac verò haud prohibens*. Indicant ergo primò vires sui conseruationem, & suadent deinde sanguinẽ mitti posse in morbis. Eadem sunt in-

telligenda de ætate, & alijs quæ coindicant.

Ergo sola & per se non indicant sanguinem esse mittendum : sed cum plethora, & cacochymia fluente, & impotum habente in aliquam partem : aut fluxura : scribit enim Gal. cap. 2. lib. 9. meth. medendi: *Cam sanguis natura est inutilis, detrahendus est. Fit autem inutilis bifariam: primò cum propriam qualitatem ad unguem non seruat, nec potest amplius corpus nutrire: vel ita multitudine creuit, ut aut vires premat, aut tum venas, tum arterias, vel distendat, vel findat, vel obstruat: ac in ijs quidem missio sanguinis utilis est, ut vacans remedium: in alijs ceu quorum vehementiorem impetum ad diuersam partem renocet, vel per propinquam deriuet.* Nam quod corruptum est à partibus in partes deiicitur, & detruditur, vera ergo est hæc propositio: Vbi plethora adest, aut cacochymia, si vires permittāt, sanguis mittendus est. Magnus quinetiam morbus intelligitur, aut præsens, aut futurus : nam in athleticis sanis ex 3. aph. lib. 1. mittitur sanguis metu magni morbi

morbi futuri. Neque semper est necessaria magnitudo morbi praesens, aut futura, ut mittatur sanguis, quod etiam in parvis morbis cum plethora, & virium robore coniunctis mittatur salutariter. Nec omnis sanguinis missio est magnū remedium, sed larga tantum.

Quæri etenim solet utrum extra plenitudinem sit mittendus sanguis? Est quidem ut in reuulsione, & deriuatione, tum etiam in cachexia, quando est suppressa aliqua sanguinis euacuatio consueta, ut hæmorrhoidum, & menstruorum, etiam si plethora non adsit. Celsus cap. 20. lib. 3. in tabido detraxit sanguinem, quia cacochymus erat. Inquit enim, *si nihil reliqua proficiant, sanguis detrahendus est, sed paulatim pluribus diebus.* Aduertendum est etiam aliam esse plenitudinem potentia, aliam verò actu. Quando solemnis aliqua sanguinis euacuatio sistitur, timetur plethora futura, aut quando aliquis est priuatus aliquo membro, quare detrahitur illi sanguis ad præcautionem.

Cum ergo reuulsione indicatio, &

derivationis nō petatur à plethora, quæ nam sunt ea quæ illa indicant? Defluxus humoris in aliquam partem indicat derivationem aut reuulsionem.

Fluxus verò humoris consideratur trib<sup>9</sup> modis ratione temporis, aut enim futurus est, aut fit, aut fieri incipit: aut partim fit, & partim fact<sup>9</sup> est. Tū in ōni reuulsione tria spectantur, debita distantia, & oppositio, vt diximus, & consensus, siue cōmunicatio vasorum per quæ fiat reuulsio: & denique rectitudo, quæ triplex est secundum aliquos, fibrarum, & vasorū, per quæ fit attractio, linear, & motus naturalis secundū situs differentia. Omnes hæ rectitudines nō possunt sēper obseruari, quo tamē plures poterūt adesse, eo sēper res meliùs habebit.

Nunc oportet videre quid sit agēdum in quolibet fluxionis tēpore. In illo fluxu, qui futurus est, & in quo præcautionis gratia reuulsio abhibetur, nulla est habēda ratio terminorū, & partis in quā fit fluxus: sed tantūm loci à quo. Quare satis est tantūm distantiam loci obseruare in detrahēdo sāguine, nec reliquas condi-



conditiones admodum curare. Quādo verò materia incipit fluere, tunc debet aduertere Medic⁹ locū à quo fluit, & ad quē fluxio cōcitatur, quō curet diligēter, vt motus reuulsionis sit cōtinuus, & perpetuus vsq; ad locum affectum. Verū quia rectitudinis maxima est habenda ratio (semper enim Hipp. eam commendat in euacuationibus reuulsuis) exemplis est explicāda illius diuersitas.

Cū ergo Hipp. scribit in aph. 58. l. 5. posteriore capitis parte dolente, vena in fronte incisa prodest, in hac reuulsione seruat̃ rectitudo situs: posterior enim pars, recto tramite, apponitur anteriori. debita etiā adest distantia, & oppositio, quæ maxima est, & lineæ rectitudo: rectitudo autē fibrarū obseruari nō potest.

Cum autem sit reuulsio ab vna manu ad alteram, obseruatur rectitudo lineæ, situs venarum, & consensus, non tamen fibrarum.

Si inflammatio sit in parte anteriore pedis dextri, sit reuulsio ex saphæna pedis sinistri, in qua seruat̃ perpetu⁹ ductus fibrarum, & consensus venarū; non

M 5 tamen

In ea verò fluxione in qua aliquid iā effluxit, & fluxurum est continuè, non tantùm reuellendum est ratione fluentis materiæ: sed etiam euacuandum ratione materiæ quæ effluxit. In quo advertenda est distinctio, quam diximus de ea parte quæ maximè distat, & quæ proximior est.

In deriuatione autem debet fieri detractio sanguinis per eandem partem, idest, eiusdem lateris, & consentientem, vt si defluxio fiat in oculum dextrum, aut dextram aurem, deriuatio fiet per venam dextri brachij, vt cap. de reuulsione diximus.



*De affectionibus egentibus  
phlebotomia.*

## CAP. III.

**A**Liqua plethora missione sanguinis eget: alia non eget. Quare distinctione est opus. Plenitudo duplex est: vna ad vasa: altera ad vires. In plenitudi-

nitudine ad vires non semper sanguis detrahendus est, quando videlicet crudus humor in corpore est abundans, ex Gal. commēt. in lib. Hipp. de humorib. & cap. 3. lib. 12. de metho. meden. Nam adhibita sāguinis missione, inquit Oribasius, cap. 2. lib. 7. ægri solent incidere in magnum morbum ob refrigerationem quę fit priuatione sanguinis, & caloris. In reliquis repletionibus, est vena secanda.

*Qui reiecerunt sanguinem ex pectore, & curati sunt, ea tamen existunt thoracis figura, & pulmonis conformatione, ut paulo plus collecto sanguine vas aliquod aut rumpatur, aut reseretur: ijs etiam si in corpore nulla adfuerint alia symptomata ineunte vere sanguinem detrahere oportet. Nam si durante vere multus colligatur sanguis in pectore arcto, recident in primum morbum. quare venę sectione illis prospiciendum est.*

*Qui in morbum comitiales à sanguine, aut apoplexiam ab eodem, aut peripneumoniam, aut pleuritidem, aut anginam subito incurrunt, sanguinis detractiōe egent, ob*  
ple-

plethoram, aut defluxum humorum in partes affectas, ex Hipp. li. de victus ratione in morbis acutis.

*Quibus hamorrhoides suppressa fuerunt atrabilaris, & quotannis æstate plethorico affectionibus affici solent, initio veris sanguinis detractioe euacuandi sunt ad præcautionem, quod est etiam intelligendū in omni morbo, qui solet æstate singulis annis repetere.*

*Quibus mulieribus suppressi sunt menses, albioribus quidem per maleolos, nigrioribus verò per saphanā, sanguis est detrahendus.*

*Iis quibus fluit sanguis nimia copia, vena secanda est per reuulsionem: siquidē fluxus ille fuerit symptomaticus, non criticus.*

Initio inflammationum vena secanda est. Denique in magnis doloribus nullum est præsentius remedium quàm venæ sectio.



*De quantitate sanguinis  
detrahendi.*

CA-

## CAP. IV.

**I**N sanguine mittendo mensura quã-  
titatis sumitur à viribus ægri, ab æta-  
te, à morbi magnitudine, repletionis  
quantitate, ab aëris ambiētis temperie,  
à victus ratione, à vitæ instituto, ab ex-  
crementis eductis, vel retentis, ab habi-  
tu corporis denso, vel raro.

Si multa sit opus euacuatione, & vi-  
res extiterint debiles, oportet euacua-  
tiones partiri, ex Gal. l. 9. method. med.  
cap. 4. Quare parua copia detractō sã-  
guine, aliquo interiecto tempore, erit  
iteranda venę sectio, quousque sufficiēs  
quantitas sit detracta.

*Si feruescentis sanguinis adsit plenitudo  
acutissimam febrem accēdens, subito, & se-  
mel euacuare oportet usque ad deliquium a-  
nimi* Hipp. aph. 23. lib. 1. inquit *vbi usque  
ad animi deliquium educere conuenit  
id faciendum si egrotus par esse possit.*  
Hip. conditionē adiunxit, si æger possit  
tolerare, id est, si vires fuerint robuste: nã  
in debilibus animi deliquiū esset mors.  
Quidam interpretatur hãc particulam  
(deli-

(deliquiũ animi) exclusiue, nõ inclusiue. Verũm nõ potest Medicus certò cognoscere illos terminos : quamobrem res est altiũs examinanda. Primò enim animi deliquiũ ratione causæ est multiplex : aliud namque accidit ex succis mordacibus os superius ventriculi vellicantibus. Aliud verò defectu virium, ratione vacuationis. Hippocrates, & Gal. intellexerunt de hoc posteriore deliquio : neque tamen hoc potest esse vera mensura sanguinis detractiõnis. Aliqui namque ita sunt animosi, vt nõ antea deficient quàm totus penè sanguis fuerit detractus : in ijs autem expectare deliquium animi, nihil aliud esset quàm præstolari mortem. Quare putat multi, & veriũs Hippocratem intellexisse vsque ad animi deliquium quoad vires ferunt. Vtrum autem vires ferant, percipitur potissimũ ex pulsu, quare in sanguine detrahendo Medicus perpetuò debet manum apponere pulsui, vt possit intelligere quomodo se vires habeant : qui quidem dum percipit eas debilitari valde, ita vt timeatur animi de-



## CAP. V.

**A** Situ partium affectarum indicatio sumitur quæ vena sit secanda. Oportet enim è directo partis affectæ sanguinem mittere: vt liene affecto, è vena sinistri brachij, aut pedis sanguis est detrahendus ex Gal. in comment. libri 1. Hipp. de humoribus. Id autem fit imitatione naturæ, quæ solet sanguinis profusiones vtilis moliri è directo partis affectæ.

Tres sunt venæ è quibus in cubito mittitur sanguis ex Gal. lib. de sanguinis missione. Interior, nempe quæ ex axilari, exterior quæ ex humerali, & media, siue mediana appellata. Medianæ, & interioris sectio utilis est ijs in quibus inferiores collo partes patiuntur. Exterioris siue Cephalicæ in ijs in quibus superiores collo partes laborant, vt facies, & caput. Media denique medio modo se habet, idque fit ob maiorem consensum partium inter se.

Inferiores partes corporis iuuantur venis incisis, quæ sub poplite, & malleolis



lis sunt; vt in vteri inflammatione secare oportet venas quæ sunt in crure aut poplite. Nam si aperiantur venæ quæ sunt in cubito, vtero inflammato, retrahuntur menses ad partes superiores, & ita suprimuntur.

In Ischiade quando non accidit à frigore sed à repletionem venarum quæ sunt in coxis, oportet saphænam, vel popliteam venam secare.

In principio anginx, cubiti venam eiusdem lateris ad reuellendum, & deriuandum: postea quæ sub lingua sunt venæ tundendæ.

Si capitis dolores sint inueterati oportet secare venam quæ est in fronte. In recentioribus etiam capitis doloribus mirè confert post generales euacuationes.

Si hæmorrhoides secandi venam occasionem præbuerint, & eas velis cohibere, seca venam brachij: sin autem prouocare, tunde eam quæ est in cruribus, aut tibijs. Idem de mensibus est intelligendum. In malignis affectibus ex eadem parte vena secari debet. Vt in

N

car-

194 METHODVS CVRANDI  
carbunculis & similibus: nā si ex oppo-  
sita ducatur sanguis, incommodum  
commodo maius est: plus namque no-  
cet materia venenata per partem prin-  
cipem transiens, quàm profit retractio  
eiusdem à parte affecta.

De quantitate verò sectionis venæ  
statuendum est ita, Qui subita, & con-  
fertim facta indigēt euacuatione, qua-  
les sunt, qui laborant magna plethora  
aut febre ardente, præsertim si fuerint  
iuvenes, & boni habitus, ijs magna est  
apertio facienda.

Qui crassum habent sanguinem ut  
pote melancholici, & adusti, egent ma-  
gna sectione.

In reuulsione exigua vel mediocris  
est incisio facienda.

In infantiētibus parua incisio est faciē-  
da, ne auferendo sibi faciam vel ligatu-  
ram finant egredi sanguinem, & quo  
ciūtis vulnus consolidetur.

In vasis magnis magna: in paruis  
parua est vtendum scissura.

Hyeme maiore est opus incisione  
quàm æstate. Etenim crassior est hyeme  
sanguis:

sanguis: adde quod aëris frigiditas impedit sanguinis egressionem.

In debilibus parua insecutio faciendane magna copia dissipentur spiritus.

Quo verò tempore sit secanda vena nulla est habēda ratio numeri dierum: nam si morbus magnus extiterit, & affectio requirat sanguinis missionem, viresque ferant, hoc remediū non prætermittes ex Gal. lib. 9. meth. med. cap. 5. In ijs, qui febriūt exacerbationis declinationem, aut remissionem expectabis si nihil vrgeat. Melius est venam secare manē, non statim à somno, sed vna hora post euigilationem.

Quibus vena secanda est poplitis, aut malleoli, à prandio id fiat post deambulationem est necesse, quo sanguis facilius deducatur ad partes inferiores. & venæ sint patentiores.

DE INDICIIS QUAE SUMUNTUR SANGUINE DETRACTO.

*De indicis quae sumuntur sanguine detractō.*

## CAP. VI.

N 2

San-

**S**anguis qui lentè fluit, & digitis adheret, glutinosus est, obstructionesque ostendit, nec non calorem vehementem, quo serosa pars illius consumitur,

Sanguis tenuis tardè cōcrescens cruditatem, iecoris debilitatem, aut summam putredinem ostendit.

Plurima aquea substātia sanguini supernatans largioris potus dat indicatiū, aut debilitatis epatis, aut renum obstructionis.

Arenosus sanguis indicatiū lepræ est.

Sanguis qui simul atque detractus est suam corruptionem ostendit, magnam caloris natiui debilitatem significat: qui autem tardè, admodum robustas vires.

Sanguis qui facilè lintea satis densa penetrat, nullasque guttas eminentes procreat, est corruptus, & tenuis: qui verò eas producit crassus, & vt plurimum laudabilis.



## LIBRI TERTII.

## PARS TERTIA.

# DE CVRATIONE

*per medicamenta.*

*De purgationis definitione, diuisione,  
qui sint purgandi, & quibus  
purgatio non conuenit.*

## CAPVT I.



**E**UACUATIO est superflui, aut peccantis humoris è corpore detractio sponte facta, aut artificio Chirurgico vel medicamento. Euacuatio itaque multiplex est: inter cuius species duæ sunt præcipuæ, utpote sanguinis detractio, & purgatio. De sanguinis missione diximus superiori capite: nunc de purgatione est differendum.

Purgatio est humorum qualitate pec-

N 3

can-

cantium in corpore, euacuatio: quæ fit aut sponte, aut medicamentis ex Gal. comment. 2. in lib. 1. apho. Sponte duobus modis, criticè aut symptomaticè. Verùm antequam de purgatione longior instituaturs oratio, de preparatione quæ illam non rarò præcedere debet, pauca dicenda sunt.

Præparatio est humorum dispositio, qua redduntur apti ad purgationem: cuius præparationis necessitas petitur ex aph. 10. lib. 2. *Corpora cum quis purgare voluerit, oportet fluida facere*: quod est, secundum Gal. comment. in aph. citatū aperire meatus, & ductus, humores attenuare, incidere, & abstergere, si qui fuerint in corpore crassi, & glutinosi. Nonnunquam est etiam necessarium humores subtiles & tenues incrassare, ut in tenui catharrho in pulmones prolabente. Præparationis necessitas, trahitur ex imitatione naturæ, quæ solet primò concoquere humores, & coctione præparare: unde ille ap. 22. l. 1. *concocta medicari, & non cruda, neque in principijs, modo non turgent, plurimū verò non turgent*:

*turgent*: nam hæc præparâda sunt. Quocirca præparationis indicatio sumi debet ex cruditate humorum quam detegit cruditas excrementorum.

Qui cacochymia laborant, sunt purgandi. Cacochymorum enim humores qualitate peccant, & purgatio est euacuatio humorum qualitate peccantiũ. Verũ cacochymix quiescenti actu, & potentia, debetur purgatio per se: fluenti verò, sanguinis detractio per reuulsionem, aut deriuationem.

Galenus cap. 3. lib. 3. de sanitate tuenda scribit, *si quis vel propter atatem, vel propter timiditatem sanguinem sibi detrahi non permittat, hic largius purgandus est*: & potissimũ medicamẽto catholico, quod vim habet omnes humores purgandi. Nam illis extractis humoribus minor efficietur plethora.

Quorũ humores turgent, ij sunt purgandi: turgent autem cum è parte in partem vltro, citroque ferũtur: nam hi humores exitum, & manus medicas petunt auxiliares.

Qui scatet humoribus tenuibus purgatio

gatione egent , ne illi humores incendiū concipiant,& febrem excitent.

Qui solent anniuersarijs affligi morbis , verno tempore sunt purgandi,hac distinctione adhibita , vt scilicet qui sunt pituitosi , initio veris purgentur: nam tunc temporis humores pituitosi hyemis tempore collecti , vi caloris ingruentis funduntur , & morbos diversos pariunt, vt pote catharrhos.epilepsiam,appoplexiam,paralysim.Biliofi verò in fine veris sunt purgandi , quia tunc temporis maior copia bilis collecta est.

Qui integrè non fuerunt iudicati, idest quorum crises fuerunt imperfectæ,purgandi sunt.Nam ex Hip.aph.12. lib.2. *quæ relinquuntur in morbis post indicationem,recidiuas facere solent* : quare ne patiantur recidiuam, sunt purgandi.

Illi verò , qui sano sunt corpore non sunt purgandi,nam ex aph 36.lib. 2. *qui sano sunt corpore , per medicamenta euacuatī, citò exoluuntur , vt qui prauo utuntur cibo.* & aph. 16. lib. 4. scribitur *carnes sanas habentibus helleborus periculosus:*  
parit



parit enim conuulsionem.

Qui laborant interna inflammatione non sunt purgandi, scilicet aliquo vehementi medicamento: purgatione namque commouerentur humores, ex quo maiori copia in partes affectas, confluerent.

Quibus aluus abundè fluit ijs à cathartico medicamento est abstinendū: nam metus est ne deficient super purgatione, dummodo fluxus ab obstructione non pendeat, vt in fluxu chyloso; nam tunc temporis medicamētum est propinandum, quo obstructions venarū meseraicarum auferantur: aut si fluxus pendeat ab irritatione naturæ, purgandum est, leui cathartico.

Debiles non sunt purgandi, & qui laborant vomitione nimia, aut subuersione tanta ventriculi, vt non possit medicamenta retinere: frustra enim ad illa sumenda impelluntur.

Corpora quæ abundant humorum crudorum copia, non sunt vehemētioribus purgationibus vexanda: quia medicamentum vehemens illis in corpo-

N s                      ribus

ribus mouet humores crudos, & sæpe commotos non purgat. Satiufque est humores omnino non mouere, quàm commotos non purgare: tūc enim molestia afficitur corpus sine vtilitate vlla.

*Mulieres grauida non purgantur, nisi turgente materia inter 4. & 7. mensem, ex Hipp. aph. 1. lib. 4. nam primis mensibus periculum est, ne vasa (quæ cotyledones vocantur) rumpantur agitatione medicamenti, quòd tenera, & imbecilla sunt vasa illa fœtus: postremis verò mēsis facile rumpuntur, ob eorundem vasorum siccitatem.*

*In morbo acuto, ex Hipp. rarò purgandum nisi turgente materia, ne scilicet violentia medicamenti magis accendantur humores.*

Pueri, & senes difficillimè ferūt purgationem ob debilitatē virium, & dissipationem caloris natiui.

Qui corpore sunt nimis obeso, aut gracili purgationem difficilè ferunt, ob debilitatem caloris innati. Cæterum Hipp. penuria benignorū medicamentorum, quibus nos abundamus, multis prohibe-

prohibebat purgationem, quibus nos liberè concedimus.



*Quomodo, qua parte, quando,  
quibusue medicamentis  
sit purgandum.*

## CAP. II.

**I**ndicatio partis per quam purgare oportet, pendet ab humorum inclinatione in aliquam partem. Nam ex aph. 21. lib. 1. *qua ducere oportet quò maximè natura vergat per loca conferentia, eò ducere, id est, vñs ac locis utiliter eò ferentibus.*

Ab anni tempore petitur indicatio, ex aph. 4. lib. 4. *æstate superiores magis, hyeme verò inferiores ventres purgare oportet*, nam æstate bilis redūdat, quæ cum levis sit, per partes superiores faciliùs ducitur: hyeme verò pituita, & succus melancholicus autumnò collectus, qui faciliùs per inferiores partes purgatur.

Ab habitu corporis, & facilitate purgationis ducitur indicatio ex aph. 7. l. 4. *graciles, & vomentes facile purgare superius,*

*rius, cauentes hyemem, propter abundantiam crassiorum humorum. Et aph. 7. Vomentes verò difficulter & qui mediocriter sunt carnosì per inferiora, cauentes aestatem.*

A specie morbi item sumitur indicatio ex aph. 8. lib. 4. *tabidos verò per inferiora, cauentes purgationē per superiora, ob debilitatem instrumentorum respirationi inferuentium ex Gal. in comm. eiusdem aph.*

In leucophlegmatia primò purgandum est per inferiora. Deinde per superiora; tum per apophlegmatismos. Cū humores sunt parati tunc ægri sunt purgandi. *Concocta enim purgari oportet, ex Hipp.*

*In principio acutorum morborum est purgandum, si materia turgeat: ex aph. 10. lib. 1. Hæc item comprehenduntur ap. 22. lib. 1. cum scribitur, quæ cocta sunt medicamento ducere oportet, ac non mouere cruda neque per initia morborum, nisi suapte natura humores moueantur, quod rarò fieri solet. Ergo in ijs rarò purgandum. Signa autem turgentis materiæ sunt ex Gal. lib.*

lib. quos, quibus, & quando purgare oportet, *motus materiae eiusdem murmur, agri inquietudo, & dolor vagus*. Motus materiae fit à partibus materiam agitantibus. Murmur à motu flatus impulsivi. Inquietudo ab onere materiae, aut eius malignitate. Dolor vagus, à diuersa materia per corpus vagante eiusque partes vellicante.

Quæ continentur illo aph. ita explicari possunt. Certum est imitatione naturæ, quæ prius concoquit quàm excernat Medicum debere concocta purgare. Verùm cum natura concocta depellat, non erit opus medicamentis, nisi ea non possit expellere: nam simpliciter non posse forsan est fallum, quia quæ potuit concoquere quo pacto non poterit expellere: cum sint eiusdem generis facultates? Respondeo, non esse impossibile naturam coquere, & non posse expellere: nam coctio fit quiete; expulsio autem motu, in quo maiore est opus robore. Quare bene Auicenna admonet Medicos, ut si natura

natura cum debet, non expellat, iuuent  
eam medicamentis suis.

Quærit Hollerius commentario in  
aph. citatum, An in crudioris, & fri-  
gidioris humoris multitudine sit sta-  
tim initio purgandū, id est, primo mor-  
bi insultu? Respondet purgandum esse,  
alioqui periculum est ne copia mate-  
riæ calor natiuus suffocetur. Ad hæc si  
materia illa decumbat in articulos, ge-  
nerabit arthritidem, paralyfim, & mor-  
mos alios. Si descendat in ventriculos  
cerebri, morbos frigidos procreabit, vt  
apoplexiam, epilepsiam & alios. Quare  
initio illa materia purgāda est tali me-  
dicamento quod non tantū moueat,  
sed etiam purget. Præterea cū mate-  
ria venenata est, purgari debet etiam in  
principio, licet orgasmū non habeat.  
De his intelligitur aph. Hip. *si quid mo-  
uendam videtur, in principio mouendum, in  
stata quiescendū.* Hoc loco occurrit per-  
uestigare, Quorsum natura in princi-  
pio morborū non expellat quæ noxia  
sunt? Nam omni generi animantium, à  
naturā tributum est vitare quæ nocitu-  
ra vi-

ra videntur. In morbis verò humores sūt noxij: deberet ergo natura partium corporis potestate expultrice excutere prauos humores in principio, ne interitum afferrent: nec credēdum est eam non posse. Nam multo pōst tempore, nimirū in statu, expellit debilior multo existens, quā in principio morbi. Morbienim seuitia satis diuturna debilitantur facultates, ex quo necessariō sequitur, eam potuisse in principio facilius excludere nocitura. Quamobrē multi existimarunt naturam non detrudere foras morbificam materiam quia non sit apta exclusioni, aptitudo autem ex coctione pendet. Verū humores qui symptomaticè reijciūtur non sunt cocti. Ergo quod natura non excludat materiam morbificam, nō est in causa materiæ cruditas ( si exceperis expectorationem) sed aliquid aliud, nimirum irritationis vehementioris priuatio. At cruda plus adferunt irritamenti, quā cocta, quæ coctura mitescunt. Ergo in principio, duplici ratione, natura impelleretur ad excernendū, nempe

nempe irritatione, & robore. Vt nodus solvatur respondebimus, naturam certè magis irritari in incremento, non in principio, quã vbi materia est cocta. Nã ex 3. aph. lib. 2. *circa initia* & finem remissiora sunt omnia, in vigore vehementiora. Tum robustiorẽ esse. Verùm non expellere in principio, aut incremento, nisi ita stimuletur ab irritante causa, vt diutiùs sine sui interitu, non possit sufferre. Quia meliùs consulatur naturæ, si antea coquat quàm expellat: nam cruda difficilè expelluntur. Et quoniã difficilis est expulsio, maior fit dissipatio naturæ, & maior hinc consequitur debilitas, minor autem quando facilè materia expellitur: faciliùs verò eijcitur quando est cocta. Ergo natura ad sui conservationem priùs coquit, quando nõ cogitur, quã expellat. Adde quod tota materia cruda non potest, nisi longo tempore, detrudi: quo interim coctioni debet incumbere natura: at coctioni & expulsionì simul vacare, sine magna difficultate, nequit. Ergo quia prudens, & sine præceptore docta, id præst.



id præstat quod bonum, aut quod melius: multo autem melius illi est coquere quàm cruda expellere. Ergo quando licet, id præstat: sed dum cogitur, ad sui conseruationem ante coctionem expellere materiam morbificam, eò usque expellit, quoad cessauerit grande illud irritamentum: quod cernitur in multis excretionibus symptomaticis, in quibus post excreta plurima cruda, fit mutatio in excrementa laudabilia. Cum verò à malignitate materie perseverat illa permolesta irritatio, ad mortem usque excernit: melius siquidem est excernendo noxia, vitam animalis, quantum potest fieri, protrahere, quàm retinendo paucotemporis spatium perimi. Ergo coquit prius quàm expellat, non tam materię excludendę indispositione, quam sui conseruandi causa. Quare Medicus imitator naturę, quę parum molesta sunt debet prius coquere, quàm purgare. Si verò ut Hipp. inquit, turgeant & veluti effera è parte in partem transferantur iuuanda est natura. Nam in illo orgasmo natura dat significationem, se velle

O

expel-

expellere, ob molestiam : sed non posse propter aliquod impedimentum. Quare Medicus manus auxiliares porrigit, utiliter. Quæ si acutè fuisset contemplatus Scaliger commentario in librum Hipp. de insomnijs, non appellasset eos qui tenues humores in principio morborum purgant, literarum eueriores, Propterea quòd existimat tenuia non posse excludi nisi incrassentur, quod cum verum sit in expectoratione, falsum est in reliquis excretionibus, sudoribus nempe, urinis, detectionibus alui: & cōtra sententiam Hippocratis, nam sola tenuia orgasmum habent illa verò sunt purganda, ex Hipp. doctrina.

*Vtvero gerentes sunt medicanda si materia turgeat à quarto mense, usque ad septimum, sed has minùs, minore verò aut grãdiore fatu abstinebis, ex Hipp. aph. i. lib. 4.* quod semper est intelligendum de medicamentis vehementioribus.

In paroxysmis, & crisi bus non est dandum medicamentum, quia tunc temporis natura congregitur cum morbo, à quo cōgressu, medicamēto reuocaretur

In

In continuis febribus exacerbationes sunt vitandæ, ne natura duplici labore exerceatur.

In diebus imparibus medicamenta non sunt exhibenda ex Hipp. lib. 4. de morbis, scribit enim antiquos Medicos maximè in hoc errasse quod in diebus imparibus exhiberent pharmaca, nam multos interficiebant, causam hanc non intelligentes, humor enim qui redundat in corpore aegroti, dieb<sup>9</sup> imparib<sup>9</sup> maximè mouetur, quia tantū corpus tunc in ventriculos succum demittit: si quis autem iā perturbatum corpus pharmaco iniecto magis perturbet, non mirum est si inde homo pereat, & maxime si illo die impari futura sit crisis. Aliis namque diebus imparibus, in quibus non sunt futuræ crises, forsan poterimus exhibere medicamentum iuuādo naturæ impetum, & viribus constantibus.

Medicamenta benigna quælia sunt cassia, manna, syrupus rosarum solutivus paululum ante cibum sumenda: quod probatur autoritate Galeni qui secundo de alimentorum facultatibus ad hunc modum scribit: Mora, inquit,

*primum, & ante omnem cibum sumenda  
 scilicet deiectionem procurantia ; qua verò  
 tardè commeant, postremo ordine sunt vo-  
 randa: & qua celeriter, primò, & ante om-  
 nia. Insuper de prunis loquens ( inquit )  
 alium pruna mouent, si prandium non sta-  
 tim, & sine mora, sed aliquo post interiecto  
 intervallo, inchoetur, & ipsa pruna sola  
 comedantur. Hac autem communia omnium  
 leniter laxatium præcepta meminisse oportet :  
 Quorum præceptorum causam  
 comminiscitur Valeriola enarratione  
 5. libro 2. quòd quæ facilè labuntur,  
 si priori loco sumantur, nihil habent  
 quod ipsorum remoretur coctionem :  
 quare lenitate, & sua humiditate ven-  
 triculum supinum, vel subuersum red-  
 dentia, atque ipsius robur euertentia il-  
 lum proritant. Si verò postremo loco  
 sumantur, à priore iniecto cibo eorum o-  
 pus peruertitur : cùm neque sic ventri-  
 culum euertere, nimirum ob admista  
 alia edulia à quibus eorum deiectoria  
 facultas distrahitur, neq; deiectionem  
 moliri possint, calore nimirum ventri-  
 culi circa cibi concoctionem occupa-*  
 to.

to. Contra vero quæ tardo sunt com-  
 meatu, vt cydonia, pyra, mēspila, & alia  
 eiusdem generis, si ante cibum suman-  
 tur, nudo & ieiuno ventriculo occurrē-  
 tia, ipsum astringunt, & roborant, vnde  
 deiectio prohibetur. Si à cibo ventrem  
 astringentia, & roborantia sumantur,  
 prius ingestum cibum grauitate & a-  
 strictione sua cōcitant, deorsumq; tru-  
 dunt in ventre contenta.

Verùm ante prandium ne, an ante  
 cœnam, vel post vtraque sumenda sunt  
 illa medicamenta? ante prandium su-  
 menda ratio suadet, modo ne pran-  
 dium somnus sequatur: nam somnus  
 coquit tale medicamentum, & in ali-  
 mentum cōuertit: quod in somnō ma-  
 ior fiat cōcoctio: quare cum paucis in-  
 terpositis horis homines post cœnam  
 soleant dormire, ante cœnam illa mi-  
 nimè sumi debent. Auicennas fen. 4.  
 libro 1. cap. 5. nostram sententiam  
 confirmat: *Cum verò aliquis, inquit,  
 deiectorium biberit Pharmacum, siqui-  
 dem forte fuerit, & catharticum me-  
 lius erit si super ipsum dormiat ante-*

quam operetur: roboratur enim vis purgantis medicamenti, & facilius de potentia reuocatur in actum, à calore interno aucto per somnum. At si debile fuerit catharticum expedit sanè, ne super id somnus accedat, nam à somno, medicamenti concoctio sequetur, vel corruptio. Si verò valde violentum sit medicamentum super hoc minimè dormiendum, cum metus sit ne introrsum reuocato calore à somno noxiam qualitatem ad membra nobilia, & partes principes reuocet, & mittat.

Si pituita, & succus melancholicus redundauerit, & præcautionis gratia sit verè purgandum, vt iubet Hipp. in aph. 47. lib. 6. illi humores educi debent initio veris. Bilis verò in fine veris purgari debet.

Adnimaduertenda tamen, & explicanda est illa sententia Hipp. quæ scribitur in libris de aëre, aquis, & locis: maximè, inquit, obseruare oportet magnas temporum mutationes, & solstitia, vt neque medicamenta in illis exhibeamus neque vramus quæ circa ventrem sunt: neque secemus priusquam prætereant decem dies,

aut

*aut plures: sed potissimum decem.* Magnarum mutationū nomine intelligit mutationes caloris, & frigoris, vt sub cane, & ante canem. Ob æstus vehemētiam, & facultatum corporis imbecillitatem libenter medicamēta non exhibemus: pari ratione dum frigus maximè viget, medicamentum non est propinandū, nam frigore concreſcunt humores, quam ob rem redduntur inepti ad purgationē, vel exclusionem. Cæterarum denique mutationum est eadem ratio: tamen hæc de medicamentis violentis intelligenda sunt: nam benigna omni tempore, cū necessitas viget, exhiberi possūt. Item mutationes magnæ (solstitia intelligi debent, & æqui noctia in quibus multi intereunt & sanantur. Inquit eim Hip. eodem loco *periculosissima etiam sunt ambo solstitia, maxime vero æstiuum periculosum, etiam æquinoctium utrunq; magis vero autumnale.* Quæritur num medicamenta aut alia remedia, sæpius aliquo certo & determinato tempore vsurpata inducant consuetudinem, eadem semper sumendi. Gal.

cap. 5. lib. de consuetudine responderet, multos solitos vti remedijs ijsdem certis temporibus, quod in illis solerent similibus affligi morbis, aut ad precautionem futurorum. Quibus tamen non contingebat, ex ratione consuetudinis, vt per talia remedia inuarentur. Sed quia propter prauam victus rationem cacochimiam, aut plethoram cumulassent & congeßissent. Ergo non consueuerant sumere, quia vsurpant medicamenta, sed propter morbos quibus affligi soliti erant. Atque in illis qui eodem medicamento, propter similitudinem affectus, vti solent, obseruandũ, ne semper idem præbeatur medicamentum. Theophrast. enim scribit cap. 18. li. 9. historię plantarum. *Omnium verò medicamentorum vires debiliores in assuetisprehenduntur. In nonnullis etiam omnino inertes.* Quidam enim, inquit, tantum hellobori consueuerunt edere, vt manipulos integros vorēt nihilq; afficiantur, quod multis historijs confirmat. Subnectit deinde, quod autem consuetudo ad illud efficiendum plurimum valeat, rationibus constat. Nam pecora huius regionis absynthium comedere



*medere recusant, Pōtica verò eo comesto pinguiora redduntur, & ut quidam arbitrātur sine felle. Quare cum medicamenta cōsuetudine corpori familiaria reddita nihil aut parum efficiant, eadem sapius non sunt vsurpanda. ijs qui frequenti egent purgatione.*

A materia morbifica ducitur indicatio medicamenti exhibendi, nam si biliosa fuerit illa materia, medicamenta bilem purgantia simplicia, vel composita sunt exhibenda. Si pituita adfuerit, ea quæ pituitam educūt. Si succus melancholicus, ea quæ vim habent illum purgandi, quæ omnia explicantur in antidotario.

Quæritur hoc loco num sit aliquod medicamentum sanguinem purgans? cui quæstioni satisfactum est in lib. de facultatibus medicamentorum.

Et quia non omnia omnibus cōueniunt, interrogandi sunt ægri, num habeant peculiarem antipathiam ad medicamentum aliquod: sunt enim plerique qui rhabbaro offenduntur multum, alij alio medicamento.

*De quantitate purgationis.*

## CAP. III.

**I**ndicatio quantitatis purgationis scimitur à quantitate materiæ euacuandæ: nam multa materia magnam purgationem indicat. Verùm semper robur virium considerandum est, nam si fuerint vires debiles, non est magnum exhibendum remedium, quoniam purgatio debilitat vires: tamen est adhibenda distinctio, num vires sint debiles ab oppressione, an à dissipatione. Etenim cum oppressio est causa debilitatis, magna purgatio confert: cum vetò à dissipatione, nocet. Sunt etiam contemplanda symptomata, quæ in pluribus subsequi solent euacuationem: nam quidam si vehementer purgentur in animi deliquium, in tormina ventris, & in alia mala symptomata incidunt. Quamobrem rogandi sunt, antequam purgentur, num talia pati soleant.

Hoc loco quæritur solet num purgandum

dum sit vsque ad animi deliquiũ: huius quæstionis occasionẽ præbuit Hip. 23.aph.lib.1.cum inquit, *quæ euacuantur non sunt æstimanda multitudine: sed si talia euacuentur, qualia conueniunt, & ægri facile tolerant. Atque ubi vsque ad animi deliquium expedit ducere, faciendum, si æger possit tolerare.* Verũ illa sententia potiùs de venæ sectione quàm de purgatione intelligi debet: nã purgatio certa quantitate præscribi non potest, neque sisti, cum volumus: quæ tamen in sanguine mittendo præstari possunt. Detrahimus enim sanguinem quantitate qua volumus, & eius detractionem sistimus cùm nobis libet.



*De remediorum multitudine.*

#### CAP. IV.

**G**alenus libro 1. de diebus decretorijs cap. 11. loquens de Medicis, qui multitudine remediorum obruunt ægros, scribit, *hi quoties ad ægrum accedunt, toties peccant: non igitur crisis die in quem parata*

parata erat, fieri potest: nec contingit tot erroribus interea commissis: quandoquidem natura motus statutis periodis pro sui ratione contingit: interim ab exterioribus erroribus circuitus suos prohibetur seruare naturam. Sic itaque Hippocrates undequaque admirabilis ait, Natura omnino sufficit, & peccatur in hanc extrinsecus operando cataplasmate in unctione, totius partis fotu. Hoc etiam loco Gal. Medicum naturam ministrum vocat., reuera Medicum, non pharmacopolam ex triuio: tantum enim à iusta ministri naturae operatione distat, ut etiam maxime nomen contrarium ipsi magis conueniat, inimici videlicet ipsius aegritum naturae hostis iure appellatur: tamē his temporibus Medici multa simul adhibēt remedia, quo natura iuuetur, & eius aduersarius superetur. Nullus enim ferē est Medicus qui in morbis etiam acutis ante decimum quartum diem, ægrum quem curandum suscepit, non purget bis, aut ter, multaque alia adhibeat remedia: quorum sententiam Gal. damnassee videtur. Quare aut Gal. falsa scripsit, aut Medici nostri temporis perperā  
 excr-

exercent medicinam. Hoc ergo diligēter est examinandum. Ratio Gal. præcipua est, quòd remediorū multitudine natura prohibeatur suos seruare circuitus Verūm si remedia applicētur appositè, & methodicè, id est, per indicationes, quæ naturā iuuent & morbū oppugnēt, naturā nō reuocabūt à suo opere, & circuitu : imò cū Medicus naturæ sit minister suggerere debet, multa cōmoda remedia, eorū exēplo, qui expugnaturi vrbes, varia, & diuersa instrumenta bellica vsurpāt, vt facili⁹ illas expugnēt. Adde quòd his tēporibus, propter maximos in vitæ ratione errores, multa cumulatur copia prauorū humorum, qui toto ferè morbi decursu orgasmū habēt: & licet hi humores non turgent, cum naturam magna copia suffocent, minusq; malū sequatur ex naturæ perturbatione, quàm sit bonum quod nascitur ex subleuatione maximi oneris, purgare oportet: nam quod reliquū est facilius natura superat. Ad hæc ex aph. 21. l. 4. *variorū colorum excrementa melius est duci cathartico, quā spōse.* Præterea fluxus  
exci-

excitantur Symptomatici in morbis acutis, quos optimum est medicamentis iuuare, si prout ducant ab obstructionibus venarum meseraicarum, & ab irritatione naturæ, ut dictum fuit. Ex quibus concluditur posse adhiberi varia remedia ante crisin: quod potest etiam hoc confirmari exemplo, si humores rapiantur in caput, quo illos deriuemus, & diuertamus, eodem die poterimus adhibere clysterem, sanguinem detrahere, cucurbitulas applicare, venas hypoglotidas aperire, modo vires ægri valeant, non omissis frictionibus extremitatum: & ligaturis dolorificis. Ergo Galenus intellexit de remediorum multitudine, sine vlla necessitate appositæ, ut erat in more Medicis sui temporis factitare. Quare si ex usu ægri sit, poterimus multa simul adhibere remedia, aut repetere: modo ea solemnia non sint.

\*\*\*\*\*

*De remedijs extraordinarijs.*

CAP. V.

**M**Orbi curantur remedijs ad phar-  
maciam, aut Chirurgiam, aut ad  
victus

viētus rationem, siue diætā pertinentibus, quæ propria appellantur Medicorum remedia : præter quæ multa extraordinaria vsurpantur, qualia sunt vota, præcationes, Dæmonum præstigia, suffigurationes astronomorum, & ea omnia quæ imaginationem cōmouendo vim remedij obtinent.

Vota, & præcationes in morbis sanādis non tantū catholici approbarunt, quorum Ecclesia quotidie in ægrorum salutē fundit preces Deo, sed & Hipp. qui libro de morbo sacro scribit *si quid contingat aliquem pati, oportet cupere id à Deo purgari & purum effici. Deus nāq;* inquit, *est qui maxima, ac sceleratissima peccata purgat, & liberatio nostra existit.* Et lib. de insomnijs *in morbis Deos inuocare conducibile est imprimis; & oportet ijs inuocatis manū in super operi ad mouere, in quo opere numen est.* Et in libro de elegantia Medici scribit, *omnes morbos, quos medicina vincit, ope Deorū vincit:* omnes in morbis opem diuinā facilē implorant, vota multa faciunt : poenitere autem, & peccata fateri, quo gratia diuina co-  
rum

rum mentibus illucescat, morbos sanatura, pauci volunt: hoc enim nescio quid parum deuotis horroris adfert, quod mortis cogitationem adferat, cuius memoria, vt & reliquorum nouissimorum, à peccatis nos abducit.

Præstigia demonum sunt euitanda Christianis, nullumque commercium cum illis habendum est, Christi iussu. Tamē reperiuntur infiniti propè, qui vt possint recuperare rē amissam ad Ariolos cacodæmonum Ministros confugiunt: quid eos sanitatis causa facturos existimandū est? De configurationibus astronomorum ita loquitur Ptolomeus sententia 9. centiloquij, *vultus huius mundi inferioris subditi sunt configurationibus cælestibus, atque ideo sapientes astrologi, quo imagines conficiant, aspiciant stellarum introitum in cælestes domos, & tunc operabuntur.* Alhy Arabs com. in eam sent. multa experimenta recenset: quibus non esse fidendum disputauimus in libello cōtra astronomos gallico idiomate edito. Reliquum est, vt de ijs quæ imaginationis vi, sanandi potestatem obtinent, disse-



differramus.

Imaginationem magnam vim habere in nostra corpora probauimus, cū ageremus de maculis quæ in corporibus natorum conspiciuntur ortis, à vehementi matris desiderio, & imaginatione. Quocirca magnam in morbis vim habere imaginationem ingenuè fateri possumus.

Opinio, seu imaginatio quam æger de suo familiari Medico cōcepit, vtilissima est illi. Etenim ille (inquit Gal.) plures sanat in quē plures sperāt & cui cōfidūt: quod vt exequi possit Medicus de se cōcitare debet bonam opinionē doctrina, bonis moribus, & præstantissimis artis operibus, non ad superbiam, & fastum, vt plerique solent, sed ad ægrorum salutem, & ad Dei gloriam: quod vt assequi possit consulat Hipp. lib. de Medico, & de elegantia Medici.

In alienationib⁹ mētis Medicus debet ægrorum opinioni, & imaginationi sese accomodare. Deinde ingeniosè, & prudenter exogitare illa quæ cum possunt distrahere ab opinione conceptā.

P                      Ea

Ea ratione Philodorus Medicus capiti eius, qui caput amputatū sibi esse credebatur, pileum imposuit plumbeū, cuius grauitatem sentiens, caput se recepisse putauit. Aliqui affectus curantur commotis subito animi passionibus: vt singultus repentino aliquo terrore sedari notissimum est in sanis. Podagra laborantes, & paraliticos subito aliquo incendio, ruina ædificij, aut metu occisionis curatos legimus. Noui vetulam quæ diu hemiplegia in lecto correpta decubuerat in villa turris Seoni ad litus Massiliense, quæ audito rumore aduentantium Turcarum è lecto confestim surrecta, ad turrin quæ erat proxima se vtrò contulit, scalamque sexaginta graduum scandit, vt mortis, aut seruitutis periculum euitaret. Ferunt Cardanum post celebrata omnia remedia quæ ad sanguinis profluvium sistendum conferre posse videbantur, timore mortis incusso, ægrum profluvio sanguinis, & mortis periculo liberauisse. Multa suadentur ab imperitis ægrorum corporibus apponenda, quæ  
si caco-

si cacodæmonum opera non fuerint comparata, ea debet permittere Medicus, uti sunt appensiones sacrarum rerum, quæ virtute diuina profunt.



*De regulis generalibus methodi medendi.*

CAP. VI.

**T**O T A ferè difficultas curationis morborum in methodo consistit, Quilibet enim ædificij materiam inuenire, & congerere potest: sed congestam disponere, solius est artificis periti. Remedia innumera passim reperiuntur: verùm illa methodicè disponere is tantùm nouit, qui regulas methodi ad vnguem tenet. Certè quid agendum sit indicantia demonstrant: quo autem ordine in agendo sit progrediendum regulæ methodi patefaciunt, quæ pendent ex eorum relatione quæ ad primũ aliquod tanquam ad scopum referuntur: ut in medendo, quia vltimus scopus est sanitas, remedia suum obtinebunt

bunt locum, prout faciunt ad sanandū: quam ob causam in hoc capite aliquot describemus regulas, quibus in medēdo methodicè, quasi manu ducemur, idest, in disponendis cettò ordine remedijs,

Quarum prima est, generalia remedia, particularibus, & topicis sunt anteponenda. Generalia vocamus remedia, quæ pertinent ad totum corpus. Particularia verò quæ partem solam respiciunt: secus enim qui faceret, ad locum affectum, maior copia materiæ attraheretur vt si iecur affectū esset, & illi imprimis topica remedia applicarentur, attraherentur ad illud humores corrupti, qui augerent morbum. Conceditur tamen aliquādo vt simul, & semel præscribantur generalia remedia cum particularib⁹, vel topicis, vt in vlcere meatus vrinarij, à pituita salsa nato, cum ei præscribūtur generalia remedia, potest etiam parari eodem tēpore iniectio ex lacte, vel decocto hordei ad demulcēdam acrimoniam vrinæ, doloremque sedandum. Quod etiam interpretari debet

debet quoties causa morbi, & læsio nō sunt in eadem parte, vt in affectibus per consensum. Siquidem caput doleat per consensum ventriculi, aut altarum partium vt pote vteri, renum, iecoris, poterimus simul generalia præscribere remedia, & capiti per consensum affecto etiam remedia applicare. Cum verò causa læsionis, & læsio ipsa sunt in eadē parte; semper non possunt simul exhiberi omnia remedia, vt de iccore inflāmato superiùs dicebamus.

Secunda, Gal. scribit si quis egeat purgatione, & sanguinis missione; à sanguinis detractione auspicandum esse curationem neminem latet. Auicennas cap. de curatione synochi putris apposuit cautionem, nimirum sanguinis detractionem inprimis necessariam esse, nisi adsit repletio vomitiua, vel nauseatiua, idest, nisi ventriculus prauitate peculiari humorum laboret: nam venæ exhaustæ sanguine vitiosos attrahunt humores, è ventriculo, ideo tunc temporis purgatio, sanguinis detractionem antecedit: hæc autem regula ita proba-

ri potest, Sanguinis detractio aufert obstructions, ex quo fit vt medicamentũ facilius per venas meare possit. Adde quod parte aliqua oneris, vel humoris leuata, medicamentum subsequens facilius humores corruptos excludit.

3. Regula. In obstructionibus à venæ sectione auspicandum esse scribit Gal. eap. 4. lib. 8. methodi medendi.

4. Regula. Si ex humoribus aliquis præter sanguinem redūdauerit, aut cōputruerit, aut exigua fuerit sanguinis boni substantia, aliorum humorum copia superante, tum primũ ab alui deiectione incipiemus euacuationem. Id confirmatur eiusdem sentētia in lib. de medicamētis facile parabilibus, in curatione coxendicis; *in cura doloris inquit coxendicis si multus fuerit infestans humor, purgatione primò utendum est humoris affligentis. Si verò plethoricum fuerit corpus, primum omnium suscipienda est phlebotomia.* Ceterum cum melancholicus succus in expurgatione propter crassitatē sit cōtumax, à venæ sectione est incipiendum. Quo consilio lib. 2. ad Glauconem

conem Galenus in curatione Cancri, & Elephantiasis ab ea auspicatur.

Quinta regula, Humores sunt primò præparandi, deinde purgandi ex Hipp. in aph. 22. l. 1. in lib. de victus ratione in morbis acutis. Nam qui purgāt crudos humores, duo inuehunt incommoda: primò calorem coquentem, & præparantem resoluunt: secundò mouent, & non purgant, variaque mala symptomatica excitant.

Sexta. Ea sunt primò adhibenda remedia, sine quibus sequentia incōmodi aliquid afferent, sententia plurimorum praxim exercentiū: vt clyster exhibendus est ante sanguinis detractionem, ne humores feculenti qui in intestinis stabulantur à venis exhaustis attrahātur.

Septim. A remotione causæ morbificæ est auspicandum, nisi quid impēdiat: vt quando violētia symptomatū deducimur à causæ curatione, ad curationem symptomatis, ob periculū imminens à symptomate: vt si in febre magna oritur ingēs dolor, relicta curatione causæ febrē excitātis cōuertem⁹ nos ad dolorē

sedandum, quia ab illo dolore maius impendet periculum,quàm à causa febris.

Octava. Cum plures causæ sibi inuicem subordinatæ morbum aliquem procreant,ducendum medicationis initium à remotiori: vt si putredo causa febris extiterit: huius autem obstructio, ob prohibitionem perspirationis, siue euētillationis, primò obstructio est auferenda; deinde putredo tollenda.

Nona. A benignioribus remedijs est auspicandum, quādo diuersorum graduum medicamenta sunt ægris exhibenda, nisi morbi magnitudo nos cogat in principio vsurpare extrema remedia, cum vires ferre possunt.

Decima. In morborum, ac affectuum contemplatione inquit Gal. 17. meth. cap. 12. primò perpendendum est, à quo discrimen egro maximè impendere videatur. Secundo loco quod ex his causæ rationem obtineat, & quæ ab ipsis efficiantur. Tertiò quæ sanari ante alia possunt: ijs enim adinaduersis, ad id quod magis vrget, primum dirigi consilium



filium curantis debet. Vbi verò aliud efficiens est, aliud quod ab eo efficitur, ipsa causa primò spectanda est. At vbi curari hoc ante illud non licet: ad id quod ordo dicat respiciendum est: vt si in hydropico vlcus fuerit natum, quia illud nō potest curari superstitie hydrope (nam hydropz semper humectat proindeque impedit exsiccationem vlcis, in qua cōsistit eius curatio) ab hydrope est auspicanda illa curatio.

Vndecima. Cum plures cōplicantur affectiones, inquit Gal. cap. 9. libro 3. tuendæ sanitatis, Commune consilium est, vt ei quod superat, & magis vrget, sis magis intentus, nec plânè quod reliquum est contemnas: proprium verò cum eo quod cōmune est, ab ipsis mēbratim affectionibus est accipiendum.



*Regule aliquot prudentis &  
veri Medici.*

# CAP. VII

1. **R**egula. Ea bona quæ in opere pratico medicinæ ex illis nascuntur

234 METHODVS CVRANDI  
tur quę bene, & appositę fiunt, ita futura ab imperitis existimantur, ac si ea facta non essent. Quę autem mala cōtingunt, artificii imputatur. Quare vituperij effugiēdi causa quilibet Medicus bene agere debet, potiusquā laudis spe.

2. Regula. Gal. lib. 12. metho. meden. cap. 1. scribit *satius esse spatium curari longiore quā breui viriliter mori: tuto itaque mederi oportet, & vires custodire: ubi quis ultra progreditur, crudelis exercet hominis officium, qui una cum morbo vitam quoque medio tollit: qui verò cubātis delicijs subscribit eiusque voluptatem non sanitatem sibi pro scopo assumit, adulator est Medicus.*

3. Regula. Gal. cap. 9. l. 11. metho. scribit, *in quo agro omnino desperata est salus, imprudentis consilij fuerit apud vulgares infamare remedia, quę multis fuisse salutaria.* Celsus in opere medico idem explicat, *infamāda nō sunt, inquit, remedia, quę multis auxilio fuerunt: in quo enim desperata sunt omnia, mors prædicēda est: & à remedijs abstinendum.*

4. Regula. Cum verò spes aliqua salutis adhuc elucet *satius est experiri aliquod reme-*

*remedium,quàm nullum:nam melior est dubia spes,quàm desperata salus.*

5. Cū verò aliquis morbi naturam ad amissim nō habet perspectam, illa medicamēta sunt vsurpāda, quę etsi morbum non tollant,& iuuare non possint, saltem non noceant.

6.Regula. Cum morbus est incurabilis,longus tamen futurus, ea sunt adhibenda medicamenta quę si morbum non auferant, saltem possint mitigare, & spe falsa mœrorem ægri leuare.

7.Rhasis in suo cōtinente,inquit *satius est paulo vehementioribus auxilijs naturę periclitāti opitulari,quā benignioribus vtēdo medicamentis,proditorem naturę haberi,cū scilicet vires ferāt: nam in earum debilitate nūquam magna remedia sunt adhibenda.*

8.*In corrigēdo malo habitu corporis,aut partijs alicui⁹,nūquam validis est vtendū remedijs,sed benignis,calorē excitātibusdurabilē, nō exsufflantib⁹ flāmam mox euanescentem.*

9.In lōgis morbis optima victus ratio pl⁹ prodest,quā exhibitio medicamētorū atq; in lōgis morbis diuersa remediorū genera

## 236 METHODVS CVRANDI

genera sunt perſcribenda: cum enim in illis faſtidioſi ſunt ægtotantes noua remedij forma oblectantur, & Medici ſagacitatem ſuſpiciunt & admitantur.

10. Regula. Continuo morbo, & perenni, cōtinuum debetur remedium: quale eſt emiſſarium ſiue fonticulus.

11. Virium corporis conſeruatio præſtantior eſt, quàm morbi depulſio.

12. Cum nimis tardè remedia adhibentur nihil aliud fit, quàm quæ tempore ſuſcepta contuliſſent, ſeriùs applicata non conferant, & infamentur.

13. *Omnia ſecundum rationem agentis, ſi ſecundum rationem non ſuccedant, non proſinus eſt tranſeundum ad aliud, ſtante eo quod ab initio viſum fuit, ex aph. 27. lib. 2.* nam ſi certa ſcientia, aut ſatis firma cōiectura morbus ſit cognitus, recta ratione inſtituitur curatio: quare ſi morbus non imminuatur, non ſunt contraria ſiue diuerſa experienda remedia, modo morbus idem perſtiterit: cauſa namque permanentiæ morbi ſita eſt, non in cauſarum ignoratione, aut parum docta remediorum applicatione, ſed

sed in morbi pertinacia: quare in ijsdē remedijs persistendum est.

14. Si verò quis assueverit alicui medicamento, ita ut ab eo non moueatur, ad aliud simile est facienda mutatio.

15. Cum verò leui coniectura, & infirma, merbus est cognitus, uti in principio luis veneræ nascentis, si priora remedia longo tempore adhibita non profuerint, ad contraria, vel diuersa est facienda mutatio.

16. Multo melius est paucis tutò ac fideliter medicari, quàm multis incertè & negligenter.

17. Vbi quis ex laudabili corporis habitu in vitiosum & penitus contrarium est lapsus, id ex maximis causis ortum esse putandum: ac propterea arduà omnino prouinciam ijs parari qui huiusmodi corpora ad pristinum ac naturalem statum perducere nituntur.

*De*

*De rebus Medicorum artem exercētium  
ex Hipp.l.de præceptionibus.*

## CAP. IX.

**H**ipp.li.de præceptionibus, de Medicis praxim exercentibus hæc scribit. *tolerabile malum videretur, si mercedem tantū caperent hi qui Medicina opera malè administrant: sed peius censeretur, quòd nulla culpa agroti medici imperitia accedat, perniciem ei allatura, cui ad intētum non sufficiens videbatur morbi violentia.* Probandus ille est magis praxeos exercēdi modus, qui fit cum utilitate, & mansuetudine, quàm cum pollicitatione, & excusatione sinistri euentus: solent namque pollicitores, & nugiuendulī sinistros euentus, quos ipsi pepererint excusare, cum nihil tamen prædixerint. Medicorum plerique malis nauium Gubernatoribus mihi similes videntur, qui si tranquillo mari nauem regant nemo eos peccare deprehendat: quòd si eos vehemens ventus aut tempestas oppresserit, iam omnibus manifestè constat eorum imperitia, & culpa nauem fuisse perditam. Ad hunc sanè modum improbi plerique Medici  
dum

dū leuiter affectos curant, in quibus vel grauissimi errores cōmissi nihil periculi pariunt (cum multi huiusmodi morbi ac longè frequentius, quàm grauiorez hominibus contingant) in his quidem si delinquant, plebeos latent. Vbi verò in magnum, vehementem, ac perniciosum morbum inciderint, ipsorum errores omnibus sunt cōspicui Bonus Medicus suæ æstimationis potiorem rationē habere debet, quā utilitatis: satius namque est à morbo liberatus exprobare, quàm malè affectos emungere. Quicumque enim est verus Medicus, is fide magis quā seueritate in medendo utetur: quandoq; etiā gratis curare debet, vel ob gratia memoriam, vel ob præsentem existimationem: quòd si occasio exercendæ liberalitatis ferendaq; opis se obtulerit, vel peregrino, vel egeno, hisce talib⁹ maximè opitulari debet. Si enim adfuerit erga homines amor, aderit etiā erga artem. Licetque agri sentiant morbū, quo afficiuntur esse lethale, tamen propter Medici probitatem, ac humanitatē sibi persuadēt se sanitati restitui posse. Nec verò se indecorē ille Medicus geret, qui in rei præsentis angustia, circa ægrum aliquem, imperitia tenebras circūfusus  
alios

## 240 METHODVS CVRANDI

alios quoq; accersiri iusserit, quo ex commu-  
 ni consideratione res circa agrum inquiran-  
 tur, ac cognoscantur, & illi ad presidiorum  
 facultatem operas suas conferant. Verus au-  
 tem Medicus nihil unquam ex invidia, vel  
 malevolentia proferet, aliqui impotens vi-  
 debitur: nam qui forenses quæstum sectan-  
 tur his moribus præditi esse solent, quibus  
 ab Hip. dictis Scribonius Largus addit,  
 inuidetia crimen malum est. Quod cum om-  
 nibus animantibus inuisum esse debet, tum  
 præcipuè Medicis, in quibus nisi plenus mise-  
 ricordia & humanitatis animus sit, secun-  
 dum ipsius professionis voluntatem, omnibus  
~~his~~, & hominibus inuisi esse debent.

EXER-





# EXERCITATIONES TRES, IN QVIBVS EX-

PRIMVNTVR IN SPECIE

ea quę in genere prius  
explicata sunt.

## DE PHRENITIDE.

### EXERCITATIO I.

**M**ENTIS alienatio perennis cum febre continua phrenitidem significat. Ea quę fit per consensum separatur à primatia, signis in generali methodo descriptis. Illa autem quę generatur à diaphragmate inflammato, licet febrem cōtinuam sociam habeat, & ferè perpetuam mentis alienationē, in hoc tamen distinguitur à primaria, quòd quę in cerebro primariam sedem occupat, paulatim producitur, magnā, & raram respirationem comitē habeat, & eam præcedant vigilię, dolores capitis, febres acutę, oculi squalidi, acres  
 Q lachry-

lachrymæ. In ea autē quæ in diaphragmate consistit, symptomata phrenitidis de-repente oriuntur, phrenitis est multo mitior, frequēs respiratio, quòd parua sit cum usu aucto, debeatque defectus magnitudinis compensari frequentia, cum celeritas non satis sit, reuulsio hypochondrij sursum facta in principio morbi. In primaria verò affectione, morbo iam progressio, & consistente, fit illa reuulsio, præterea vox acuta fit à contracto thorace.

Causa proxima phrenitidis primariæ est inflammatio meningum cerebri. Antecedens multiplex, sanguis biliosus, bilis mera, & atra bilis, quorum signa ex generali capite de signis humorum præter naturam quærenda sunt; quædam tamen hîc apponenda ob febrem adiunctam.

A bile phrenitis orta habet comitē linguam asperam quæ morbi progressu fit nigra: rixa continua à vellicatione meningum cerebri.

Flaua bilis in atram progressu temporis degenerat adustione, cuius conuersio-

versionis signa sunt, rixæ perpetuæ feroces, festucarum inanis perquisitio, oculorum peruersio ferina, denique talis mentis alienatio, in qua calcitrat æger, clamat, pedibus impetit quoscunque, mordet, & putat familiares amicos sibi esse coniuratos hostes, quæ non tantum morbi causam significant, sed magnitudinem affectus ostendunt. Neq; tantum est magna phrenitis, symptomatis enumeratis, sed & partis primariæ, nempe cerebri affectu.

Cum sanguis causa est phrenitidis adsunt signa dominantis sanguinis, in somnia perspicua, & ordinata. Præterea risus, & hæc durabilis non est: nam citò ex sanguine inflammato fit bilis, aut atra bilis: hæc signa paruam illam ostendunt, & mitem: *Nam desipientia cum risu minus molesta sunt*, ex Hipp. aph. 53. lib. 6.

Omnis phrenitis cum ferina alienatione mentis ab atra bile nata maligna est: eius præterea malignitatem ostendunt albæ deiectiones, à bilis priuatione, quæ tota rapitur ad cerebrum, ignauia, torpor, rigor, fletus perpetuus, ri-

xandi perpetuum desiderium, sanguinis è naribus stillicidium nigrum.

Morbus est acutissimus, celerrimus namque, continuus, & cum periculo, Tamen Hip. 3. epidem. quosdam phreniticos ad vigesimum peruenisse diem, alios ad vigesimum tertium, & vigesimum quartum scribit: mutata morbi natura ex acuto simpliciter dicto in acutum ex decidentia.

Prognosis phrenitidis consistit in ea futura prædicenda, in mutatione in alium morbum, in morte, aut salute.

Phrenitidis futuræ signa à Tralliano hæc descripta sunt *ager insilit, somniorum imaginationibus detinetur horrificis, futura se posse prædicere putat, obliuiscitur eorum quæ dicuntur, respondet cum ferocitate, & iracundia, frequentem habet respirationem, pulsus paruos, & duros, & occipitio frequenter dolet.* Sed Hipp. alia profert prognostica grauiora: *Lingua aspera, & multum sicca phrenitica, ex coacis: per sympathiã cum cerebro æstu incandescente.*

*Item contremiscere, ac stultè palpare manibus phreniticum est, inquit Hip. in iisdem coacis,*

coacis, ex malè affecto cerebro læsisq;  
animalibus facultatibus. Quare aut iã  
adeſt phrenitis aut mox futura eſt.

Phrenitis poteſt mutari in conuulſio-  
nem.& tremorẽ, quorũ ſigna ſunt pal-  
pitatio multa mēbrorum à flatu, flatus  
verò à debili calore, ſtridor dentiũ non  
conſuetus, oculorũ contortio, colli per-  
uerſio, bibere cum ſtrepitu, ex coacis.

Conuerti etiã poteſt in apoplexiam  
aut ſponte, aut Medici errore vtentis  
nimis refrigerantibus, & ſtupefacienti-  
bus medicamentis. Sponte naturæ fit  
quando frigida intemperies ſuccedit  
calidæ, ob caloris innati diſſipationem  
à calore præter naturam, quæ mortalis  
eſt. Cuius cōuerſionis ſigna ſunt, ſom-  
nus, & torpor profundus. Auicennas  
exiſtimauit poſſe cōuerſi in hecticam:  
ſed nomine hecticæ non eſt intelligen-  
da febris hectica: ſed hectica diſpoſitio.  
hoc explicauit Gal. comm. in ſent. 33. l. 1.  
porrhetici, inquit, enim *in phrenitide ex  
bilioſo ſucco ortum ducente, cum iſe ſuccus  
in cerebrum decubuerit, principio quidem  
qualitate ipſius, nondum toti corpori cerebri*

Q 3 per-

*permixta, tumultuosa fiunt desipientia: progressu vero temporis simile quidpiam contrahitur lanis, quæ tincturam receperunt: nam hæ tincturam retinent, non secus, ac proprium colorem & nativum. Talis igitur cerebri veluti tinctura desipientiam hecticam habet, atque ob id affectio horum ut febrium hecticarum, prava est. Signa huius permutationis prodit Auicennas, profunditatem oculorum, extenuationem totius corporis, paruum pulsum, & durum.*

*Quæ in phrenitide memorantur insomnia, bonum denuntiant, ex coacis prænot. Quia somnia sint argumentum somni: at ex somno conijcitur placatio phrenitidis: ex reminiscencia, memoriæ bona constitutio, quæ omnia in bonis ducenda sunt.*

*In phrenitide alba deiectiones, priuatione biliosi humoris non per obstructionem ductus cholidochi ad intestinum delati, sed per raptum humorum in cerebrum: & corporis exolutio, non à madefactione principij nervorum, sed à dissoluta animali facultate motrice, graue malum*

*malum est*, labefactato cerebro neruorum principio, à quo natura motus, & sensus commoda capiebat. *Sed longè grauius si rigor accesserit*, ex superioribus enim constat, ægrum esse debilem: & *rigor, ægro existente debili, lethalis*. Nec potest esse criticus hic rigor cum exolutione. Ergo longè grauius malum significatur.

*Phrenitici parum, & rarò bibentes, idque cum strepitu: tandem cōuelluntur & contremiscunt*, rarò & parum bibunt, non irrigata parte illa in qua sitis sedes est, ab humore seroso labente, è superioribus partibus, aut per eam transeunte, sputando, vel excreando: sed deprauatione sensus communis, vnde rei molestæ sentio non excitatur, nisi rarò, quando accedit scilicet causa sitifera magna, quæ moueat phantasiam ad desiderium humidi. Cum strepitu verò bibunt male dispositis musculis faucium, & in officio deglutiendi laborantibus, ob siccitatem, & inceptam conuulsionem. Tremunt verò quia debilitatur facultas mouens, ita vt iam cum parte mo-

## 248 EXERCITATIO I.

uenda æquali robore pugnet. Conuelluntur autem ob nimiam siccitatem.

*Egregij tremores phreniticorum, etiam malum denuntiant.* Nam tremor est symptoma cerebri alienati: à priuatione autem habitus denuò nō comparatur. Ergo mors necessariò consequitur.

*In phreniticis lingua obtremiscentes, malum,* ex 20 sent. prioris prorrhethici: indicant enim, vt scribit Gal. coment. in eū locum, imbecillitatē facultatis animalis. At omnis debilitas cuiuscunque facultatis in malis est ducenda.

*Si in phreniticis cum perfrigeratione extremitatum adsit sputatio, nigra vomuntur,* ex Hipp. sent. 31. lib. 1. prorrhetic. Sputatio quidem vomitus est prænuntia, inquit Gal. perfrigeratio autem extremitatum, siue superficiē corporis significat humoris vomendi qualitatem. Nam cum retrahat corporis calorem innatū ad se, malignus sit oportet ille humor, & attrabilarius.

*Vrina alba, & tenuis in phrenitide mortis signum est,* inquit Gal. comm. in aph. 22. lib. 4. in quo etiam profert hæc verba.



verba. *Nullum vidi phreniticum in quo apparuerit urina alba, & tenuis, qui conuulserit: quod significetur raptus humoris biliosi totius corporis ad cerebrum à quo dissipatur omnes facultates animales, vnde mors sequitur.*

Crisis laudabilis in phrenitide fit per sudores: per profluuium sanguinis è naribus, quorum signa in generali prognosi quærenda sunt.

*De indicationibus communibus seruandis in curatione omnis inflammationis internæ, ex*

*Gal. cap. 6. lib. 13.*

*methodi mendi.*

Communis, & prima indicatio omnis phlegmones est euacuatio materiæ in phlegmone conceptæ: *nam morbi qui contingunt repletionem curantur euacuatione* ex aph. 22. l. 2. Sed distinguendum. Nam inflammatio aut fit, aut iam facta est. In ea quæ fit, indicatio est prohibitio confluentis humoris in locum affectum.

Q 5 In-

Inhibetur autem commodè si causam ipsius fluxionis inuenerimus, quæ est duplex origine. Oritur enim aut ab ipsa parte phlegmone obfessa: aut ab alia, vel ab alijs partib<sup>9</sup>, vel ex toto corpore. Ex ipsa parte, quoties aut calidior facta aut dolore afficitur. Ex alia, vel ex alijs partibus, cum vna pars mittit ad inflamatam, aut plures, aut totum corpus. Verum inflammatio, aut est internarum partium, aut externarum: hoc loco de interna verba facere nobis est constitutum. Quæ phlegmone, aut inflammatio adhuc in generatione est, eius causas prius abscindere, quam omnino generetur oportet. Eius verò quæ iam facta est, causas curare. Si ergo dolor adsit, ipsum sedare conuenit. Si nimia caliditas sentiatur, eam contrarijs expedit oppugnare. Si verò plethoricum sit corpus, detrahare sanguinem. Si denique adsit cacochymia eaque quiescens, purgare humores peccantes. Euacuationes verò fiant per reuulsiones necesse est. Quare si in partibus inferioris ventris inflammatio fuerit, deiectionis medicamentis

mentis vti non conuenit, vt si in vrinarijs instrumentis extiterit medicamento diuretico, vel vrinas prouocante. Si in vtero, medicamento menses ducente: sed potiùs vomitorijs. De sanguinis missione idem est intelligendum. Eodẽ tempore si necessaria sit percussio, oportet applicare medicamenta repellẽtia. Si verò sanguis sit vehementer parti impactus, non est amplius percutiendum, sed discutiendum.

*De victus ratione.*

Victus ratio est instituenda contraria morbo: sed controuertunt Medici de aëris qualitate in phrenitide curanda. Alij namque expetunt aërem frigidum: alij temperatum quòd frigidus repellat adsitque febris cõtina, & magna & fuliginosorũ excremẽtorum copia. Verũ natura morbi spectanda est, & vnde maior accedit vtilitas. Certè maiorem consequimur vtilitatem ex refrigeratione cordis, pulmonum, & cerebri, quàm sit incommoditas nata  
ex

ex pauca retentione fuliginosi excrementi: rectum verò caput esse debet. Adde quod reperiuntur in principio imperantur, ut postea docebitur. Quare in principio saltem aër sit frigidus oportet, in alijs verò temporibus, ut in statu, aut morbi declinatione, min⁹ frigid⁹, prout erit necesse. Parabitur ergo frigid⁹ respiratione aquę frigide, herbis, folijs frigidis, & alijs quę docuim⁹ ca. de cephalalgia. Cauendū est ōne suffumigium qualecunq; sit, quia replet caput.

Celsus arbitratur ex veterū sententia, illos in tenebroso aëre detinēdos esse: Asclepiades cōtrā, in luminoso: quoniam tenebrę exterrēt. Verūm Aëtius scribit, Qui ad lucis splendorem resipiscunt, in lucido degant aëre. At qui ad lucē in furorem excitātur, tenebrosa domo decumbant. Cui quidē sententię tādē subscripsit Celsus his verbis, *optimum est, inquit, utrumq; experiri, & habere eum, qui tenebras horret, in luce: & eum qui lucem, in tenebris: & ubi nullum est tale discrimen ager si vires habet detineatur in loco lucido: si verò non habeat, in loco obscuro,*

conti-

*continendus est.* Siquidem in luce versari possit, picturis locus careat necesse est, diuersam enim imaginationē inducūt picturæ, ex quibus mentis alienatio augetur. Contingit autem non tantum ex cōspectu imaginum diuersa cogitatio: sed etiā ex quibusdā lineamentis in parietib⁹ impressis: ex his enim debilitate quadā imaginatricis, fingunt ægri multas figuras, & varias quarū contēplatione animus defatigatur, & alienatio mētis crescit. Moueri nullo modo debet eger: sed poti⁹ in quiete teneri, aut ligari. Nam motus corpora siccat, & humores cōmouet. Quies verò humectat. Sōnus in hoc morbo omni artificio est cōsiliandus: de quo ca. de vigilijs. Proprietate tamen prodest ex Alexādro Benedicto, succ⁹ peusedani, cū aceto mixtus, & infusus capiti. Itē succus florū Anagallidis cæruleæ, mixtus aceto, ex eodem Benedicto. Idē inquit, Verustiores Medici pecudū vtpote veruecis, lupi, vulpis pulmones calidos præferebant capiti derafo alligatos, & inueteratos terrestres erinaſcei carnes, & castratorum testes,

testes, cum oleo rosaceo, & succo pseudani.

Euitentur omnia animi pathemata præter lætitiā mediocrem. Quare fugiatur conspectus inimicorum. Sūt qui musica harmonia placantur, quod experti fuimus in nobilissimo & generosissimo. D. de la Verdiere: qui cū sæuissima & lethali phrenitide discruciaretur suauissimo concentu ita afficiebatur, ut phrenitide priuatus videretur: ea verò harmonia deficiente rursus in præstinū furorem agebatur. *Moderatio in cibo adhibenda est: nam neque est implendus æger, ne magis insaniat: nec ieiunio utique vexandus, ne præ imbecillitate in cardiacam incidat, inquit, celsus: ne ieiunio calefiat, & exsiccentur magis, ac magis humores.* Quare ptisana exhibeatur, si vires sint robustæ. In viriutū debilitate detur caro vitulina, hædina, pullorum, gallinæ, cum seminibus frigidis, & oxalide. Hæc sæpius frustra præscribuntur, quòd à mēte captis respuantur obstinatè & cū respuant omnis generis præsidia, cogendi sunt ad cibos, & ad potum aperto ore

ore instrumento proprio, naribus compressis, ut melius deglutiant. Exsiccantur enim, & dissipantur ob violentiam morbi. Hipp. lib. 3. cap. 9. de morbis scribit *humidas potiones phrenitico convenire (excepto vino) quia vinum est phreniticis inimicum*; tamen in summa debilitate vinum aquosum dandum est, quod lib. de victus ratione in morbis acutis scribit Hipp. Hoc confirmat Trallianus cū ait, *vinum, quod sitim restinguat dare phreniticis audendum est, in quibus multa urget vigilia, & vires imbecilles: febres autem non habeant vehementiam, & ardorem, & cōcoctio quadam appareat in urinis*: atque ijs præsertim dandum est, qui vino meraciore uti consueverunt, & qui orificium ventriculi imbecillius, & frigidius habent. In his enim vires refocillat, mores ferinos in mitiores mutat, somnumq; conciliat.

Num autem aqua frigida phreniticis sit exhibenda quærunt Medici. Auicēnas non esse dandam vehementer frigidam scripsit. Azaravius contrà, cui assentitur Rhasis li. diuisionum. Danda est aqua quæ non sit nimis frigida, quia  
noce-

noceret membris sua natura frigidis scilicet, meningibus: nec calida, quia non conuenit curationi. Quare aquam hordei præbere oportet, vinum granatorum, aquam decoctionis radicis acetosæ mixtam cum syrupo de limonibus, aut alio simili. Et quoniam in phrenitide causa est sitifera, nempe calida sicca, licet sitim non percipiant ut plurimum, propter mentis alienationem, idcirco sitis sedandæ gratia, aliqua describemus remedia.

Aquæ laudabilis potus sitim sedat, quæ aqua redditur melior agitatione, transcolatione, seu crebra transfusione: motus namque tenuiorem illam reddit: tum iniecto panis frustulo, tum leui coctura, ut terrestris portio separetur, tenuiorque aqua efficiatur. Nam diuturniori coctione pars tenuior dissipatur, nec pristinam suauitatem retinet: *hac facile permeat, nec retinetur in ventre, nec bilefcit ut cruda*, ex Hipp. lib. de vict. rat. in acutis. Si nausea, aut animi defectio ægrum exerceat, vel sit compescendus humorum feruor maximus, in ea



in ea debent coqui grana aliqua mali punici, aut arancij, vel eiusdem pulpa: vva acerba, aut baccæ berberis, aut radices oxalidis. Componuntur ad eandem rem multa medicamenta.

℞ aquæ rosarum ℥ j. sacchari clarificati ℥.iiij. bulliant lente igne, misceantur cum duplo aquæ coctæ infrigidatæ: addantur syrupi de limonibus, de agresta, granato. um, acetosus, & similes. Decoctio seminum frigidorum maiorum sedat mirificè sitim. vt

℞ seminum frigidorum maiorum ℥.ij. includantur nodulo, & coquantur in aqua, quæ colata frigida exhibeatur. Longius scribit laminam ex auro lingue impositam ardorem & feruorem eius compescere. vel

℞ mucilaginis granorum psyllij aqua tepida macerati, mucilaginis cytoniorum añ ℥.iiij. vini granatorum ℥.ij. sacchari candi ℥.j. β. amyli parum: contendantur in mortario: fiat lohoc: si volueris ad Iulep redigere, adde aquæ portulacæ, & endiuiz añ. q. β. coquantur lente, deinde clarificentur. Capiat ℥.iiij vel iiij.

R

Portu-

Portulacæ folia super lingua detenta sitim sedant. Crytallus ore detentus idem præstat, subinde frigida aqua immersus. Lapis alectorius in caponis antiqui stomacho repertus, sedat omnem sitim.

Si plethora adsit cum virium robore; aut influxus in partem affectam fiat, præmisso clystere remolliente, aut si urgeat necessitas, sanguinis missio statim, deplendi causa, aut deriuandi, aut reuellendi.

Verùm in erysipelate meningum cerebri parcius detrahatur, quàm in phlegmone. Qui enim in eo abstinendum omnino putant sanguinis missione, aberrant. Nam proportionem seruata plus educitur bilis quàm sanguinis, quia tenuior est bilis: tum quia natura molestantem materiam, aut humorem foras excludere nititur: insuper cum sanguis ferueat, & bilis, detractiōe vtriusque magis refrigeratur arger. Ad diuersionem columbas viuas pedibus apponendas censet Forestus: frictiones, & ligaturas extremitatibus: cucurbitulæ sunt etiam

etiam ex vfu.

Quæritur autem quæ vena secanda fit. Acrius suadet mediam cubiti. Paulus simpliciter ex cubito sanguinem detrahendum esse. Trallianus ex vena frontis, si non possit cubiti vena secari. Rhafis, & Auicennas ex cephalica detrahendum putant. Alij basilicam esse aperiendam censent. Nonnulli saphænam. Verùm illæ omnes venæ aperiuntur non sine ratione ob diuerfas indicationes. Nam ex Auicenna, si maxima fuerit in capite sanguinis redundantia, cephalica tundenda est: si minor, media, si parua basilica. Sed satius est ex loco ducere distinctionē. Est quia phrenitis affectio est interna cerebri, basilica est tundenda ob maiorem consensum: at si nulla possit aperiri in brachio propter ægri ferocitatem, tundenda est vena frontis. Vena autem saphæna aperienda est cum menses suppressi, aut hæmorrhoides sūt causa antecedēs videat nū ita dicendū antecedēs phrenitidis.

Non omittendum, si hypoglottides, id est venę linguę possint aperiri, earum

R 2

aper-

apertionem maximum afferre commodum, post generalia remedia.

De tempore venæ secundæ statuendū est, vt descripsimus capite generali. Oportet verò paruum foramē efficere metu effluxionis sanguinis.

De purgatione verò licet Græci nullam fere mentionem fecerint, quòd carerent benignis medicamentis quibus nos abundamus, nam vchementia medicamenta non conueniunt: Arabes verò benignis cholagogis educendos esse biliosos humores scribunt, vt cassia, tamarindis, syrupo rosarum solutiuo electuario lenitiuo, diapruno simplici, & similibus. Nam licet phrenitis sanguinea esse possit, semper aliquid bilis habet admixtum: quare in principio morbi, post sanguinis missionem ℞. rhabar. electi infusi in aquæ endiuia, ver cicho. vel portul. ʒ. ij. expressioni adde lenitiui Nicolai ʒ. j. syrup. rosarū solutiui ʒ. ij. fiat pot⁹, exhibeatur. Deinde præparetur iulepis, syrupis, & aposematibus descriptis capite de intemperie cerebri calida. Si fuerit biliosa ijsdē  
purge-

purgetur, additis tamarindis. vt R̃. lactuce, endiuie, scariolæ, cichorij ana. m. j. betonicæ m. β. seminum frigidorum maiorum ʒ. iij. florum violarum nenupharis, rosarum añ. pug. ij. prunorū accidorū ʒ. j. fiat decoctio: in colaturæ parte vna infunde rhabar. electi ʒ. j. β. expressioni adde tamarindorum ʒ. j. syrupi rosarum solutiui ʒ. ij. Sūt qui egrè purgātur, quibus cum superioribus exhiberi oportet diaprui solutiui ʒ. β. ad summum. Diacrydiata enim inflammationibus præsertim internis infesta esse solent. Si bilis, temporis progressu, vertatur in atram bilem, superiori decoctioni adde senę orientalis ʒ. j. vel. ʒ. j. β. epithymi ʒ. β. anisi, fœniculi ana. ʒ. β. paretur vt descriptum est.

Quo tempore applicantur remedia generalia, oportet capiti applicare repercutientia, iudicio omnium praxim exercentium. At diximus in magnis febribus nō esse vtendū repercutientibus cerebro applicatis, ne fuliginosa excrementa retineātur. Respōdemus, in phrenitide in qua omni artificio somnus est

R 3 concī-

conciliandus repercutientia conuenire quia plus afferunt commodi quàm incommoditatis, admiscendo semper ea quæ corroborant cerebrum.

In augmento morbi resoluentia medicamenta sunt miscēda repercutientibus dispari quantitate. vt R<sup>x</sup> olei violati ℥.iiij. chamomellini, anethi añ. ℥.j. β. milceantur, & capiti applicentur.

In statu, æquali pondere vsurpentur.

In declinatione sola resoluentia, vt oleum chamomellinum solum, anethinum, fœniculi per infusionem, aut decoctum aliquod cōueniens. Ergo tempore incrementi R<sup>x</sup> folliorum lactuæ, oxalidis, cichorij, origani, calamenti, betonicæ, stæchados añ m. j. seminum papaueris albi, cucurbite, anisi, fœniculi añ ℥. iij. florum rosarum, anthos violarum, nymphææ añ. m. β. fiat decoctio pro fomētatione capitis. Maior autem debet esse quantitas resoluentium, propter aquæ frigiditatem in qua fit decoctio. In declinatione, sola calida sunt vsurpanda. Discussa omnino materia, metu intemperiei relictæ, oportet vti  
medi-

medicamentis quę descripsimus ad intemperiem cerebri calidam & siccam depellendam.

Phrenitici, quod mente laborēt, urinam retinent, nec expellūt. Si ergo urina retineatur, prouocanda est ijs retinendijs quę extrinsecus apponuntur; aut sumuntur. Oportet autem diuretica calida euitare, ne malum augeatur. Quare exhibeantur semina frigida, nimirū maiora, vel minora gummi prunorum cum decoctione seminum, vel cum aquis ononidis, saxifragę, cristę marinę. vt

R. Seminum frigidorum maiorum ʒ. j. decoquantur, in colaturę ʒ. vj. Dissolue gummi prunorum ʒ. j. vel pulueris cicadarū siccarum ʒ. ij. vel. vitri crystallini calcinati vt artis est ʒ. j. Possunt iidem pulueres misceri cum eadem quātitate aque ononidis, saxifragę, cristę marinę: extrinsecus verò plura applicantur. vt

R. pinguedines cuniculi ʒ. j. olei scorpionis ʒ. ij. misceantur fusione; & vngatur regio vescicę.

Fotus paratur hoc modo ℞. parietariæ, ononidis, ana. m. j. β. petroselinicum toto m. j. fiat decoctio ad lb. j. in qua dissolue olei Scorpionis ʒ. iij. fiat fomentatio perinæ, vel sumini applicanda.

De pleuritide, seu dolore lateris.

## EXERCITATIO II.

**L**atus communi appellatione est tota costarum regio dextra, & sinistra à clauibus ad hypochondria. Lateris ergo dolor dicitur à parte quam occupat, & à symptomate. Is multiplex est: alius namque generis appellationem retinet, & lateris dolor appellatur. Alius simpliciter pleuritis à parte affecta. Est namque vera pleuritis inflammatio membranæ costas succingentis, pleura appellatur. Quæ quidem detegitur lateris dolore punctorio, quo distinguitur à peripneumonia, febre continua, tussi, & respirationis difficultate & pulsu duro. Pungitur pleura ab humore illi infixio. Febris producitur symptomatice ob vicinitatem cordis. Tussis pedit à mole-



molestia humoris sollicitantis, & stimulat̃is partem affectam ad expulsionem. Difficultas respirationis nascitur à læsione spiritalium instrumentorum: duricies pulsus manat à membranę affectu inflammatorio.

Pleuritis notha febrem vt plurimū non habet comitem, vt quæ ortum ducat à flatibus, qui è parte in partem facile mutantur.

Vera pleuritis, licet sit semper affectio pleuræ, tamen ratione situs, & loci materiæ dicitur aut interna, idest, impacta pleuræ, aut externa, quæ est in musculis intercostalibus.

In ea quæ est interna, præsertim cum ingens fuerit, ægri non possunt decumbere in latus aduersum, quia inflā-matio pendula, distentione dolorem auget. In externa verò non possunt cubare in latus affectum, & contactum externum ægrè ferunt.

Potest etiā cōcipi pleuritis aut in superiore parte pectoris, in qua dolor pertingit ad clauiculas, aut in inferiore in qua ad diaphragma porrigitur. Duret

doctissimus comm.in primum aph. cā:  
de pleuritide coacarum prognos. aliam  
instituit diuisionem pleuritidis ductā  
à venis per quas concitatur fluxio, ni-  
mirum intercostali, mammaria. Azygo  
& thoracica. Harum ratione pleuritis  
dicitur superior, inferior, antica, posli-  
ca, & dorsalis.

Pleuritis alia est primaria, alia alteri  
morbo succedit: & ratione materie di-  
uiditur in sāguineam, & biliosam: nam  
à pituita, & succo melancholico raro  
nasci solet. Inquit enim Hipp. in aph. 33.  
lib. 6. *qui accidum eructant raro pleuritide  
tentantur.* Hi autem sunt melancholici,  
& pituitosi; qui quidem duo humores  
sunt crassi: quare egrè possunt delabi in  
locū in quo pleuritis fit, & concipitur.  
Diuiditur etiam pleuritis, vt & mul-  
ti alij morbi, in siccam, in qua nihil ex-  
puitur: & in humidam, in qua expecto-  
ratur aliquid.

Item in pleuritidem dextri, & sinistri  
lateris. Hę diuisiones faciunt partim ad  
remediorum applicationem: partim ad  
prædictionē, vt paulo post dicetur: quo-  
circa

circa logicæ diuisiones dici nō debent.

Signa materiæ morbificæ vt plurimū trahuntur à sputis, quia sputa sunt signa epigenomena, siue symptomata post morbi speciem nata, in pleuritide, nec statim apparent. In principio itaq; venari conuenit indicia ex alijs, nimirum, etate, temperamento, excrementis alui, vrinis, victus ratione, anni tempore, & alijs, vt ex febris specie, & eius accidentibus.

- Magnitudo huius affectus ducitur ex magnitudine doloris febris, & difficultatis respirationis Gal. lib. de constitut. artis, pleuritidem magnam esse scribit, quæ & clauiculæ, & diaphragmati dolorem communicat.

Mos eius dignoscitur ex epigenomenis, quæ consistunt potissimum in sputi colore, odore, & consistentia, de quibus Egimus cap. de sputis in prognosticis, Stillicidium sāguinis in pleuritide malignitatis signum est. Significat enim irritationem naturæ non potentis expellere id totum quod noxium est, propter eius malignitatem. Item *bulla subli-  
uida*

*uida initio morbi in lingua nata, qualis à ferro in oleo intincto, in coacis prænot. Si molles fuerint dolores in principio, quinto verò, vel sexto die exacerbentur, pleuritis maligna est, ex coac. Significatur enim fluxio noua, quam vires debiles ferre non possunt.*

Motus signa in specie petuntur à gradu magnitudinis, & malignitatis: quo enim morbi sunt maiores, & maligniores, eo sūt breuiores, & acutiores, ab exortu sputi, nam quo citiùs sputa prodeunt, eo citiùs morbus finitur. Scribit enim Hippo. aph. 12. lib. 1. *In pleuritide si statim initio sputum appareat, breuem fore denunciat. Si verò posterius, longam. Huius etiam considerata coctio & cruditas.*

*Prognostica pleuritidis  
ex Hipp.*

Signa salutis sunt facilitas expectorationis, quæ contingit robore facultatis motricis, & materiæ sputi præparatione, & ductuum libertate: tum expectorationis celeritas: denique mixtio sputi ex flauo & purulento, quæ signifi-

gaificant robur naturæ pellentis, co-  
quentis, & miscentis, ex prognost. &  
coac.

*Pleuritides biliosa, & sanguinea simul,  
maximè sunt salutare, quòd hæ mate-  
riæ faciliè à natura subiugantur, & ex-  
pellantur subactæ: talesque ut pluri-  
mum nono, aut undecimo die iudicantur,  
ex Hippocrate.*

*Quibus pleuriticis initio interior pars  
lingue intro suffusa est, septimo die indi-  
catur. Quibus autem tertio, aut quarto, ad  
nonum circiter. Lingua verò bile tincta,  
biliosam esse pleuritidem ostendit, atq;  
ideo acutam, & celerem.*

Gal. comm. 3. ad ult. sentent. lib. 6. epi-  
demion scribit *moderatissimas esse pleu-  
ritides in quib⁹ cruentum expuitur*, ob ma-  
teriæ benignitatem.

Nonnunquam pleuritis solutione fi-  
nitur, per insensilem perspirationē, nul-  
la facta translatione materiæ morbificæ  
in aliā partem: cuius signa exsunt vi-  
rium robur, tenuitas materiæ, loci affe-  
cti raritas, ut in gracilib⁹, dolor extern⁹  
musculis infixus; doloris iminutio citra  
expe-

expectorationem, reliquorumque symptomatum, nullo suborto malo.

*Sputum in pleuriticis, siquidem tertio die incipiat coqui utcunque album, expuig, celerius absolvitur morbus; si verò post diem tertium, tardius: ex coac. Conuertitur nonnunquam pleuritis in empyema, cuius cōversionis signa à materiæ quantitate, & tempore describuntur ab Hip. in aph. 8. lib. 5. & in coac. prænotionibus cum inquit, Pleuritici qui 14. die non repurgantur superne, sunt empy.*

*Et quibus in principio morbi pleuriticis sputationes totæ purulenta fiunt, si quintum diem evaserint, nec tamen multo lenius habeant septimo, aut nono, purulensi fieri incipiunt. Dixit autem, si quintum diem evaserint: nam in superiore sententiæ parte dixetat, quibus pleuriticis initio totæ sputationes purulenta sunt, hi ut plurimum tertio, aut quinto die moriuntur, ob vehementem humorum corruptionem quæ parit malignitatem, ex qua mors sequitur.*

Cōmutatur etiam in peripneumoniam ex aph. 11. lib. 7. translata materia  
è loco

è loco priore in pulmones, ibique inflammationem committente, quæ cognoscitur priuatione doloris pungentis in latere, præsentia doloris grauantis in pulmone, quæ translatio funesta est: cum morbus acutus succedens acuto sit lethalis.

Phthisis potest pleuritidi succedere, siquidem praua sit pleuritis, in qua abscessus ruptus sit, indeque natum empyema: cum enim diu æger saniem excrearit, iamque quadraginta dies excesserit: transitu saniei virulentæ per pulmonem, exulceratur pulmo, vnde phthisis.

*Quibus pleuriticis supra aures excitatur rubor, ita ut sit parotidis metus, & similiter incalescunt, venterque turbatur biliosis excrementis, & grauius olentibus, à putredine, vigesimo, aut quadagesimo die periclitantur, facta epigenessi materiæ morbificæ ad caput, tum ad aluum, superflite priore foco, id est, empyemate: superstes autem est empyema ob perennem materiæ morbificæ generationem. At si diem quadagesimum superauerint seruantur.*

*Sicca*

*Sicca pleuritides*, inquit Hipp. & *sputi expertes, grauiſſima*: sputi quidem expertes dicuntur quando debent illius eſſe participes, non in principio, ſed in alijs temporibus: ſunt autem ſiccæ, aut quia cruda eſt materia, & firmiter partibus impacta, vel tenuis: aut quia pleuriticus eſt puſillanimus, qui metu doloris acerbioris, non audet cōmouere thoracem ad promouendum ſputum: aut quia morrix animalis infirma eſt. Sunt autē grauiſſimæ, quæ propter cruditatem tales exiſtunt: grauioreſ quæ à debili facultate motrice ortum ducūt. Cardiacis autem remedijs animus puſillanimi poteſt facilè excitari: viſcida materia extenuari, tenuis incrāſſari. At facultas animalis egrè reſtitui poteſt. Ratio autē periculi eſt, quia à ſuppreſſione, aut vacuitate ſputi fit maior tenſio, & repletio, à qua augetur reſpirandi difficultas quæ auget contumaciam humoris expurgandi.

Spes tamē nonnunquam videtur elucere ex permutatione in alios morbos, vt in abſceſſus partium extremarū.

Nam



Nam si fiat mutatio in peripneumoniâ, & in parotidas, periculum vitare potest æger ad tempus, non tamen euadere.

*Terrifica sunt pleuritides in quibus dolorifica sursum sublata sũt mala, idest, symptomata nobilissimarum partium vicinarum, tum metu successionis, & transformationis in phrenitidem, quæ funesta esse solet.*

*Corpora densa, & coacta celerius à pleuritide, & peripneumonia intereunt quàm quæ perspirabilia sunt.* Nam magna cõmoditas exoluendæ pleuritidis, & peripneumoniæ cõsistit in expiratione corporis rari, & meabilis. Non tantũ hoc animaduertendum in his morbis, sed ferè in omnibus. Quamobrem Hipp. in aph. 44. l. 2. pronuntiauit *natura crassos, & obesos citius interire quàm graciles, perspirationis priuatione.*

*Subliuida bulla in lingua intumescẽs qualis est ferri candentis in oleum immersi, difficulter exolutum iri morbum ostendit. Atque ipsa crisis 14. die venit, ac ferè sanguis expuitur.* Hac bulla significatur humorũ feruor, & quia subliuida est, feruore

S • muta-

mutatur in atram bilem, quæ difficiles morbos parit, & sæuos: & quia crassus, retardatur crisis: nec potest ferè nisi funesta in malignitate humorû esse, quorum dominatu tenetur corpus.

*Inter pleuriticos quibus initio varia sũt exputationes secundo, tertio die, aut quinto moriuntur.* Varias intelligit Hipp. colore, & consistencia, vt cruentas, liuidas, flauas, nigras, fœtidas, quæ in principio morbi nascuntur ex ruptione venæ in qua continebantur tales humores qui effusi separantur, & distinguuntur. Moriuntur autem citò ob diuersas causas. Nam cruditas, & corruptio materiæ sputi varietate significatur. At illa sunt desperatæ salutis. Adde quod adest significatio diuersorum affectuû: natura autem pluribus vincendis par esse non potest. Ad pernitiem etiam ægri faciunt febris maligna, & summa respirationis difficultas. *Si verò excesserint hos dies, necdum illis sit melius, septimo, aut nono, aut decimo incipiunt suppurari.* Suppuratio quippe fit rupta vomica illa, & effuso pure per capacitatem thoracis, ex quo  
tabes

tabes oritur: nisi pus intra quadraginta dies ab eruptione repurgetur, vt explicauimus cap. de empyemate.

In vniuersum, si ad desperationem curationis per priuationem anacatharticos, & expectorationis accesserint signa trium principum facultatū collapsarum, nulla superest spes salutis. *Atqui quibus pleuriticis multū in pectore sputum perstrepat, unaq; facies est plena mœroris, & oculus icteritijs atque caliginosus, sūt eiusmodi.* Ergo tales moriuntur. Minor probatur, nā ijs quibus in pectore multum sputum perstrepat, nulla adest expectoratio, quod sputi materia ferueat, & agiterur tantum, non excludatur. Hoc autem incommodum pendet ex facultatis animalis debilitate, cuius est officium mouere musculos respiratorios ad expectorationem. Item facies plena mœroris nimirum cadauerosa à dissipato calore natiuo, & oculus icteritijs, & caliginosus à bile quæ toto corpori dominatur, & ardet: rum à deperdito nitore, propter extinctionem caloris, & spirituum à quibus

oculi nitent: quæ omnia significat col-  
lapsionem, & interitum omnium prin-  
cipum facultatum. Ergo, *quibuscunque*  
*pleuriticis, &c.*

Viæ ratio instituenda est ductis  
indicationibus à parte, & à causa mor-  
bifica ex generalibus, & specialib<sup>9</sup>. Ge-  
neralia explicata sunt suo loco. Si pri-  
mis diebus nulla fiat anacatharsis, pa-  
rum est dandum. Augenda autem est  
quantitas alimenti pro quantitate eo-  
rum quæ expectorantur: ut explicatum  
fuit, cap. de viæ ratione. Præbeantur  
autem ea quæ expectorationi sunt uti-  
lia, qualia perhibentur, pectoralia mo-  
deratè calida humida, utcunque leni-  
tia. Vinum nullum exhibendum est, ni-  
si vires sint debiles idque album quod  
sputum educat. Hauriat omnia tepida,  
nulla frigida: nam frigida pectori sunt  
inimica.

Somnus, quandiu dolor adest, non  
est expectandus: nam qui dormiunt pa-  
rè respirant: at pleuritici magna egent  
respiratione ob incendium ab inflam-  
matione natum, aut saltem celeri, &  
frequen-

frequenti, quam cum dormiendo exercere non possint, subitò euigilantur, ac si suffocarentur. Quare sedandus dolor quouis artificio, antequam somnus remedijs procuretur. Animi pathemata omnia vitet præter lætitiā.

In pleuritide curanda Hipp. lib. 2. de victus ratione in morbis acutis ita scribit: *Dolorem autem lateris, siue in principio fiat, siue postea, calidis fomentis experiri, soluere absurdum quidem non est, in verbo experiri tota est sita difficultas quam volumus proponere. Num scilicet in omni pleuritide tentanda sit eius curatio per fomenta calida? Hoc non est rationi consentaneum. Nam ex Gal. in comm. illius loci, phlegmone, aut est sine redundantia totius corporis, & tunc fomentis calidis, non tantum sanguinis aliquid euacuatur per verum halitum: verumetiā affectæ partes minimè distenduntur. Quare partes minùs dolebunt. At cum sanguis in phlegmone, vel etiam spiritus vaporosus ex calore generatur, tunc dolorem augeri contingit: sanguis autem non diminuitur propter eam, quæ in toto corpore est, humorum*

*redūdantiam*, nam pars quæ calore afficitur, nimirum fomentis calidis, plus trahit quā euaporet. Certè si nulla esset methodus inueniendi, & cognoscendi plethoram ipsam per signa, id fomentis esset tentandum; & quia ut plurimum non dignoscitur, iubet Hipp. tunc temporis tentandum esse prius curare fomentis, quā alijs remedijs: quod intellexit Gal. in commentario illius loci cū inquit, *Cū igitur fomenta calida dolorem non soluerunt, corpus totum insigni aliqua euacuatione curabis.* Hippo. paulo post scribit. *Verū si fomentis dolor non solvatur, nec diutiùs calefacito: siccatur enim illud pulmones, atque ad suppurationē promouet.* Verū ante omnem euacuationem dolor sedandus est, ex Auicenn. cap. 20. fen. 4. lib. 1. Quare in omni pleuritide erit prius dolor sedandus fomentis quā euacuandum. Tamen Galen. comm. in aph. 23. lib. 1. scribit, In doloribus vehementissimis maximum est remedium vsq; ad lipothymiam vacuare: nulla facta mentione sedationis doloris. Auicennas est intelligendus de purga-

purgatione, non de sanguinis missione: nam purgantia medicamenta, præsertim si fuerint vehementia, humores commouent, & fluxiones, ex quibus doloris causa augetur. At sanguinis missio euacuatione humoris sine commotione dolores sedat. Quare cum sanguis est detrahendus prius, non sunt sedandi dolores: sed tantum quando est purgandum; aut saltem benignis medicamentis, vel remedijs euacuare oportet.

Sequitur ut disquiramus num vena secanda sit, vel dandum in principio catharticum Hipp. hac de re ita scribit loco citato de victus ratione in morbis acutis. *Si dolor significationem sui præbuerit ad clauiculam, aut grauitas in brachium aut circa mammam, aut supra septum transversum, secare iuuat venam cubiti internam, & non cunctari auferre sanguinem usque dum multo magis fluat rubicundus, aut pro puro, & rubro, liuidus.* Et rursus paulo post si dolor sursum penetrauerit ad clauiculam vel ad mammam, & brachium, secare oportet venam internam in brachio, quacunque parte dolor affligat. *Auferre verò secundum*

corporis habitum, & tempus, & aetatem, & colorem, ampliusque confidenter, si acutus sit dolor, vel ducere oportet usque ad animi deliquium.

Sin autem sub Diaphragmate sit dolor: non praestat autem sui significationem ad claviculam, mollire oportet aluū, aut helleboro nigro, aut peplio. At quo pacto hæc consiliari possunt cum ijs quæ paulo post tradit: nimirum, quicunque inflammationes statim per initia morbi medicamento purgante solvere conantur, ij à distantia inflammataq; parte non solum nihil adimunt (cum non cedat quæ cruda adhuc est inflammatio) verum etiam quæ morbo resistunt, & sana sunt absumant, & contabefaciunt, ductoque ad imbecillitatem corpore, morbus superior euadit, qui ubi corpus vicerit remedium non habet.

Galenus in comm. in eum locum ab Anatome rationem rimatur, quod scilicet venæ in posteriori pleuritide maiorem habeant communikatam cum intestinis quàm cum venis cubiti: in priore maior est communicatio cum venis brachij. Hoc certè verum est.

Sed



Sed manet dubitatio quod helleborus, & peplium violenta medicamenta educant, è partibus longinquis, quare symptomata mouent, & producūt quæ recensuit Hipp.

Valeriola soluit hæc argumenta, quia medicamenta illa deducunt, & trahunt à partibus inflammationi proximis, & non à parte affecta. Ergo non debebat Hippocrates pepliū, & helleborū præscribere, cum sint violenta. Puto ego, inquit, illum vsurpasse exempli gratia: cum reprehendat illos qui id tentabant perficere, quod medicamento fortiori poterāt præstare. Leue ergo primum catharticum est exhibendum, quo fiat diuersio, & translatio per intestina.

Doctissimus Duretus in coacis cōm. in sent. 19. capitis de pleuritide, scribit ista medicamenta mixta consocialia esse ad bene conuenienterq; purgandū, veratrum quidem vacuando, hoc verò pepliū discutiendo spiritus flatulentos: quæ dotes perspectę, & cognitę ab Hip. præceptore ipsum mouerūt, vtea medicamenta præscribēda putarit, quod præ-

S s stan-

tantissima essent omnium pharmaca, quæ ipse nouisset: nouerat autem plurima, vt non inopia, nec ignorantia meliorum (quod vulgus Medicorum existimauit) sed singulari prudentia atque delectu ipsa præscripsisse videatur.

Verùm est ne secanda vena in omni vera pleuritide? Hipp. sent. 31. sect. 3. lib. 6. epidemion scribit, *impeditio phlebotomiæ ijs qui cruenta expuunt pleuriticis*, ac si diceret, vbi in pleuritide expuuntur cruenta, vena secari non debet. Sed non tantùm oportet ad excusationem phlebotomiæ adesse cruentam expectorationem: sed præterea est necessarium, vt citò in principio, & liberaliter, id est, quantitate magna fiat: tum careat omni defluxu, aut excursu, quæ febris ciet, omniq; corisæ, & vrinatum bona sit coloratio, vt scribit Dusetus doctissimus comm. in coac. prænotiones.

Quæritur præterea, cum sanguis est detrahendus, cuius lateris vena secanda sit? Hipp. & Gal. & tota Græcorum schola eiusdem lateris venam tundunt. Auicennas autem cap. 1. fen 10. tract. 5. lib. 3.

lib. 3. in omni tumore præter naturam in principio iubet venam lateris oppositi secari, & *magis festinare ad auxiliandum, ut aperiatur vena saphæna opposita secundum longitudinem, & deinde detrahendum sanguinem ex basilica oppositi lateris secundum latitudinem. Et post aliquot dies poterit detrahi ex eodem latere.* Hanc sententiam sequitur Scaliger comm. in lib. Hipp. de insomnijs. Cum Auicenn. tot celebrâdas imperet sanguinis missiones, supponit pleuriticum valde plethoricum. Quod Rhasis significauit 9. ad Almanforem c. de pleuritide ijs verbis, *sanguis detrahatur ex basilica eiusdem partis, nisi totum corpus sit valde plethoricum, tunc enim ex lateris oppositi basilica est sanguis deducendus.* Deinde aliam distinctionem constituit ratione temporis. Si verò agritudo iam per aliquot dies ægrum infestauerit, à parte dolente est detrahendus sanguis. Ad illud autem quod ab Auicenna scribitur de saphæna, intelligi potest de principio fluxionis in valde plethoricis, ut explicat Mesue cap. de pleuritide. Auicennas ergo noluit tundi ve-

di venam eiusdem lateris, nisi post aliquot dies, nimirum postquā fluxio facta est, quod putet hanc sanguinis missionem non posse vilo modo reuellere. In quo errauit. Primò quòd licet vera sit eius sententia, cum dixit reuulsionem fieri debere per contrarias partes, addendum erat propositioni per contrarias magis cōmodas, ex qua nimirum maior utilitas deducitur. At incidendo venā brachij eiusdē lateris fit detractio sanguinis per eandē partē: nā idem latus est. Hoc verū est. Sed venę incisio, siue vulnus ex quo elicitur sanguis, est oppositū parti cui insidet inflammatio, licet non multū distās: neq; enim sēper maxima requiritur distātia in reuulsionē, vt probatum fuit cap. de reuulsionē. Ergo oppositio in illa sectione venę adest.

At si æger sit valde plethoricus trahetur sanguis versus partem affectam. Respondeo trahere quidem in principio cum in locum vacuū succedit sanguis: tamen si fiat larga sanguinis euacuatio, vt faciēda est in magna plethora euacua-

euacuabitur is qui attractus est propè inflammationem, & in principio inflammationis etiã is qui extra vasa est exclusus quòd liquidus, & calidus sit. Neque mer<sup>o</sup> est nouæ fluxionis ab attracto sanguine ex alio latere: nã venæ lateris oppositi exinanita: larga sanguinis detractiōe, tum partes nutriendæ, ad se alliciunt sanguinem, & hac ratione quodam modo reuellūt. Adde quòd, si Auicēnam sequamur, maior erit detrahenda sanguinis copia, cum maiore dissipatione virium, quia à lōginquiori parte, neque tam celeriter occuremus dolori. Postremò experientia, & omnium consensus doctiorum, multis seculis, probauit sanguinem ex vena brachij eiusdem lateris esse detrahendum.

Vesalius tamen, vt refert Hollerius, in sua praxi, detrahendum semper curabat ex basilica brachij dextri licet inflammatio latus sinistrum affligeret, quod vena azygos quæ nutrit octo, aut nouem spatia inferiorum costarum, nascatur ex dextra lateris venæ cavae. Hollerius nititur refutare eius senten-

sententiam, experientia ad id præstandum impulsus, quadam imaginatione, valvulæ ipsius venæ azygos foris intrò clausæ, qua prohibetur sâguinis exitus. Satiùs erat detegere communicationem venæ thoracicæ, & intercostalis, cum ramis azygos, qua communicatione fit, ut dextra dextris, & sinistra sinistris magis consentiant, sitq; brevior via. Quare cum adsit in tali sanguinis missione oppositio, rectitudo, & consensus, corruunt omnia argumenta aduersariorum: quæ cum ratione probata sint, habent fautricem experientiâ multorum seculorum cōtra vnius Scalligeri experientiam imaginariam. Ergo ex basilica eiusdem lateris sanguis detrahendus est.

Quantitas sanguinis præfinitur ab Hipp. varia, lib. 4. de victus ratione in morbis acutis: in illo enim mutationē sanguinis instituit terminum euacuationis, quod perinde est, ac si dicret eo vsque est detrahendus sanguis, quo ad ex affecta parte educatur. Nam incipiente phlegmone rubicūdior est qui prope  
phleg-

phlegmonem est, & in ipsa inflammatione, quàm in venis: iam verò inflammatione progressa, cum sanguis extra vasa corrumpatur, liuidus ex ipsa phlegmone trahitur. Verùm ista mutatio difficile à Medico percipitur, quòd liuiditas illa statim non appareat, sed postquã sanguis refluxerit. Quocirca si non appareat refrigerato sanguine, rursus erit demendum, si vires ferant. Sed hic terminus non potest semper animaduerti, præsertim quando tota sanguinis massa ferè corrupta est, tunc æquè liuidus est, aut corruptus qui primus fluit, atq; postremus: quare alia est suggerenda nota, nimirum viriũ lapsus. Nam quoad vires ferunt detrahere oportet: cum incipiunt deficere, cessare conuenit. Nõnulli sanguinis missionis terminum sibi præstituerũt doloris sedationẽ: quocirca toties repetunt venæ sectionem quoad sedetur dolor. Verùm in quibusdam præsertim pituitosis, & melancholicis, etsi rarò contingat, vitam potiùs detraheres, quã auferres dolorẽ. Quare virium robur obseruandum potiùs, & mu-

& mutatio notanda, vti conuenit.

*De curatione pleuritidis.*

Secta vena in principio, & quandiu fluxio perseuerat, remedia quæ parantur ex floribus papaueris rubri, optima censentur, vt ℞. florū papaueris rubri m. β. aquæ pimpinellæ ꝑb β. decoquantur ad ℥. iij. & propinetur. Datur autem ex Rōdelletio decoctum ex aqua pimpinellæ cum floribus supradictis ad ℥. iij. paratur & ab alijs ex aqua scabiosæ eodem modo, & saccharo cando: verū saccharum candum attenuat, quare satius esset adiungere saccharū rosatum. Mathiolus meminit syrupi facti ex succo florū papaueris rubri valde vtilis, vtilior erit, si paretur cum saccharo rosato, quod habeat vim sistendi fluxiones. vt.

℞. succi papaueris rubri depurati ℥. ij. sacch. rosati q. β. fiat syrupus vt artis est, adde ℥. j. cum ℥. iij. aquæ scabiosæ, vel pimpinellæ. Hoc omnib<sup>9</sup> præstātius habetur ex Penna & Lobello ℞. radicū graminis canini ℥. iij. acetosę cum  
radici-



radicibus m. iij. medullę cardui fullonũ  
 m. ij. cardui benedicti, scabiosę, herba-  
 rum capillarium añ. m. j. passularũ mũ-  
 datarum ʒ. j. Glycyrrhizę. ʒ. anizi ʒ. ij.  
 ficuum. n. 4. quatuor seminum frigido-  
 rum maiorum añ. ʒ. ij. florum cordia-  
 lium & hyperici ana m. ʒ. fiat decoctio  
 in aqua borraginis ad lb. j. ʒ. cui infun-  
 de fermenti panis cibarij ʒ. iij. coaguli  
 ʒ. ij. ʒ. thamarindorum ʒ. j. expressioni  
 dissolue syrupi è succo vel infusionibus  
 papaueris rheadis ʒ. vj. pro v. dosibus.

Hęc remedia inspissando retinent  
 fluxionem, & quod in parte est dige-  
 runt. Rondelletius in hoc affectu cu-  
 rando meminit rasurę dentis apri, &  
 priapi tauri, quę exiccant quod deflu-  
 xit. Quare in principio non sunt exhi-  
 benda, neque cum est expectorandum:  
 illa enim nimium siccando retinerent,  
 sputum: sed in declinatione. Nicolaus  
 Myrepsius Alexadrinus præscribit an-  
 tidotum quam vocat mysterium ad  
 pleuritidem, cum dolor vehementissi-  
 mus est, nec sedari potest alijs remedijs,  
 quodd semel data promissis respondeat,

T nimi-

nimirum dolorem sedat, & regio morbo correptis, stomachicis, & iecinorosis succurat.

℞. stitacis calamitæ, castorei, piperis, croci, hyoscyami añ ʒ. j. formentur pastilli cum aqua calida, deuntur nucis pōtica magnitudine. Dantur etiam cum aqua mulsa calida. Præscribi ergo debet ʒ. j. cum melicrati. ʒ. ij

Si. præ debilitate vena secari nequit, cucurbitulæ scapulis admoueantur cum scarificatione. vel si repetenda esset venæ sectio, & vires non ferrent, cucurbitulæ sunt applicandæ. Vena secta, si fluxio quieuerit, dolor verò perseveret, cū non amplius adsit plethora, consilio Gal: fomenta, aut alia remedia conuenientia possunt adhiberi, si quidē spes fuerit dissolutionis materiæ, quæ potissimum concipienda est in pleuritide externa, exigua, in corpore meabili, & raro: tamen metu nouæ fluxionis fortia attenuantia sunt vitanda in principio. quæ tamen in declinatione sunt vsurpanda. Sin procuranda materiæ concoctio, nā concocta dolorē non mouent meliusq;

exer-

excernuntur. Eodem ergo tempore parabitur materia ad expectorationem.

Ad materiam discutiendam, utitur Hipp. lib. 2. de victus ratione in morbis acutis aqua calida in vere, aut in vesica vase æneo vel testaceo adhibita. Item spongia molli magnâq; ex aqua calida expressa. Optimû autem esset aque incoquere quæ discutiendi vim habent ut origanum, hyssopum, chamædrim, chamæpitim, anisum fœniculum, flores chamomillæ, rorismarini, stachados. *Contegere autem oportet solum linteo: ne vapor ad agrotantis spiratum deferatur: nisi videatur hoc etiâ utile ad aliquid esse, nimirum cum iuuat expectorationem, aut alio modo conferat.* Fomenta alia sicca adhiberi possunt ex milio, & avena, quæ in sartagine parum calefacienda, deinde aspergenda vino, sacculoque includenda, & applicanda.

Linimenta possunt ad eundem scopum parari ex dialthea, & resumptiuo, Cataplasma præparatur à mōtano tale  
℞. cimini puluerati ℥. iiij. pinguedinis porci ℥. ij. succi caulium q. s. fiat cataplasma,

plasma, & applicetur. Medici Auenionenses ad eundem effectum præstandum sequentibus vtiuntur emplastris attrahentibus, & dissoluentibus, præsertim in pleuritide externa: quorū vnum rubrum pro latere: alterum nigrum appellāt. Rubri huiusmodi est composito.

℞. Storacis calamitæ ℥. j. Iridis florentiæ ℥. β. thuris ℥. vj. macis, nucis moschatae, cyperi, calami aromatici ana. ℥. j. caryophil. ℥. ij. resinæ ℥. j. β. ceræ rubræ gummatæ ℥. xij. terebinthinæ ℥. ij. fiat emplastrum. Nigri verò talis.

℞. Picis naualis ℥. vj. resinæ ℥. iij. sulphuris ℥. j. β. ceræ nouæ lb. j. florū chamomillæ ℥. β. olei liliorū ℥. j. β. pulueris cimini ℥. ij. β. misce: fiat emplastrum. Misceant illa emplastra, & lateri apponunt, cum volūt attrahere materiam & dissolvere in externa pleuritide: polleunt etiam facultate dolorem sedandi. In interna autem non æquè conuenit, quare ea quæ possunt coquere materiā potiora sunt, quale est.

℞. radicū althææ, liliorū añ. ℥. ij. maluatū, violariæ, florū hyperici, chamemelli

mæmelli ana. m. ij. coque, cōtere & cribra, commixtis fermenti panis cibarij. ʒ. v. farine, seminis lini & fœnugręci añ. ʒ. j. β. olei amygdalini, olei violati ana. ʒ. ij. fiat cataplasma parti dolenti applicandum. Præterea sunt quædam remedia quæ proprietate occulta iuuant, vt cinis priapi tauri datus ad ʒ. j. si febris remittatur, cū vino, vel cum aqua mellita, aut hordei. Aqua cardui benedicti à proprietate mirè confert.

Cum autem materia morbifica varia sit, diuersa etiam parantur remedia. Biliosa materia paratur incrassantibus non frigidis, sed substantiæ lentore. Nam refrigeratia pectori sunt inimica. Quare decoctum pectorale exhibeatur in potu, quod vulgo ptisana appellatur, confectum ex passulis, iuiubis, liquiritia. Syrupus violarus, capillorum veneris, vngulæ cabalinæ in iuiubinus, de papauere, cum aquis conuenientibus misceantur. vt

℞. Syrupi violati, & capillorū veneris añ. ʒ. j. β. aquæ vngulę cabalinę, aut hordei ʒ. v. fiat iulep. capiat bis in die vel.

T 3

℞. pas-

℞. passulas, pruna dulcia, iuiubas añ. numero 20. quatuor seminum frigid. maiorum, bombacis, & malux añ. ʒ. ij. anisi, & liquiritiæ rasæ ana ʒ. j. florum violatum, borraginis, buglossi ana pug. j. fiat decoctio in lb. j. dissolue syrupi violati lb. ʒ. misce pro tribus dosibus.

• Looch paratur ad eundem scopū, præferrim quando materia biliosa incipit expectorari. vt

℞. Electuarij diatragacanti frigidi ʒ. ʒ. sacch. penidiati ʒ. 10 syrupi iuiubini q. s. fiat eclegma. vel ℞. conseruæ violarum ʒ. ij. pulueris diatragacanti frigidi ʒ. iij. penidiorum ʒ. j. ʒ. cum syrupo iuiubino: fiat mixtura qua vtatur sæpe.

• In declinatione ℞. conseruæ capill. veneris ʒ. j. ʒ. pulueris diatragacanti frigidi, & diatridis simplicis añ. ʒ. iij. sacchari candi ʒ. ij. syrupi de hyssopo. q. ʒ. fiat Looch.

• In pleuritide à materia frigida ℞. foliorum capilli veneris, adianti, lingue ceruinæ, vngulæ cabalinæ, hyssopi, & enulæ campanæ ana. m. j. seminis anisi, & fœniculi ana. ʒ. ij. passularū, iuiubarum,

rum ana. ʒ. j. florum roſarum, anthoꝝ,  
 bugloſſi ana. pug. ij. fiat decoctio: in col-  
 laturæ clarificatæ lb. ij. diſſolue ſyrupi  
 de praſſio ʒ. iiij. aut ſyrupi capillorum.  
 veneris, & de praſſio ana. ʒ. j. β. vel ſyrū-  
 pi iuiubini ʒ. iiij. fiant tres doſes. Iidem  
 ſyrupi poſſunt uſurgari cum aquis pe-  
 ctoralibus calidis de hyſopo, enulæ cā-  
 panæ, capillorum veneris, vngulæ ca-  
 ballinæ, & fieri iulepia, v̄t artis eſt. Ex  
 eiſdem ſyrupis fit looch cum electua-  
 rijs, & pulueribus accommodatis. vt R̄.  
 Diatridis ſimpl. ʒ. j. pulueris marrubij  
 exſiccati, aut herbæ reginæ, vel enulæ  
 campanæ ʒ. iiij. ſacchari candi ʒ. ij. ſyrupi  
 de praſſio q. β. fiat looch. capiat lingen-  
 do. In omni pleuritidis ſpecie linimēta  
 pectoralia cōueniunt, quæ parantur ex  
 butiro recēti, pulueribus, & oleis: vt R̄.  
 butiri recentis ʒ. iiij. pulueris iridis flo-  
 rentiæ ʒ. j. β. croci ʒ. β. olei amygdalarū  
 dulcium aut violati q. ſ. fiat linimētum  
 quo vngatur totum pectus: hoc lenit  
 dolorem, materiam præparat, respira-  
 tionem faciliorem reddit.

Si cacochymum ſit corpus poſt ſeda-

tionem doloris, & nulla sit suspicio nouæ fluxionis, poterimus medicamenta benigna præbere cum decocto pectorali: vt manna, lenitium Nicolai, syrupum rosatum solutiuum. vt

℞. elect. Nicolai ℥. vj. syrupi rosati solutiui ℥. ij. vel iij. mannæ ℥. j. fiat portio cum decocto pectorali. Si metus sit fluxionis ventris, à catharticiis abstinemus & vtemur tantum clysteribus emollientibus. vt

℞. Decocti clysteris remollientis ℥b. j. in qua dissolue cassiæ cum saccharo, & catholici ana. ℥. j. mellis, & olei violati ana. ℥. iiij. fiat clyster. Atque hæc de pleuritide mitiori: in qua spes est concoctionis, & expectorationis. Sunt verò quædam malignæ, & mortiferæ, quales vidimus in Prouincia anno 1598. & alijs temporibus, quæ generabantur ex humore tenui virescente, in latere collecto, aut eò deffluente ex alijs partibus. Qui eo genere pleuritidis rapiebantur, omnes interierunt. Hoc deprehēdimus dissectis cadaueribus, & præsertim Beræ, in cadauere demortui iuuenis D. de Mon-



Montanus Pedemontani, qui cū pleuride vtriūsq; lateris affligeretur, obiit crudeliter 5. morbi die: dissecto cadavere, sub mammis vtrinq; reperta est vomica plena virescente liquido humore: quod etiam sum expertus in alijs. Huic pleuritidi sectio vnicū est remedium: cū enim nullā supersit coctionis, & mitigationis spes: materia sectione extrahatur necesse est.

## DE HYDROPE.

## EXERCITATIO III.

**H**Ydrops est tumor alui præter naturam, aut totius corporis genitus ex aqua, flatu, & pituita vt plurimum mixtis, vitio hæmatoseos. Inquit enim Gal. cap. 6. lib. 5. locorum affectorum, Nisi ad Iecur frigus trāsmittatur, aqua inter cutem subsequi non potest. Ex quo sequitur, omnes tumores ventris præter naturam hydropem non esse: vt qui nascuntur à ruptis vreteribus, à sero non attracto, præ debilitate renum, aut non purgato propter renum, aut vreterum obstructionem, aut alio quouis modo. Conspeimus in

T 5      hunc

honestâ muliere Domini Bertrandi A-  
 quensis Medici docti, ac viri probi, quę  
 iam viginti quinque annis laborat tu-  
 more ventris præter naturam, sine vlla  
 suspitione hydropis, quòd sanguis, qui  
 illi fuit sæpe detractus extiterit lauda-  
 bilis : nec alterius causę iam descriptę  
 adsit suspicio: sed potius cystis qua hu-  
 mor collectus contineatur:

Hydrops varijs diuiditur modis pro  
 varietate partium , à quibus ducit ori-  
 ginem per se, aut per consensum : alius  
 namque est à Iecore, alius ab inani par-  
 te, ac lûbis, ex Hip. l. 2. prognosticorum  
 nimirum à renibus, ventriculo, liene,  
 intestinis: tum ex venis, secundum Are-  
 tæum : alius à cerebro ex Hippo. lib. de  
 locis in homine, cû scilicet humor de-  
 labitur pcr spinalem medullam in ven-  
 trem.

Ratione materię, & modi tumoris,  
 diuiditur in ascitem qui ex aqua fit, &  
 vtri forma apparet , in tympanitem,  
 qui à flatu nascitur , & tympani modo  
 percussus venter sonat : in anasarcam,  
 à pituita in totum corporis habitum  
 sparsa,

ſparſa, à qua totum corpus intumeſcit.

Cauſa communis coniuncta omnis hydropis ex Galeño loco citato & ex cap. 6. li. 5. locorum affectorū eſt deprauata ſanguificatio: deprauatur autem deprauato calore innato, refrigeratione, ſuffocatione, & diſſipatione à vehemēti calore præter naturam.

Antecedentes verò multæ ſunt ſcilicet affectiones partium reliquarū quæ iam enumeratę ſunt, præterquā Iecoris.

Eius hydropis, qui ab illibus ortum ducit, indicia ſunt ex Hipp. in coac. & in prognosticis, *pedum tumor, diuturnum alui profluuium, quod neque vētrem inanit, neque ſoluit dolorem*, hoc ſignum eſt inſeparabile: pendet autem ille tumor pedum à pituitoso excremento, quod ſuapte natura deorſum vergit à lōginqtate ſiue diſtantia à corde fonte caloris: quibus addere poſſumus naturam earum partiū frigidam. Item alui fluor ſignum eſt inſeparabile. Affectis namque partibus, quæ ſunt in lumbis, & ilibus corrumpitur chylus: tum bilis gignitur à partium intemperie calida ſicca: &

ca:& quia illo fluxu materia morbifica non expellitur, sed ea, quæ tantum generatur perenniter circa intestina, ideo ventrē nō deplet, neq; dolorem soluit.

Hydropis nascentis ab intemperie frigida Iecoris, quæ succedit calidæ, signa existūt, febris magna præcedēs, sitis in-  
explebilis, oris amaror, vrina rubicūda.

Si à frigore positivo ortū dūxerit ad-  
est faciei color albicans, aut liuescens,  
nulla febris, pulsus tardus, excrementa  
pituitosa, temperies frigida, victus ra-  
tio, & tempestas frigida.

Signa verò illius quæ à cerebro ori-  
ginem trahit, hæc tradit Hipp. li. de lo-  
cis in homine *siccitas partium anteriorū,*  
*narium scilicet, & oculorum: oculi sunt*  
*ex virentibus pallidi, itemq; reliquū corpus,*  
*nihil expuit eger, etiam si multum fluat.*

Hydrops magn⁹ est morbus, partis ob-  
fesse præstantia scilicet, Iecoris sympto-  
matum magnitudine, & cacexia, siue  
*non obidea.*

Tardus est morbus, frigidus quippe.

Signa futuri hydropis sunt cacexia, &  
omnes morbi qui vitare possunt sāgui-  
ficatio-

ficationē, aut per se, aut per consensum.

Præsentis hydropis quædam sunt cōmunia signa prognostica : quædam verò peculiaria. Communia sunt.

*Hydrops qui leuatus remedijs, integer renascitur, desperatus est.* Nā significatur intemperies relicta post euacuationē materiæ hydropē committētis, à qua rurs⁹ hydrops renascitur. Cū autē renascatur in egro debili, nō si existat desperat⁹.

*Hydrops qui succedit morbo acuto lethali, cū ortū ducat à calore natiuo penè extincto, per dissipationem.*

*Hydropico febriculoso, vrina pauca, & turbulenta lethale.* Nam pauca vrina in hydropē vitio non caret, quia multa esse debet propter serosi humoris copiam à debili hepate genitam, quæ si præterquam quòd pauca est, etiā turbida extiterit, interioris perturbationis in venis indicium est, quam febris in cruda materia commouet: ab ea verò febre dissipatur continuò calor natiuus, vnde mors. Paucitas verò vrinæ dānatur magis in tympanite, quàm in ascite: quia in hoc, serum transfertur ad abdomen:  
in tym-

in tympanite verò non item.

Hydropes qui succedunt longis alui profluuijs, dysenterijs, & quartanis febribus diuturnis, lethales sunt. Nam illis morbis ita debilitatur natura iecoris ut amplius restitui in integrum non possit.

Hydropici à refrigerato Iecore per frigoris actionem, aut ab immodica euacuatione, faciliùs curantur: nulla namque adest priuatio, aut deprauatio: sed tantùm debilitas Iecoris, quæ facile reparatur. Hipp. 2. prognost. scribit. *hydropis non lethalis indicia sũt, si ager sit visceribus robustis, bene respiret, dolore vacuus sit, toto corpore aequaliter caleat, nec partium extremarũ habeat colligationem.*

In summa omnis spes aut desperatio in hydrope ex visceribus caprãda: frustra namque tum natura, tum ars molitur euacuationem flatus, aquæ, aut pituitæ, ubi desperata vitia latent in visceribus, scilicet ventriculo, renibus, & alijs.

In hydrope, qui per vrinas criticè iudicatur multum subsidere album leue,

ut

vt æquale oportet, quo significatur naturæ supra materiã morbificã victoria. *Aqua intercutem laborantibus, exorta in corpore vlcera, non facile sanãtur*, ex aph. 6. lib. 6. quia vlcera exticcatione egent: Hydrops verò est humidus. *Hydrope detento, si aqua è venis in ventrem confluxerit, soluitur morbus*. Aph. 14. lib. 6. si quidẽ materia tota effundatur, nulla superstitẽ in iecore intemperie à qua renouetur noui hydropis historia. In coa. legitur. *Ineunte hydrope, si aquosa incidat diarrheea, cruditatis expers, morbum exoluit*. In principio hydropis apparẽtis fit cũ antea fuerint cõceptæ, & à natura superatæ aquæ, expellunturque vi & robore naturæ.

Quænam verò species hydropis sit periculosior, quæue curari facilius possit, cæteris paribus, id est, in eodem gradu, & tempore æquali perquiritur. Doctiores respondent anasarcam esse minus periculosum: nam illius causa, facilius remedijs cedit, tum vires in eo sũt robustiores. Demum illius materia propius accedit ad sanguinem, quam ascitis, &

tis, & tympanitis: quibus addere possumus anasarcam ex deprauata victus ratione sæpius nasci: tum quod in illo significatur robur naturæ expellentis materiam ad longinquas partes corporis.

Tympanites, hypofarcam proximè sequitur: ortum namque ducit à minori defectu ex Gal. comm. in aph. II. lib. 4. inquit enim, *à maiori frigiditate generatur aquosus hydrops, quam tympanites: neque enim humida substantia in flatum conuertitur sine aliquo calore.* Quocirca in vniuersum ascites est periculosior tympanite.

*De victus ratione hydropis in genere, & num in eo debant mitti sanguis.*

**M**ulta existunt communia in victus ratione specierum hydropis, quæ recensenda sunt antequam de singulis dicamus Sunt autem communia, quia pars affecta communis est, lecur nimirum, & cùm humoribus prauis re-  
dunder



dundet in Hydrope, habitus corporis, aut saltē venter imus. Aër est eligēdus calidus siccus. Ita tamen ne siticulosis maiorem sitim excitet, qualis est aër in montosis locis ad meridiem collocatis, & in maritimis, nisi verò tale eligere possis natura, vt illi non possunt, qui loca longè à mari dissita incolunt, & planities: arte talis est efficiēdus. Sōnus breuior solito cōuenit, ne aquosorū humorū vaporibus caput repleatur: multò enim plures ascēdēt in sōno quā tēpore vigiliarū. Hæc præcipuè intelligēda sūt in frigidis affectib<sup>9</sup> primarij Iecoris. In hydrope nāq; calidis affectibus succedente, vigiliæ egros mirè exercēt. Quare somnus est illis concedendus, & aër moderat<sup>9</sup> quærēdus, ne nimio aëris ardore dissipetur ōnino humidū redicale.

In lecto multa substerni possunt quæ valde conferunt. In frigidis namq; affectib<sup>9</sup> culcitæ magis cōueniūt ex plumis factæ: in calidis verò ex lana. Exercitium multum prodest: & qui ambulandi facultate priuantur, lectica aut cymba vehantur oportet.

Hydropicis cōferunt frictiones, quia aperiunt poros, & attenuant, discutiūt-  
 que humores, & flatus. Sudor eliciēdus  
 exercitio, aut alio modo in loco sicco,  
 natura, aut arte comparato : hoc modo  
 parabitur: instrumentum est fabrican-  
 dum instar magni incunabuli longi, &  
 alti quantum est corpus humanum, in  
 quo iaceat æger substrata culcitra: eius  
 verò latera virgis quibusdam ferreis se-  
 paratis intexātur, ad formam eius cra-  
 ticulæ quæ focarijs Chirurgorū super-  
 ponitur: operiatur illud stragulis, tum  
 lapides calidi vino albo, aut alio irrorati,  
 pannis inuoluti toto corpori appo-  
 nantur, atque eo modo sudor eliciatur.  
 Sunt sudatoria in balneis aquarum na-  
 turalium calidarum, vt Dinix in Pro-  
 uincia, & Aquissextijs, & multis alijs in  
 locis.

Panis sit clibanarius, optimè fermē-  
 tatus, & sale conditus, cuique sint se-  
 mina admixta anisi, fœniculi ad flatus  
 discutiendos: tum ad aquas attenuan-  
 das. vtatur carnibus ficciorib⁹ pingue-  
 dine expertibus, assis potius quàm eli-  
 xis, vt

xis, vt auium, cū quibus aromata semper misceantur: nullos pisces comedat, cancos tamen fluuiatiles & marinos atque erinaceos edere poterit.

Leguminibus abstineat generantibus prauum sanguinem, & flatum.

Pro bellarijs sumat pistacia, amigdalata tosta, uuas passas, corinthias & capares.

Potus abstinentia remedium præstantissimum censetur, vt videre est ex illorum historijs qui sola abstinentia potus fuere sanitati restituti, nisi æger velit imitari Metrodorum Epicuri discipulum, qui hydrope afflictatus, impatiens sitis, postquam diu abstinuisset, comminiscitur remedium siti extinguendæ utilè, nulloq; modo noxium: is namque postquā multum aquæ hauisset eam vomere solebat. Verum hoc remedio omnes vti nō possunt: nec omnes sitim tolerare. Quare ijs qui calida, & sicca intemperie laborant, aut Iæcoris, aut aliarum partium, potus præbendus est, nō ex sola aqua, sed cui admixtum fuerit vinum tenue, album paucif-  
V 2 ferum

ferum quò faciliùs refrigeretur corpus, & vrina prouocetur. Multa ore contineri possunt ad sitim sedandam, multa item parari ad colloendum os, quæ cap. de siti extinguenda lib. de febribus describemus. Fernelius consilio 37. docet masticem ore conuoluendam ad proliciendam aquam, non tantùm è cerebro, sed etiam ventriculo ipso, propter continuitatem membranæ illius ventriculi, & linguæ, qua sedabitur ardor, & sitis. Ingeniosum remedij genus est hydropicis permittere, vt quantum libuerit bibant, præparato potu, ex his quæ aquas ducere possunt per aluum & per vrinas.

Ad generalia remedia spectat hæc quæstio: Num in hydropse liceat sânguinẽ detrahère? huic respondent probati authores, In principio hydropis à suppressione hæmorrhoidum nati, mensiũ, aut solemnis alicuius euacuationis sanguis potest mitti, si vires valeant, vt oppressio quæ suffocationem affert caloris natiui auferatur.

In mensibus suppressis, & hæmorrhoidibus

dibus venæ inferiores sunt aperiendæ. In sanguineis iuuenibus vena brachij est aperienda. Tutius verò in hypofarca hoc fit, ob iamdictas causas, quàm in reliquis speciebus, præsertim cum materia illius sit in venis contenta.

## DE ASCITE.

**P**Athonomonica signa illius sūt gravitas ventris à pondere aquæ contentæ in abdomine: sonus, dum corpus commouetur ab aquæ impetu: tumor lucidus, & vtri similis: aqua enim lucida est. Vter Græcè *Ascites* appellatur, unde ascites dicitur. Causa huius proxima est sanguifica facultas læsa, ex qua plus aquæ quàm flatus generatur. Sunt enim semper flatus cum aquosa substantia in nostro corpore mixti. Causæ antecedentes multæ esse possunt, nimirum aut morbi partium, quibus succedit hæmatosis debilis per consensum: aut morbi proprii lecoris, obstructio, plethora, refrigeratio, aut inflammatiō. Gignitur autē plus aquæ ab affectibus frigidis, à calidis plus flatus. Siccāt namq;

## 310 EXERCITATIO III.

hi humorem, & flatum multū pariunt. Rarò, aut nunquam tres species hydro-  
pis separantur. Quocirca indicationes  
sunt semper mixtæ, proinde & remedia  
mixta: tamen illius maior quantitas e-  
xigitur quòd dominantem causam op-  
pugnat. In ascite aqua superat flatum,  
& pituitam: quare aquæ sunt præparan-  
dæ, & purgandæ potissimùm.

A parte præcipuè affecta per se, aut  
per consensum ducitur indicatio eam  
corroborandi, & reficiendi: tum habenda  
est ratio partis in qua antecedens  
causa latet, vt ventriculi, cerebri, & reli-  
quarum partium.

Propinato leui cathartico minoran-  
te, præparentur hydropici, corroboran-  
do iecur, cuius robur facit ad humorū  
coctionem. Tum medicamentis aquas  
attenuantibus: sunt enim faciliores ad  
excernendum aquæ tenuiores.

Ergo ℞. rliabarb. infusi in aqua gra-  
minis ʒ. ij. ℞. expressioni adde diaphæ-  
nici ʒ. ℞. succi rosarum vel syrupi rosar.  
solutiui ʒ. ij. spicæ nardi pulueratæ ʒ. ℞.  
fiat potio minorans, detur mane. Dein-  
de pa-

de parabitur opofema, aut fyrupus præparans aquas ex attenuantibus, & incidentibus, additis femper ijs, quæ corroborant viscera, cum tota spes salutis consistat in eorum firmitate: quale est.

℞. Sandali citrini ℥. j. radicū appetientium communium ℥. vj. radicis iridis nostratis ℥. j. β. cichorij, endiuix, cæterach, scolopendriæ, chamædrios, absinthij pontici, stæchados, betonicæ ana. m. j. seminum anisi, fœniculi, vrticę, granorum Kermes, & citri mundati ana. ℥. β. florum anthos, stæchados, genistæ, violarum, borraginis ana. m. β. fiat decoctio: in colaturę clarificatæ ℔. ij. ad aromatizandum dissolue pulueris diacurcumæ, aut triasandali ℥. j. β. ad dulcorandum sacch. q. s. pro iij. aut iiij. dosibus reiteretur aposema donec præparatus sit humor, & appareant signa coctionis in excrementis, aut si non appareant, ad deponendam aliquam sarcinæ partem, quod aquæ stagnando putrescant, & inclusæ medicamento locum non concedunt.

Post tres, aut quatuor illas doses me-

V 4 dica-

dicamenti præparantis, præbeantur hydrotica pharmaca, quæ tam multa sunt ut ferè dinumerari non possint.

Ad præparandas, & deducendas aquas mirabilis est syrup<sup>9</sup> raphani à Fernellio descriptus qui examinatur à Boderono

Simplicia aquas ducentia sunt succus radicis ebuli, & sambucci, dantur ʒ. v. vel vj. fiat decoctio ex mediano cortice sambucci, de qua dētur ʒ. vj. Itē succus soldanellæ, vel eius pulvis: succus iridis express<sup>9</sup> datur ad ʒ. j. vel ʒ. j. β. cum ʒ. j. sapæ, aut sacchari. Aqua destillata ex floribus iridis data ad ʒ. vj. vel ʒ. j. cum ʒ. j. triasandali. Semper verò cum istis simplicibus alia sunt admiscenda, ut noxæ illorum corrigantur.

Squamma æris, siue æs vstum datur à ʒ. j. ad ʒ. j. β. cum iusculo, admiscenda caryophylorū vel cinnamomi ʒ. β. hoc remedio fuit curatus CAROLVS QVINTVS IMPERATOR, ut refert Forestus.

Laureolæ folia in vmbra siccata, & in puluerem redacta aceto infusa, rursusq; siccata, ac conformatis, cum melle vel succo citonorum pillulis, ad ciceris magni-



magnitudinem. Si duæ exhibeantur, mirè conferunt hydropicis.

Radix cucumeris asinini longa in formam suppositorij indita ano mirè trahit aquas. Datur etiam ad  $\Theta$ . j. mixta cum aqua mellita, & abundè quoq; educit aquas.

Semen ebuli contusum ad  $\mathfrak{z}$ . j.  $\beta$ . vel ij. datur cū iusculo pulli, aut vitello oui. Exhibetur pariter  $\mathfrak{z}$ . j.  $\beta$ . hermodactylorum albissimorum cū decocto ceratiorum siue siliquarum: quod decoctū per se copiosè extrahit aquas.

Elaterium vehementer purpat aquas.

Composita prope innumera parantur ad Ascitem: vt.  $\mathcal{R}$ . succi ireos  $\mathfrak{z}$ . x. succi raphani  $\mathfrak{z}$  vj. succi soldanellæ  $\mathfrak{z}$ . j. succi corticis interioris sambueci, aut radicis ebuli  $\mathfrak{z}$ .  $\beta$ . syrupi de quinque radicibus  $\mathfrak{lb}$ . j. bulliant in f. q. aquæ cuscutæ, fœniculi, & agrimonix æquis partibus, fiat syrupus magistralis cum f. q. sacchari, capiat aliquoties in mense  $\mathfrak{z}$ . iij. vel iiij. cum decocto conuenienti.

Gordonius præscribit sequēs remediū.  $\mathcal{R}$ . succi ireos, mellis rosati collati par-

V 5

tes

## 314 EXERCITATIO III.

tes æquales, decoquantur in diploma-  
te, vel duplici vase, per quartam horæ,  
deinde adde cinamoni puluerisati ʒ. j.  
exhibeatur ad ʒ. j. vel ʒ. j. β. cum deco-  
cto radicum aperientium. vel

℞. pulueris radice cucumeris asinini  
ʒ. j. vini generosi lb. j. maccetur triduo  
in illo vino, fiant tres doses, atque illud  
iterandū interpositis aliquot diebus. vel

℞. elaterij ʒ. j. specierum pilular. ele-  
phanginarum ʒ. β. succi būnthij q. s.  
fiant pilulæ molles capiat, ex Sauona-  
rolla. vel

℞. soldanelle ʒ. j. hermodastillorū ʒ. v. ci-  
namoni ʒ. j. liquiritiæ ʒ. ij. galægæ minor:  
lignialoes añ. ʒ. β. schænnathi, lacce, añ. ʒ.  
j. cyperi, calami aromatici ana. gr. vj. se-  
minum anisi, cardamomi ana. ʒ. j. rha-  
barb. ʒ. iij. fiat puluis, detur ʒ. j. vel. ij. cū  
aqua aut conuenienti decocto. vel

℞. feri caprini lb. β. radicum iridis  
recentium mundatarum ʒ. β. bulliant  
simul ad consumptionem tertiæ partis:  
colaturæ adde sacchari ʒ. β. electuarij  
rosati ʒ. j. capiat. vel

℞. succi radicum ireos depurati per  
residen-

residentiam ℥.j. bulliant cum saccharo, fumat cum ouo forbili, aut sero caprino

℞. folliorum laureolę pulueratorum ℥.β. infundantur per duos dies in æquis partibus succi cytoniorum & aceti, expressione facta incorporentur cum syrupo rosato solutiuo, fiat massa de qua potest dari ad pondus gr.x. vel

℞. decoctionis foliorum laureolę ℥. iij. syrupi rosati solut. ℥.ij. cinamomi ℥.β. misceantur, & capiat. vel

℞. succi prassij albi depurati q. s. cum sacchari sufficienti quātitate: coquantur, & fiat syrupus.

Ad prouocandas vrinas spica nardi plurimum valet: quare ℞. feri caprini ℥. iij. spicę nardi ℥. iij. bulliant lento igne ad consumptionem tertię partis, detur sæpe. vel

℞. succi cucumeris asinini, farinę orobi, æris vsti ana. ℥.β. dissoluantur cū succo lilij, cœlestis, illiniatur sæpe venter, & lumbi. vel

℞. pulpę colocynthidos, cucumeris asinini recentis ana. pug. j. frōdium laureolę triduo in aceto infusorum pug. j. β. pisten-

ß. pistentur : fiat linimētum cum pauca  
cera ventria pplicādum imo. vel &. fimi  
columbini ꝑ. ß. laureolæ, colocynthi-  
dos an. ʒ. ß. succi absinthij pontici, succi  
cucumeris asinini ana. ʒ. vj. succi ireos ʒ  
ß. cum cera fiat vnguentum, quo vnga-  
tur totus venter imus.

Rubera decisa, & renibus superposi-  
ta vehementer vrinā proritat. Eo reme-  
dio authorū sentētia multi fuere curati.

Fit tragema ex ʒ. j. pulueris hermo-  
daetylorum albissimorum cum liquo-  
re accomodato, vt ebuli, vel sambucci,  
ireos, soldanellæ: vel electuarium siccū  
cum saccharo ad eundem scopum.

Interim quia ista omnia remedia sunt  
violēta, interpositis diebus quibusdam,  
utilissimum esset præbere tabellā vnam  
ex sequenti medicamēto corroborante  
stomachum, & hepar.

&. specierum triasandali ʒ. ij. vel dia-  
curcumæ ʒ. j. ß. rhabarb. electi, ʒ. ij. sac-  
chari in aqua absynthi pontici disso-  
luti ʒ. ij. fiant tabellæ pondere ʒ. j. capiat  
ieiuno stomacho vnam.

Quædam restāt remedia Chirurgica  
deferri-

scribenda Archigenis remedium erat ex Langio : supra internū cruris œdemate turgentis mal'colum, quatuor digitorum spacio, scalpello paulo profundius, quàm in venæ sectione, & in orbem cucurbitulæ, adactò, & vlcusculis sale confricatis, ne sanguis, vel ipsa concreverent : inde iugi scaturigine aqua guttatim emanante, totam hydropis aquam sensim educebant antiqui, idq; verum esse mea experientia comperi, inquit Langius.

Sectio verò hydropi necessaria est, ex Hip. section. enim 7. l. 6. epidemion aph. 9. scribit *hydropicos celeriter secare convenit*, nimirum antequam corrumpatur siue alienetur lecur. Tunc enim sectio nullius esset utilitatis. Aurelianus lib. 3. tardarum affectionum scribit, *Quidam vituperarunt paracentesim*: nimirum Erasistratus, & Thessalus, his rationibus, quòd peritonæum membranofum non facîle patiatur puncturam : quòd periculum sit ne incidatur aliquod intestinum : quia aquæeductio morbi causam nō aufert, sed tantū sympto-

symptomata. Tãdem quia effusa aqua extra ventris capacitatem pauci superstites manent.

Asclepiades autem, Themissus, & Soranus laudauerunt parachentesim. Aurelianus testatur se vidisse nonnullos, qui sectione euaserunt. Quod autem plurimi moriantur causam affert Aurelius, quia ea curatio semper seriùs tentetur, nimirum quãdo diuturnitate factus est morbus incurabilis. Quam ob causam Hipp. iubet hydropicos citò secandos dum vires constant, nec viscus iecoris est alienatum. Multos verò euasisse is potest facillè perspicere qui libros practicorum euoluerit. Argumẽta verò quæ à primis auctoribus in Hippocratem contorquentur, facillè solvuntur. Nam vulnera peritonæi facillimè sanantur, neque inciduntur facillè intestina tumida, & læuia. De aquæ verò educatione verissimum est. Quare Hipp. in principio secandos iubet: in quo tẽpore si secentur certa experientia euadunt. Præscribenda ergo sunt quæ obseruari debet in hac sectione. Primò vt  
fiat

fiat in principio, cū vires valent, nec alienatum est lecur, & non in omni specie hydropis, sed tantū in ascite. Fit autem illa sectio paulò infra vmbilicum ad latus quatuor digitis, ob musculorum rectorum aponeuroses, idque in opposita parte affectivisceris. Fit etiā sectio per vmbilicum ex Celso ca. 15. l. 7. quæ noua non est.

Verū licet integrum sit Medico utroque modo progredi, tamen paracētēsis est præferenda vmbilici sectioni, eo quod tutius, & commodius euacuentur aquæ, locus namque est inferior multò vmbilico, ita vt parū, aquæ remaneat in abdomine.

Si verò tumor ad testiculos vsque descēderit, in illis cauteria actualia, siue potentialia affigere poterimus, aut setonem.

Hollerius comm. in aph. 27. lib. 6. hodie inquit tutius agimus in paracētēsi, habemus enim cannulas quasdam argenteas perforatas quas in illud foramen immittimus, ijsque apertis (vt in cantharis illis stanneis fit) tantū educimus

cimus aquæ quantum volumus. Oportet autem sensim exhaurire aquam, ex Hippocrate aphor. citato cum inquit *quicumque empyi hydropici dum uruntur, aut secantur, si pus, aut aqua simul! & semel effluxerint, moriuntur.* Nam ex Hippocrate aphor. 51. lib. 2. plurimum atque repente vacuare periculosum est. Quare de internis affectionibus scribit Hippocrates *per ferrum urito hydropicos, & aquam sensim, & paulatim educito.* Quod præfiniuit Hollerius. Oportet, inquit, semel in die aquam detrahere quantum vires ferre poterunt: & ita singulis diebus facere, usque ad 12. diem, quo exacto quod videtur reliquum potest totum simul, & semel detrahi: aut si viribus metuis, magna pars educi potest. Lege reliqua apud illum auctorem loco citato. Multa alia excogitata sunt à Medicis remedia, ut ægrum tegere cumulo triticeo, quo curatos multos refert Forestus. Item littoris arena calida operiri eundem: aut furno repente includere præcipiunt ægrum.



## DE TYMPANITE.

**T**Ympanitem ostendunt tumor lævis à flatu : sonus à percussione : tensio magna : ruētus, & multi crepitus à quibus alienatio, sed perexigua percipitur, Causa proxima est refrigeratio iecoris, quæ plus generat flatus quàm humoris frigidi.

Futuri tympanitis signa describuntur aph. II. lib. 4. *tormina circa vētriculam, labor, atque lumborum dolor, qui nec medicamentis, nec alio modo solui potest : cum enim illa nascantur symptomata à flatu distendēte partes descriptas, nec possit earum intēperies vinci, quòd sit habitualis, & hectica, necessariò sequitur, ut tympanites inde nascatur.*

In coacis cap. de Hydrope, scribitur *in siccis morbis hydropicis stillicidia urinae mala.* Nam omnis stranguria, nisi critica sit, mala est.

Critica autem fuit ex j. Epidemion, Thasis illis qui laborabant febre semitertiana diuturna. Inquit enim Hipp. *inter omnia signa fuit vnum utile, & ma-*

X

ximum

*ximum* quòd multos maximis periculis liberavit, quibus scilicet in stranguriam mutatio facta est, eoque abscessus conuersi sunt. Curationis ratio deducitur, ex eo quòd in tympanite licet flatus maiori copia colligatur quàm aqua; tamen aquæ sèper aliquid admiscetur. Quare medicamentis flatum discussietibus ea sunt semper admiscenda quæ aquas ducant: vitandaque illa quæ flatum generant. Sit ergo aër calidus siccus, fameat, fiat, exerceat corpus, pane utatur biscocto, & cum aniso compacto: vitentur omnia quæ flatum pariunt, qualia sunt omnia cruda, legumina, rapæ, castanæ, lacticia omnia, pisces, & similia. Bibatur vinum vetus cum aqua decoctionis coriandorum: à pastu sumatur anisum solum, aut incrustatum saccharo.

Instituta victus ratione oportet primò præparare pituitam flatum generantem, syrupis de quinque radicibus, de mentha, & similibus, aposemate cõposito ex radicibus aperientibus, herbis, seminibus, floribus habentibus facultatem discutiendi flatus. Deinde præparatos

paratos humores purgare oportet medicamentis aquas purgantibus, & pituitam, & discutientibus flatus. Dissipant mirè flatus oleum anisi, & fœniculi. tū aquę chymicè extractæ. Deinde oportet corroborare Iecur, & eius intemperiem corrigere vt diximus.

### DE HYPOSARCA.

**H**yposarca detegitur tumore corporis œdematoso, qui dum premitur, retinet imprimētis vestigium. Leucophlegmaticos ex Hipp. aph. 29. lib. 7. alui profluium sanat, nimirum integris viribus. nec iam contracto malo in corporis habitu. Anasarca quod à pituita originem duxit, calidis, & siccis curatur: primò præparantibus, deinde euacuantibus: postremò auferentibus malam iecoris dispositionem, quæ cum frigida sit, videndum est num contigerit à calore retorrente. Nam hæc siquidem auxilium admittat, calidis, & moderatè humidis reparatur, vt in alijs speciebus hydropis. Si verò à frigido, & humido, calidis, & moderatè siccis, qua-

324 EXERCIT. III. DE HYDR.  
lia sunt syrupus de absinthio pontico;  
eroscisci de rhabarbaro, de absinthio,  
diacurcuma, & similia medicamenta;  
prægressis generalibus remedijs.

F I N I S.

**N**O s F. Stephanus Marius sacra-  
rum litterarum professor, reformatæ  
occitanæ prouinciæ ordinis Predicato-  
rum humilis Prior Prouincialis necnō  
in Legatione Auenion. hereticæ pra-  
uitatis generalis Inquisitor permitti-  
mus Iacobo Bramereau Typographo  
Auenionensi imprimere librum cui  
titulus *Methodus cognoscendi, prædicendi &  
curandi morbos eorumque symptomata à*  
Domino IACOBO FONTANO Do-  
ctore Medico Auenion. Datum Auc-  
nioni 6. Nouembris, 1601.

*F.S. Marius Inquisitor gene-  
ralis sanctæ fidei.*









